

Tractatus duo singulares

DE

EXAMINE SAGARUM

Super aquam frigidam proje-
ctarum

(Von der


Wasser-Prob der Hexen)

*In quibus hujus Purgationis Origo, Natura & Veritas
curiosè inquiritur*

Variaëque quæstiones è Theologorum,

Jurorum, Medicorum & Philosophorum
scriptis petitaë

doctissimè & jucundè resolvuntur.



Frankfurti & Lipsiæ

Sumptibus THEOPHILI HENRICI GRENTZII,
Bibliopolæ Hannoverani & Hildesienfis.

1686.

~~7410R59~~

A.51202



JACOBI RICKII Jcti Discur-

sus de Proba ut loquuntur Aquæ frigidaë in Examinatione Maleficarum adhibenda.

AQUAE frigida probatio (quam circa Maleficarum examen hoc, & superioribus paulò temporibus locorum in Germania magistratus procreatu illo & exquirendo & detegendo, usurpant) adeò in admirationem traxit multos, ut rei (quam oculis subiectam, prater omnem naturæ ordinem, ac quasi impossibilem factu, fieri tamen revera cernerent) causam ob quam ita fiat, & vim per quam id ita consequatur perspectam ipsis esse avidè expectarent (inanibus quippè rebus non facile talia signa affigendis) functionis porrò mea portio illa, quam apud insigne Bonnense oppidum in Electorali ibidem pratorio Scabinali juratus sustineo, me in consimilem admirationis traxit contemplationem.

Dùm itaq; manum ad molior, dùm commotum semel animum Dei spiritus dirigeret & doceret, ecce in ipso scribendi opere, tot adsunt dubitandi, decidendiq; rationes, ut unis post alias obiter connotatis & animadversis, consultationem & sermonem conferre cum alijs desuper inciperem. Et dum scientiæ per additamenta fiunt, difficile autem sit invenire simul & perficere, ideò suavis ac aliorum consilio accedente, præconceptum hunc tumultuarium laborem, quatuor Capitibus distinctum in Dei nomine luci dare placuit, ita quidem, ut definitionem ejus rei mihi nullam, sed humanitùs cognoscendi & differendi consilium adsumerem, alijs hæc idem perficiendi ac determinandi relinquerent Contentus si facti nostri Scabinalis ratio, ac rata defensio non modò constaret omnibus, sed etiam posteritati toti hoc meo capto causam praberem latius, & quod maximè conveniat, Theologicè ac mysticè rem hanc plenius ac perquisitius aliquando tractandi.

Nam omni semoto dubio antiquus ille serpens (dum ardor

charitatis avita ac constantia Christiana olim miraculosè ac sanctis-
simè celebratus, nunc refrixerit, ac apud plerosq; terrena (non
totali cœlestis omnipotentia habita recordatione vel respectu) con-
sectantes, extinctus ferè sit.) non desistet persuasionibus, fantasiis
& illusionibus suis hominum cogitationes & conatus ita detinere,
ita transversum agere ac fascinare, ut in demonomania hac con-
templanda, compescenda ac eradicanda, non debitum sint momen-
tum ac venerationem daturi divina potentia ac voluntati, sed arbi-
trium ac censuram hujus rei penè totam in illum, cujus artes ac stra-
tagemata tractantur, deteguntur ac remediuntur, conjectari ac de-
rivaturi. Et hac præcipua latens admodum ejusdem præstigatoris
una decipula fuit, quod ita circa materiam hanc irretitos habuit ac
dementatos mortalium animos mentesq; obnubilatas, ut depressis
& non alevatis cordis sui oculis non putârint Deum circa hujus
magiæ detectionem ac manifestationem (quam operatur Magistratus)
extra illius mali hospitis consortium quicquam cooperare voluisse
vel velle, sed vel ad tentationem divinam vel impossibilitatem
facti, vel demonis pactum vel Canonum interdicta decurrerint.
Accipe itaq; Lector benevole, hilari fronte novum hunc nostrum
elucubratum laborem ita quidem legendum, ut dum superiorum ac-
cesserit (quorum est) censura, legis vim obtineat minimè, sed li-
beralis exercitii locum vindicet maximè Vale & candide quod can-
dide factum est, interpretator, sin secus fiat, censeo ego nullum re-
prehensorem esse formidandum veritatis amatori, qua peti
quidem potest gladio, jugulari non potest.

COM-

COMPENDIOSA CERTIS-
QUE MODIS ASTRICTA DEFENSIO
BROBÆ (UT LOQUUNTUR) AQUÆ FRIGI-
DÆ, QUÆ IN EXAMINATIONE MALEFICARUM
PLERIQUE JUDICES HODIE UTUN-
TUR.

*Probatio aqua frigida, qua Judices & Magistratus locorum adver-
sus Magas pro earum culpa vel crimine Magia detegendo in
Diocesi Colonienſi hoc fere tempore ſunt uſi, à pluriq; Aucto-
ribus qui in eam rem ſcripſerunt, adeò improbatur, ut putent
talem probam, vel judicium adhibendum omninò non eſſe.
Quinimò facientes, conſentientes, & qui conſidunt in eis, in
laqueum incidere diaboli, mortaliter peccare, confeſſionem inde
elicitam nullam, ſententiam publicatam erroneam, & pariter
nullam eſſe.*

CAPUT I.

ADDUCUNTUR ad id variis argumentis: I
Primò, quod illa proba ſit ſuperſtitioſa & ido-
lolatrica, infidelitatem ſapiat, & ſit opus diabo-
licum. Ea ratione, quòd implicitum quoddam
pactũ cum dæmone tacitè & ipſa vi facti initum,
etiam præter intentionem facientium, contineat. Nam Magos
qui fascinant cum ſathana pepigiſſe, ut res contra naturam fa-
ciant: pactum enim tale implicitum vel tacitum ſit, quotieſ-
cunque aliquis contendit facere quid per cauſas, quæ nec vir-

tute naturali, nec ex divina aut ecclesiastica institutione possunt illud efficere.

- 2 Secundò, quod Deus per id experimentum videatur tentari: nam dum omninò contra naturalem id sit rerum ordinem, & ab eo iudicio profectum, quòd impossibilitatem seu naturæ accusatricem, vel èt testimonium naturæ contrarium secum importet, ideò tentationem & quasi in dubium vocationem includere, vel insinuare potestatem illius qui naturæ autor est & magister. Unde Christianos nos Judaifantes signum requirere videri, quemadmodum in novo testamento sæpius fecerunt Pharisei, Matth. cap. 8.
- 3 Tertiò, quòd hæc tentatio neque in humanis, neq; in divinis literis ullum habeat fundamentum, sed expressis earum sanctionibus sit vetita & abrogata, c. Mennam. c. consuluisti, & c. Monomachiam. 2. q. 5 c. final. de purgat. vulgari, extr.
- 4 Quartò, quòd quicumque iudex per vetita & illicita media etiam pro veritate indaganda procedit, is non modò mortaliter peccat, sed etiam de syndicatu tenetur. Nam præstigias Magorum, & miracula contra naturam habere pro præsumptionibus juris esse iniquissimum.
- 5 Quintò, quòd tales effectus, iudiciumque illicitum reddatur ideò, quòd ordinetur ad iudicanda occulta, quæ divino iudicio saltem reservantur: Nam ut dicitur Jeremiæ cap. 10. A signis cœli nolite metuere quæ timent gentes, quia leges populorum vanæ sunt, tum etiam quia huiusmodi indicium nulla sit divina autoritate, vel exemplo sancitum.
- 6 Sextò, quòd proba vel indicium hoc nullam justam vel sufficientem de sui necessitate causam habeat adjunctam, sicq; temere & sine recto fundamento præsumptum.
- 7 Septimò, Joannes Bodinus in libro de dæmonomania Magorum, lib. 4. cap. 4. prope finem (ubi multis antè collectis præsump-

sumptionibus, ex quibus reatum prehense velprehendendæ Maleficæ judici arguere liceat) sentire videtur hanc aquæ probam illicitam, ac multum fallacem esse, dum per tale indicium insinuare diabolum se & commutare dicit in scholam Magorum, obrepere ac fascino involvere iudices sentit.

Octavò Petrus Binsfeldius Doctor, Theologus, ac in diocesi Trevirensi etiamnum Suffraganeus, qui in signem tractatum de Confessionibus Maleficarum ac fagarum edidit, in secundo membro suæ quæstionis aliquot conclusionibus præmissis, in primo dubio existimat, dæmonem suâ virtute hominem per aëra ferre ac in remotiss. loca quasi in puncto temporis posse collocare. Ergò etiam eundem in aquis suâ potentia sustentare, ac elevatum tenere, ne submergatur, posse.

Nonò idem Theologus ac Suffraganeus ibidem ita ratiocinatur: similiū similis est ratio, & si in lege proprius casus non exprimeretur, ad similem expressum, ubi est identias rationis, confugiendum est, sed probationis aquæ frigidæ eadem est ratio, quæ candentis fetri vel aquæ feruentis. Tales autem probationes sunt perversæ ac superstitiosæ, juxta c. fin. extr. de purg. vulgari. & 2. q. 5. c. Mennam, & c. consulvisti. S. Thom. 2.2. q. 95. art. 8. ad 3. S. Antonius 4. part. tit. 15. cap. 34. §. 2. Joan. de Turre Cremata in d. c. consulvisti. Panor. in d. c. fin. Navar, in manuali confessoriorum, cap. 11. n. 39.

Decimò, quòd si implicitum pactum etiam præter intentionem facientium cum dæmone, tunc haberi dicitur, quando propter factum nostrum superstitiosum (hoc est tale, quod non per totum neq. omnimodò ac insolidum, sed cum quadam ad dubitatione, & per adminiculantem aliquam, deviantem extraneæ ac minimè approbatæ ceremoniæ causam vel usum in Deum unicum nostrum est defixum & radicatum) is dæmon de uno præconcesso antecedente, id in consequens minimè con-

concessum, neq; de intentione hominis inde consequenturum extendit, & suo more interpretatur: multò magis hic idem fieri dicetur, dum neque Deus, neq; boni angeli quicquam quod ad hanc abdicatam, ac semet ab cœlesti patrimonio sponte exhæredantem maleficam attinet, commercij, auxiliij, seu gratiæ quicquam ostendere, vel circa eandem manifestare velle videntur: Atq; hoc esse ac ex isto forte profluere existimo id quod Cancellarius ac Theologiæ facultas in alma Universitate Parisiensi in determinatione publicata die 19. Septembris, Anno 1391. articulo tertio, hisce verbis edixit: Et intendimus esse pactum implicitum in omni observatione superstitiosa, cujus effectus non debet à Deo vel natura rationabiliter expectari.

II Undecimò, spontanea confessione, facti evidentia, vel testimonij integræ opinionis approbatione publicata delicta, habito præoculis timore Dei, commissa sunt Magistratus regimini judicanda: occulta verò & incognita illi sunt relinquenda, qui solus novit corda filiorum hominum. Nam quod sanctorum patrum documento sancitum non est, superstitiosa adinventionem non est præsumendum, c. contulisti. 2. quæstio. 5. c. fin. extr. de purgat.

Tutius ergo, ac in casum non cognitæ rei, & siquidem de causa ad condemnationem vel absolutionem usque ipsi non liqueat, consultius esse videtur, si jurejurando sese exoneret judex, secundum legem. Idem Pomponius §. fin. ff. de recept. arbitr. l. Pomponius. 36. ff. de re judica. Cujus exemplum est apud Gellium Noct. Atticarum lib. 14. cap. 2. vel ut propter ambiguitatem probationum, difficultatem, vel votorum diversos, & sibi ipsis, non eadem sententia constantesensus judicantium actorum testificationes ad superiorem judicem referant, ejusdemque sacras jussiones expectent, toto tit. ff. de relationibus. l. solet, l. si quid erit, ff. de offic. præconsul. l. eum quem temerè,

re, §. fin. ff. de judic. & C. de judicib. §. fin. Idque ideò, ne conscientiam suam probabili ac vicino peccandi exponat periculo, quòd qui amat, peribit in illo.

Postremum verò & hoc constat, firmissimeque credendum videntur, hanc aquae probam esse valde periculosam, maximè adversus eas, quæ innocenter in eis tentantur, & ubi comperita indicia Judices fortè fefellissent. 12

Nam si demus dæmonem de potentia principatus & virtute proprietatis suæ, quam à Deo habet concessam, hominem super aquas elevare, & ne mergatur, detinere posse (cujus tamen contrarium astruere conabimur in resolutione octavi argumenti infra.)

Tunc & hoc demus necessum erit, quòd hoc habeat antiqui illius hostis invidia, ut quos improborum actuum perpetrati-
one Deo sibi resistente, dejicere non valet, opinionem eorum falsa ad præsens simulando dilaceret, c. habet. 2. quæst. 4. pro quo ad manus facile habet mille nocendi artes, ac nomina mille.

Ne itaque huic veterano & præstigiis diaboli illusionibus patulus detur locus, præstari videbatur, in ambiguis mitiorem partem eligendo, impunitum relinqui facinus nocentis potius, quàm innocentem damnare: ne plus opinio, quàm judicium in judice polleat rationis.

Nam & aliàs constat propter incertitudinem, & summam rerum difficultatem delicta sæpè impunita mansisse, dum non jus, sed probatio deficeret, argum. l. duo sunt Titij, ff. de suspect. tut.

Quinimò & hoc interdum vidimus, constantem viciniæ famam, dum ad veritatis, vel originis sui fontem exploratio & authoritas haberi cœpta est, aut evanuisse prorsus, aut involu-

tam sæpè & contrariam inextricabilemque iudicibus extitisse multoties, juxta illud: Fama malum gravius, quàm res trahit. Item & illud Vergilianum.

Fama malum quo non aliud velocius ullum, &c.

- 13 Duodecimò, admodum huic sententiæ adversatur insigniter in praxi famosus Jureconsultus Matth. de Afflict. in Constit. Neapol. lib. 2. in rubr. 13. delegibus parilibus sublatis, ubi dicit: probationem vel oblationem innocentiae per tactum ferri igniti, aquæ bullientis, vel submersionis in aqua frigida esse falsam, diabolicam, & ideò reprobata, non solum in jure Canonico, uti suprà demonstravimus, sed etiam per dictam constitutionem Regni: *Eorum* (inquit Constitutio) *sensum videndum duximus, qui reum criminis constitutum ob conscientiam laesam, tantum asserunt, ab aqua frigida frigido elementulo non recipi, quem submergi potius aeris competentis retentio non permittit, ubi glo, inquit, submergebantur in aqua frigida tribus vicibus.*

Ubi ideò dicitur probatio parilis, quasi apparabilis, hoc est, quasi in vulgus aliquod innocentiae vel nocentiae signum per istud experimentum appareat, hinc etiam nominatur probatio peregrina, extranea, vulgaris, eò quod vulgus illas contra leges tam divinas quàm humanas ex mera superstitione introduxit, c. consolvisti. 2. quæst. 5. ideò reprobata, quia per eam tentatur Deus contra naturam, nam naturale est, quod ferrum est lædens carnem. Ideò si dicatur ab inculpato: Ego sum innocens, volo accipere ferrum ignitum, vel stare in aqua bulliente, vel submergi in aqua frigida tribus vicibus, & non me lædet, & si me læsit, sum nocens, &c. quia scriptum est in lege, Non tentabis dominum Deum tuum, 22. quæstio. 2. c. quæritur. Deuteronom. cap. 6. Hæc enim probatio fuit inventa fabricante diabolo, quia est ludibrium periculosum, & scandalosæ tragædiæ initium fallax, & sine veritate; quia opera diaboli non sunt cum veritate:

Pro-

Probationes ergò debent fieri secundùm quod jura communia & sanctæ constitutiones ordinant, scilicet per testes aut instrumenta, aut legitimas probationes.

Vnde judex, dicit Afflictus, nullas tales probationes admittere debet, & vide inquit quæ dixi in §. si quis hominem, ubi retuli sententiam fuisse declaratam nullam pro eo quia lata in favorem ejus qui vicit in duello de certis bonis stabilibus.

Tandem verò inter omnes autores qui hanc aquæ Probam 14 improbant, præcipuus & novissimus est Joannes Godelmanus in tractatu suo de Magis, veneficis, & Lamijs, &c. ubi is lib. 3. cap. 5. sed adfert talium veritatum explorationum ac tentaminum genera. Et licet ad singulas earum specis singula, imò plura adferat exempla, quibus veritas detecta ac reatus emicuit eorum qui fuerunt insimulati, tamen tales explorationes ad unum usque omnes concludendo rejicit ac damnat.

PRIMUM genus esse dicit per flammam, Orthodoxus quidam Episcopus, inquit Theodorus lectionum lib. 2. cum Arriano contendens, eam conditionem proposuit, ut verborum aucupijs relictis, ignem ingrederentur & sic ostenderent utra sententia magis pia esset, Arrianus conditionem detrectavit accipere. Sed Orthodoxus ignem ingressus è rogo disputavit, & illæsus servatus est. Abbas Urspergensis: Petrus (inquit) Albanensis Episcopus obiit, iste per indicium ignis immensam pertransiens illæsus pyram, vestimentis etiam per flammam volantibus, sed in nullo læsis, Petrum Florentinum Episcopum declaravit simoniacum: unde & ipse postea Igneus est appellatus.

SECUNDUM genus fit per indicium Crucis, ut in testamento Caroli Magni apud Nauclerum, si causa controversiæ inter partes orta fuerit, quæ hominum testimonio definiri non potest, volumus quod ad declarationem rei dubiæ indicio Cru-

cis DE I voluntas & rerum veritas inquiratur. Et in capitulari: Quod si accusator contendere voluerit de ipso periurio, stent ad crucem, & si jurator vicerit, lege sua accusator emendetur.

TERTIUM ejusmodi genus est per sortes, de quibus infra in capite secundo. Est & aliarum sortium genus, de quo ibidem Godelmannus ex legibus Frisionum libro 14.

Genus QUARTVM est per corpus Domini, cujusmodi fuit illud, de quo commemorat Gregorius Turonensis libro 10. cap. 8. Tu verò, si idoneus es, ut adferis, accede propius, & sume tibi Eucharistiæ particulam, atque impone ori tuo, erit enim Deus respector conscientiae tuæ. At ille acceptâ Eucharistiâ communicans abscessit.

QUINTUM explorationis furiosæ genus per ferrum candens vel ignitum introductum, ad exemplum potionis illius quæ stupri infimulatis muliebris exhiberi solebat: illa potione sumpta, si mulier rea erat stupri, pertransibant illam aquæ maledictionis, & inflato ventre computrescebat femur ejus, eratque in exemplum omni populo. Si verò stupro polluta non erat, nihil ei potio sumpta nocebat, ut prolixè Numerorum ca. 5. & in c. in libro 2. quæst. 4. traditum est. Sic mulier nobilis cujusdam viri, quem Maria conjux Othonis Tertij falsò accusaverat, quòd se de stupro sollicitasset, ignitum ferrum in conspectu omnium illæsa pertulit, Crantius in Saxonia lib. 4. cap. 26.

Sextum genus talis experimenti fit per aquam ferventem vel frigidam, æquè uti superiora omnia, prohibitum & abolitum.

- 15 Ex quibus omnibus & singulis videbatur in hoc ambiguitatis puncto ad illa esse potius recurrendum remedia, quæ tradunt Doctores Mallei, in tertia principali, tertio ejusdem partis membro, scilicet qualiter processus maleficialis per debitam sententiam congruo sit sine terminandus in tertio modo seu quæ-

quaestione 22. ubi ratiocinatur de illa malefica, quæ propter infamationem solam, & tam potentem quaestionibus venit subdenda.

Vbi dicit, quod si quaestionanda sit varia, non per totum, sed ambiguè in negativis consistens, adsintque indicia, aliquo modo ad quaestionem sufficientia, tunc per judiciale decretum eandem ad tormenta adjudicandam esse.

Non tamen sit iudex multum voluntarius, inquit, ad quaestio- 16
nandum aliquam, nam quaestiones & tormenta non inferuntur nisi in defectum aliarum probationum. Et ideo prius perquirat alias probationes, quas si non invenerit, teneatque probabiliter iudex quod delatus sit culpabilis, sed metu negat veritatem, tunc bonis modis, & quandoque cautelosis, adhibitis ejus amicis inducentibus eam ad veritatem, faciat suam diligentiam omnem, ut ab ore ejus habeat veritatem, & negotium non festinet. Nam meditatio frequens, carcerisq; calamitas, ac replicata informatio proborum virorum multum disponat ad veritatem eruendam.

Quod si delato convenienter expectato, & tempore congruenter prorogato, ac eodem multipliciter informato, in nega- 17
tione sua delatus persistat, tunc fide bona Episcopus & Iudex credant, ipsum delatum negare veritatem, ideo quaestionent eam moderatè sine effusio ne sanguinis, scientes quod quaestiones sint fallaces & inefficaces. Nam aliqui sunt ita molles corde & vecordes, ut ad levem torturam concederent omnia quaecunque falsa, aliqui autem sunt ita pertinaces, quod quantumcunque vexarentur, ab eis veritas non haberetur: Aliqui sunt, qui fuerunt aliàs quaestionati, & istorum aliqui melius sustinent quaestiones, quia brachia statim trahuntur & flectuntur, aliqui autem remanent debiliores, & sic minus sustinent quaestiones: aliqui etiam sunt maleficiati, & in quaestionibus utuntur male-
B 3 ficiis,

ficijs, qui antè morerentur quàm aliquid faterentur, efficiuntur enim quasi insensibiles. Quare in quæstionibus cum maxima prudentia est agendum, & ad conditionem quæstionandi quam plurimum attendendum.

18 Cum autem lata fuerit sententia super quæstione habenda, mox ministri se disponant quæstionandum delatum: interea Iudices, vel alij viri inducant quæstionandum ad fatendum liberè etiam compromittendo ad conservationem vitæ, si opus sit.

19 Quod si fateri adhuc noluerit, die assignata quæstiones continuentur, & alijs gravibus tormentorum quæstionibus subjiatur fortius vel levius secundum majorum culparum gravitatem, ac personæ qualitatem. Et poterunt iudices (inquit Malleus) multas cautelas licitas adhibere, & in verbis & in factis ut veritas habeatur, quas magis docet experientia, usus, & negotiorum varietas, quàm ars alicujus aut doctrina. Ubi autem decenter quæstionatus & tormentis expositus, noluerit detegere veritatem, amplius non vexetur, sed liberè dimittatur. Si verò non perstiterit in negativis, sed confessione propria veritatem protulerit, culpam agnoscendo, & ab Ecclesia veniam postulando, idque in hæresi fidei seu religionis, tunc abjuratone solenni modo facta, satis factionem congruam ad arbitrium Episcopi, vel iudicis Ecclesiastici excipiet, & non tradetur brachio seculari, neque ultimo supplicio erit feriendus: nec si sit clericus, degradandus erit, sed est ad misericordiam ad mittendus, juxta c. ad abolendam, §. præfenti, ext. de hæret. sed abjuratâ primitus hæreticâ pravitate in perpetuos carceres erit obtrudendus, juxta c. excommunicamus. §. si quis. eod. tit.

21 Verum in hac maleficiali hæresi confessus vix vitæ adversatur, sed pro apparenti conditione maleficiali aut verè aut fictè vel simulatè resipiscentis, ac cordialem contritionem facientis, aut

aut porriguntur eidem sacramentales gratiæ, aut denegantur; interim omnibus pijs & publicis cohortationibus ad omne bonum, spem & confidentiam in Deum per devotos sacerdotes cohortantur & examinantur, prout habet praxis rerum magistra.

Quòd si verò vir vel mulier maleficij infimulati & quæstio- 22
nati in negativis perstent, indicia contra se prolata rationabiliter excusando, negando, contrariasve probationes offerendo: tunc judex eo in carceribus detento, perquirat amplius, & proclamari faciat, si in similibus culposus vel suspectus fuisset, & multa mala de illo dicantur, vel si lachrymas non emittat, si insensibilis ad tormenta appareat, si post tormenta omnibus vicibus citò restituitur, tunc cautelis & fallacijs erit utendum potius, quàm dimittendus; Et si quidem omnia defecerint, tunc militantib. fortissimis & violentissimis præsumptionibus contra delatum non erit statim dimittendus, sed per annum ad minus squaloribus carceris mancipandus & cruciandus, sæpius etiam examinandus, præcipuè sacratoribus diebus. Hæc ferè Malleus. Ex quibus evincitur probam aquæ nunquam ferè admittendam, sed secundum præscriptum de jure modum ad condemnationem vel absolutionem procedendum.

Introductio in Caput Secundum.

SED nos qui ad Magiæ justitiam & examen in terra Coloni- 23
ensi, præsertim verò in Electorali scabinali prætorio Bonnen- si nuper adsedebamus, hanc sententiam cum suis rationibus neque omninò respuendam, neque in totum amplexandam fore existimabamus: Nam cum judicantem oporteat cuncta rimari, ac singula rerum momenta plena indagatione plenè ac sollicitè perquirere, nihilque intentatum relinquere, nos & criminis hujus summa detestabilitate & periculo, quod ex ejusdem

dem impunitate tam nobis quam cæteris impendere videbamus, attentis, mediam viam eligendam putabamus.

- 24 Quocircà & tutius, & functioni nostræ convenientius fore, ut siquidem contra delatam personam indicia ad præhensionem sufficientia militassent, deinde contra eandem jam incarceratam vehementiores præsumptiones (etiam species facti) insurgerent & accederent, quæ ad torturam communiter sufficientes esse possent; tunc non quæstioni subiciebantur statim, sed pro confortatione præcedentium indiciorum, probam aquæ adhibebamus primitus, non ad convincendum eam per hanc, sed præparandum & muniendum torturæ viam, & momentum faciendum tantò confidentius.
- 25 Accedebat ratio hujus facti nostri & aliera, nam dum in votorum collationibus indicia (quæ iudicibus arbitraria & prudentia potius ejusdem expendenda ponderandaque relinquuntur, quam de jure certo præscribuntur. Iacob. Menochius de Arbitra. judic. quæstionum lib. 2. centu. 3. quæstio. 270. Barb. & alij in l. final. ff. de quæst.) alia alijs leviora, certiora vel infirmiora, minus magisque ad torturam sufficientia videbantur, hoc tentamen certitudinis quid in hanc vel illam partem illis adjiciebat.
- 26 Dum itidem haberemus compertum, sathanam dissuadere, ac omnino sagas suas eo intentionis animare, ne ullis tormentis evicti verum faterentur, qui etiam torturæ sensum illis potens esset adimere interdum, ut ajunt, & illas insensibiles reddere. Ideò ne veritas è tot collatis præsentibus indicijs in majorem Dei & hominum offensam vitium pateretur, statuebamus in adminiculum probam aquæ, & quasi in præparamentum saltem adhibere, quo sic ad quem modum, & quousque torquenda esset, post tanto certius dignoscere & discernere possemus.

Extra enim tot tantaque comperta indicia, nullam 27
aquæ tentamini personam subjiciendam putabamus, neque
enim debet judex cum alterius famæ periculoso dispendio
temerè vagare, maximè dum expressa legis adhuc desti-
tuebamur admissione: cum fallax & mille artifex ille im-
postor fucum facere, seu palpamaobtrudere interdum judici-
bus magistraliter esse edoctum probè nossemus.

Quam ob causam pleræque è levioribus indicijs & 28
præsumptionibus comprehensæ, ubi generali inquisitione
facta, nulla quæ adminicularentur prioribus, indicia su-
pervenirent, aut ante aut post aquæ probam purgatione
Canonica indicta, ac ejuratione solenni præmissa, per nos
dimissæ sunt & restitutæ.

Accidit insuper apud nos, quod tam viri quàm fœ- 29
minæ videntes cognatos suos & nudos & pedibus mani-
busque ligatos super aquas instar plumæ ferri, quantum-
vis neque arte, neque motu ullo natandi instructos, vo-
lentes insuper & sensum tactus in semet experiri, venia à
Magistratu obtenta, ac flumini traditi, peneque ad fundum
mersi (homines enim & cætera animata pleraque sensum &
non ilicò ut lapis, vel plumbum subsidunt & demerguntur,
cum non solida, sed concava & mixta corpora sint) ipsi
cognatorum suorum & accusatores extiterunt ac vindices,
& probam illam minùs quàm cætera fallere edixerunt
indicia.

Ediversò contigit vetulam quandam stipite arundineo 30
nixam (quæ ante complures annos maleficii unà cum ma-
rito & sorore insimulata, ac comprehensa, his supplicio ab-
sumptis: illam, quod & leviora tum contra se quam cæte-
ras præsumptiones militarent, pariterque gravida & pro-
xima partui esset, in exilium fuerat relegata, ubi contra

identidem geminatum ac sub pœna Magistratus interdictum provinciæ ac habitationi suæ veteri se intulisset) comprehensam, ac aquæ ad submergendum hoc anno 1594. adjudicatam, carnificique traditam, tanta potentia aquis sese sæpius, interdum & usque ad humeros videndos extulisse, & quasi ebulliisse seu profiluisse, ut demergente & obtrudente eam sæpius Conto carnifice, sub aquis vix contineri potuerit, extititque tum multorum sermo, ipsam, nisi tanta vehementia Conto per carnificem fuisset depressa, ac in aquis detenta, facili & quidem celeriori negotio quam homini esset possibile, enataturam ac evasuram fuisse.

31 Quod nos uti fabulosum quemadmodum ridebamus, ita mirari satis non potuimus, mulierem illam & grandi lapide prægravatam, ligatam, ac uti videbatur coram prætorio semimortuam, senio ac præsentī terrore viribus propè omnibus destitutam, in aquis tantam vim & laborem exercere potuisse, planeq; Maleficam ac cremandam, quam submergendam illam potius fuisse censebamus.

32 Ibi in hujus rei vehementiorem meditationem ex citati, dæmonū maximam quandam vim, in & super aquas esse tunc temporis adhuc putabamus, sed an illa sit exclusiva (permittentis & non aliter fieri volentis) Dei præsertim in eas Maleficas, quæ in ordinarii jam Magistratus manu (qui Dei, non hominum exercet judicium) versantur. Et quod Deus ludificationes dæmonis tantas & tam potentes in sagas jam comprehensas & justitiæ subjectas, seu etiam in ludibrium Magistratus permittere & esse volet: Item quod tam perdita, deplorata, ac Sathanica, ut ita dicam, jam apud sagas aquis traditas vel tradendas existat adhuc vis, intentio, votum ac voluntas (ex quibus pactum hoc proficisci est necesse.) quanta tum cū libertate adhuc gaudebant,
id

id admodum addubitabamus, & jam propè erat; ut responderemus quærentibus, quemadmodum responderunt Malefici Pharaoni, non valentes incantationi quicquam proficere amplius, *Digitus Dei hic est. Exod. cap. 7. & 8.* Neque enim est consilium adversus dominum, &c. Et quis scrutabitur vias ejus?

Cogitabamus etiam Maleficam (etiam si enixa fortè 33 voluntate sua in aquis hoc vellet) non potuisse cum fathana pacisci, ut: vel ne submergeretur: nam licet liberam voluntatem (ligato per Magistratum corpore) homini malefico adimere non debeamus neque possimus: tamen quod liberam quoad dæmonem per omnia habeat voluntatem & potestatem cum eodem effectualiter conjunctam, seu etiam quæ & quanta tunc dæmonis potestas in hoc esse possit, id rursus ne determinemus, relinquere libuit adhuc,

Inde nihilominus majori occasione assumpta in varias 34 dubitandi rationes & motus animum cepimus inflectere nostrum, neque solum omnes quoscunque in eam rem scriptores contigit videre nobis, studiosè perlegimus, examinavimus, ac momenta causarum singula diligenter expendimus, sed etiam cum doctis ac notis viris interdum confabulamur. Atque verò omnibus perpensis ac ponderatis in eam resedimus tandem sententiam, ut regulam constitueremus talem, quam deinde argumentis per nos collatis communitam ac firmatam (rationibus decidendi ad suprapositas dubitationes additis) illustriorem ac magis illuminatam reddidimus: Regula itaque sit hæc.

Judices qui ad Maleficij vel Magiæ crimen examinandum 35 dijudicandumque confident (quas ut de re gravi ac humanæ scrutationis captum & sensum excedente consul-

tissimos, ac varijs rerum experijs exercitatissimos esse convenit) indicijs quæ ad torturam de jure sufficiunt præcedentibus, possunt in supplementum plenioris & legitimæ probationis, aquæ probationem sine conscientie læsione ita facere, ut dilucido & strictè lectori mandato sufficienti intervallo interjecto, apparere ipsis ac omnibus circumstantibus de natatione vel submersione delatæ evidenter possit, præstatque hoc intervallum unum esse & aliquanto laxius, imò ad solius judicis, non etiam carnificis arbitrium distinctum, nisi duabus vel tribus vicibus interpolatam esse debere, propter submersionis periculum, vel aliam quamcunque justam ob causam judex fortè arbitretur.

36 Nam judices circa hanc probam ad lictoris vel carnificis tactum & intentum diligenter debent advertere, quo omnis indiligentia, fucus, fraus, collusio, vel implicatio absit.

37 Homo quippe per se & de natura sui non in puncto neque ad momentum dum aquis committitur, sed tractim ac paulatim subsidet, alius alio citius, alius alio tardius. Summa itaque ac solerti prudentia arbitrium judicij in hoc puncto aut intendet aut remittet vel moderabitur, ut sic vel quod naturæ ipsi, vel quod miraculoso huic indicio naturam superanti inest, tuto ac certo perspicere judex possit: præstatque ante mersionis actum desuper consultationes habere judicantes, vel solos inter se, vel adhibito si videbitur carnifice, ipsique dato cum requisitis certo mandato.

38 Ad hanc verò regulam duo imprimis quàm diligentissime advertenda esse censemus. Primò, quod quemadmodum tam diu judex hoc experimentum non debet adhibere, nisi vehementissima indicia, & plusquam ad torturam sufficientia præcesserint, ut sic non modo tentationis, sed

sed etiam temeritatis suspicionem effugiat. Ita quando legitime reus convictus, vel ipsa facti notorietate res luce meridiana clarius effecta est, hoc tentamen aquae sive frigidae sive bullientis adhibendum minime existimo, c. secundo, extr. de probationib. & ibi Canonistae.

Sicut & in hoc crimine propter difficultatem ejus comprobandi speciale esse puto hujus aquae probationis admittendae, in reliquis canonicae & ordinariae purgationes & probationes sufficiunt. 39

Porro, licet Panormitanus in c. licet sententiam, in 40 fin. extr. ne clerici vel monachi, &c. de diverso modo tradat purgandi per aquam frigidam, scilicet quando innocentia ejus qui delatus vel suspectus habebatur, si in aquam conjectus supernataret, manifestabatur: nos tamen in hoc genere morem suprapositum non relinquimus.

Fertur quoque in plerisque regionibus morem illum 41 inolescere, ut tam constanti fama suspectas sagas redditas, prout supra demonstravimus, ad stateram vel libram appendant judices, & hoc modo experimentum culpae faciant, esseque testatum & compertum multoties, quod nocentes reae etiam crassissimae & corpulentae mulieres non ultra quindecim aut tredecim pondo attraxerint, &c.

Ubi & hoc in usum vertitur quaerendi; an circa illam 42 quae jam aquis tentata est, etiam hoc experimentum liceat exercere bilancis vel bilibris? Finge, inter judicantes non convenire, alijs dicentibus, aquae adhibitum experimentum indicia circa rem praecedentia confirmare, reatumque ejus jam magis fore, & ad torturam indubitatum, certum, ac sufficientissimum: Alij contra, indiciorum vires per hanc aquae probam esse enervatas, fluxas factas ac incertiores, eo quod natatio in aqua non certa, non praeter neq;

contra naturam, neque omnino evidens extiterit, sed tentatam humanum quid in aquis esse passam.

- 43 Quid remedij ad hanc bilancis censuram? an ad aquatilis probæ repetitionem confugere liceat, sicque in omnem partem cujuscunque affectui ac addubitationi sit satisfaciendum? Non facile repetitionem unius, vel alterius modi cæteri conjudices patientur fieri, nisi pondere ac momentis rationum major pars eodem inclinet quoque: Nam hoc ad inutilem vel superfluum scrutationem tentaminis, quam veritatis indagacionem pertinebit potius.

CAPUT II.

- 44 **I**AM priusquam in arenam cum illis qui supra enumeratas dubitandi duodecim rationes in contrariam partem attulerunt, descendo; ea quæ pro hujus nostræ Regulæ & facti comperta præexistentia, hoc est in equatilis probæ defensionem facere videbantur, depromam.

- 45 Qua in classe cum PRIMIS se offert id quod dici in jure communiter solet, probationes omnes judicibus esse arbitrarias, ac quidem sic, ut ille motum animi sui pro temporum, facti ac personarum circumstantijs, variè possit informare. Nam cum probatoria causæ, quatenus facti sunt, ad certas juris regulas constringi non possint, ita ut quicquid ea in re statuendum sit, id judicis, ut viri boni committatur arbitrio & discretioni.

- 46 Unde eleganter Hadrianus Imperator (dictante Calistrato in l. 3. §. ejusdem, ff. de testib.) *qua argumenta, inquit, ad quem modum probanda cuius rei sufficiant, nullo certo modo satis definiri potest, sed ex sententia animi tui te existimare oportebit, quid aut credas, aut parum probatum tibi opineris.*

- 47 Sanè quidem, (ut probè Aristoteles & Plato docuerunt)

runt) licet paucissima judicis potestati & arbitrio sint tribuenda, quoniam qui legem imperare jubet, is Deum & legem jubet imperare: qui verò hominem; belvam adjungit, cum utriusque cupiditas & ira Magistratus optimos alioquin perveriat: lex autem sit mens affectu & appetentia carens.

Tamen cum natura novas quotidie deproperet edere 48 formas, ac rerum in judicijs obvenientium inusitatas saepe species: rectè factum esse iidem in philosophia principes magistri censuerunt, dum prudenti judicis examini & discretioni multa commiserunt & concrediderunt ij qui legum condendarum fuerunt artifices; unde judicem, hoc est, virum bonum, sanctum, castum, pium, integrum, honestique cultorem ac sacerdotem, legis auxilium & supplementum, multi ex jureconsultis vocitarunt, argumento l. continuus, §. cum ita, ff. de verb. obligat. l. vir bonus, ff. jud. solu.

Nam judicio judicis, cuncta vel nihil honorum com- 49 mittere, sed magna parvaque omnia lege determinare impossibile esse iisdem placuit. De quibus singulis videndus est Jacob. Menoch. de Arbitrar. judic. statim ab initio, Thom. Grammat. decis. 34. numer. 45. & seqq. & ibi quos allegat idem Menoch. lib. eod.

Unde dicere in confesso judicandi soleo interdum id 50 quod lason ex Baldo dixit in l. judices, C. de judic. Judicantes duos debere habere sales, unum scientiae, ne sint insipidi, alterum conscientiae, ne fiant diabolici. Et tantum de primo argumento.

SECUNDUM in ordine defensionis locum obtinet id 51 quod apud nostros communiter dicitur, ad contumaciam & augmentum delictorum, debet crescere & poenae & tor-
men-

mentoribus modus, l. relegati, ff. de pœn. quia impunitas delicti incentivum tribuit delinquendi, unde in proposito, quandoquidem per canones non deceditur expresse, neque prohibetur quod in inquisitionibus punctionibusque Maleficarum probam seu experimentum aquæ frigidæ assumere iudicibus non liceat, (nam jura Canonica suprà scripta non loquuntur in hoc tam flagitioso crimine) ideò quæ expresse prohibita non sunt, cur stare prohibeantur ? arg. l. necnon. 28. §. quod eis, ff. ex quib. cau. major. in integ. rest. in verbis, sed si leges non prohibeant.

52 Unde in secundo hoc argumento relinqui videtur : quod iudex Ecclesiasticus & quicumque alius, quemadmodum exigente causa pœnam novo tormenti genere potest exasperare. Ita in hoc tam occultissimo delicto potest genera inquirendæ & exuscitandæ veritatis quæcunque, arbitrio planè suo, adinvenire & exercere, glos. est in argum. notabilis in Clemen. ne Romani, in verb. tolli, & ibi Cardin. in prin. in 3. quæst. de elect. Abb. in c. licet, circa fin. in versi. aut subest statutum, ext. de pœn. Felinus in c. quod super his, versicul. fallit septimò, ext. de majorit. & obedient.

53 Idque ex iusta & momentosa causa, quæ est utique, ne tam detestandum & abominabile delictum pertranseat impunitum, sed ut alij capiant exemplum, & cessent formidine pœnæ, ut dicit text. in l. si operis, C. de pœn. l. quicumque. §. quod si fecerunt, C. de hæret. l. aut facta, §. fin. l. si quis aliquid. 38. §. qui abortionis, ff. de pœn. l. 1. C. ad leg. Juliam repet.

54 TERTIO arguo sic, Iudices quicumque & possunt & debent illam irrogare pœnam malefico, quæ magis timeatur, & ratione cuius timoris verisimiliter tam ipse quam
ali

alij (exemplo territi) à delinquendo forent cessaturi, text. in c. quoniam frequenter, in fin. & ibi gloss. in verbo, magis timeri, extr. ut lit. non contest, & gl. in c. de causis, in verb. certo, extr. de off. deleg. Felin. in c. irrefragabili, §. certum, ubi & Abbas, extr. de off. ordin.

Et quoniam hæ stygiæ striges circa duo illa elementa 55
ignis & aquæ veneficia sua & imposturas maximè exercuerunt, unde ad justitiæ lancem traditæ, eadem bina elementa etiam cumprimis verentur, & ut in eo expietur quisque in quo deliquit, rectè divinitus provisum & mentibus judicum cœlitus inditum esse existimo (quo sic & pœnæ commensurentur delicta) ut per ignem & aquam remediatio ac justificatio hujus hæreseos Maleficialis etiam exequatur, argum. l. sancimus, C. de pœn. l. si fugitivi, C. de feru. fug.

QUARTO defendo sic ; tam puniendi quàm torquen- 56
di à veritatis indagandæ modum, in casu dubio, debent judices omnes sequi illum, qui magis favet publicæ utilitati, Bart. & Doct. in c. i. in princ. ff. solut. matr. l. i. §. fin. C. de caduc. tollend. text. in l. hoc modo, 63. ff. de condit. & demonstr. Atque hic stantibus adversis inter se frontibus hostis, illi utique parti victoria per æquos censores tribuetur, quæ tendit ad conservationem publicæ tranquillitatis, ad salutem ac reconcilitationem humani generis, atque proventum omnium terræ nascentium, & sic ad puniendum tam fœdum & diabolicum delictum, d. l. sancimus. d. l. si operis. potius quam ad ejusdem impunitatem.

QUINTA movens ratio hæc est, quod certum sit & 57
nobis compertum, omnes maleficas probam aquæ maximè vereri & detestari, unde, dum aquis tentatæ, & ipsæ

super aquas fuisse detentas, & vel invitas sese subsidere non potuisse, sunt expertæ, sicque reatum suum publico testimonio testatum fecerunt, speranter præsumunt Judices illas post in tortura extremam contumaciam seu taciturnitatem ferre vel perseveranter negare veritatem non velle, ut quæ in semet reatum suum alijs ante manifestaverint, sicque præparationem & causam ad confessionem effecerunt.

- 58 SEXTò probabiliter conabimur hanc aquæ probam astringere sic; Indicia & denunciationes complicum, vel sociorum ferè sunt incertiora, & imbecilliora argumenta hoc experimento, tum propter eumentitas plerunque insonitium hominum facies, formas, vestes, mores, ac totam imitationem, quas versutus ille hostis ad fallendum ac sic implicandum quoslibet, etiam ipsos judices interdum adsumit (nam & tota illa actio edendi, bibendi, conversandi, dehusoria ipsis maleficis incerto, umbratilis, ac de solo
- 59 invidiosi illius hostis dependens arbitrio) Tum etiam quia honoratiores vel majores illi Malefici ferè vultu & forma reguntur in cursibus, in saltationibus, prout hæc ex multorum relatione se didicisse, iudicibusque Maleficiarijs indies magis magisque constare asserit Binsfeldius in secunda
- 60 parte confessionum Maleficarum, in secundo dubio. Ergo per hanc probam aquæ (quæ medium est intellectuale veritatis eliciendæ ex aliqua singulari circumstantia divinitus insurgens) exteriora illa indicia, aliàs fallibilia ac incerta, certitudinem, justificationem, robur ac verisimilitudinem seu adminiculum aliquod adsumere possunt.

- 61 SEPTIMò idem Binsfeldius in secundo membro de confessionibus Maleficorum, an fides & quanta confessionibus Maleficorum contra socios & participes criminis hujus sit habenda, ad probationem conclusionis sextæ (quod regu-

regulariter confessio duorum vel trium contra aliquem uti criminis participem indicium sufficiens contra eundem faciat ad torturam) multa adfert argumenta, inter quæ quintum, sextum, septimum, & octavum in confortationem hujus nostri propositi (licet indirectò) libet adplicare, ac brevitatis causa eodem me remittere, ubi in septimo argumento hac parænesi Judices, Principes, ac Magistratus quoslibet alloquitur. Quis igitur tam insipiens est, inquit, qui legibus concludere velit, quod omnes leges immanitate & atrocitate superat propria? Est ne ullus canon aut lex, aut statutum, quod dæmonem in sua societate includat? hic Judices atque potestatem habentes, per Deum, communemque salutem obsecro, ut leges, jura, rationes, & auctoritatem doctissimorum virorum intueantur, oculos aperiant & cernant, quomodo Deus immanissimis criminibus irritetur, quomodo propter periculum communis salutis, in enormibus, ne quidem a processu & inquisitione & executione in diebus Deo singulari ratione consecratis cessandum sit, quomodo Deus executione justitiæ reconcilietur. Facilimè ait lex provinciatum, C. de fer. in hoc summi numinis speratur venia, per quod multorum salus & incolumitas procuratur? Quomodo ad honorem Dei, juxta d. l. deinceps. crimina punienda sint, quomodo sinant crimina impunita coalescere, contra l. per omnes, C. de defenf. civit. quomodo in tam enormibus & periculosis, contra communem salutem, relictis legibus divinis, naturalibus & positivis, dum periculum est in mora, justitiæ executionem differant, cum multorum scandalo, dantes justam occasionem multis temerarijs judicijs, & sic communicantes gravissimis peccatis alienis? quomodo deglutiant camelos, excelantes culices, dum minora &

manifesta Lynceis oculis perlustrent, & talpis sunt ceciores in occultis & atrocissimis? quomodo festucam vident, & trabem non animadvertunt, dum furta simplicia, homicidia sine proposito perpetrata, aliaque minora cane pejus, & angue persequuntur: crimen verò læsæ majestatis divinæ, apostasiam, tractatus secretos, contra patriæ salutem, & alia immanissima facinora, tanquam fantasias & somnia negligunt. Habeant judices in hoc negotio doctrinam magni Basilij ante oculos: qui veram germanamque justitiam non habet in animo repositam, ac velut ex prævia quadam meditatione reconditam, sed aut pecunijs corrumpitur, aut amicis obsequitur, aut etiam inimicos ulciscitur, aut alienam reformidat potentiam rectè jus dicere, judicia exercere non potest. Hactenus ille.

62 Ubi si sequens octavum argumentum (de majoris gentium maleficis) probè examinaveris & ad limam hujus nostræ probæ comparando adplicaveris, videbis majorem veritatis certitudinem in hoc quàm cæteris illis denunciationibus (quas is ibi defendit) militare.

63 OCTAVO D. Binsfeldius in duodecimo præludio, conclusionem octava quarti dubij (ubi agitur de apparitionibus & mirabilibus operationibus circa mortuorum corpora aliquando contingentibus) dicit emanationem sanguinis occisi ad præsentiam occisoris videri soli divino miraculo in hortorem ac vindictam tanti criminis esse tribuendam.

64 Quid ergo irrationabile, & à consequutione eadem alienum fuerit dicere, quod in detestationem maleficialis criminis divina potentia ad probationem aquæ, manifestationem ac refectionem certiores ejusdem assignatam ac revelatam esse mortalibus voluerit.

Amplius, ut hanc nostram veritatis luci propius acce-

accedere putaremus sententiam, hoc uno & quidem NONO ut plurimum movebamur argumento inconvincibili quidem illo si diligenter advertatur.

Inter omnes ferè tam Theologos quàm Canonistas & 65 Jurisconsultos in hanc itum est sententiam, quotidiano itidem experimento comprobata sagarum ac maleficarum, vel ipsius etiam dæmonis potestatem, seu vim nocendi circa illas personas esse nullam, quæ in officina justitiæ adversus illas vel confident, vel omnino præfident, adeò etiam, quod eorum actus ac juris dicendi exercitium quoad maleficas omnino non impeditum ac incontaminatum sit.

Neque dubium est (quem ab initio mundi altissimus 66 reliquis omnibus terræ creaturis & callidiorem, & potentiorum effecerat, Genes. 3. quique indefinente inquietudine omnes terræ plagas in noxam omnium velocissima celeritate perambulat. Job. cap. 1. & 2.) retia sua in id tendere omnia, quò suis amasijs ac devotis Magistratus jam interdicto subjectis, quantum quidem possit subveniat, illosque liberet, aut, ne illius censuram incurrant libenter præcaveret & impediret, quemadmodum ante centum annos, in eadem hac nostra germania, potioribus tam Ecclesiastici, quàm secularis gladij Magistratibus, alioqui non malis existentibus firmiter persuaserat; nihil ejus mali esse, phantasias & mera diaboli ludibria, illiusque solum esse factum non hominum, nomen sine re, sineque hominis noxa ulla interveniente, sicque illo tempore aliquodantenus adeò impuniti fuerant malefici, ut post, hæresi illâ præcognitâ, igne ultore extirpari vix potuerint.

Constat itidem inter omnes sagas & Maleficas five 67 jam vinctus five non, quantum quidem ad actum voluntatis suæ attinet, omnem Magistratum extinctum, ac mille

mortibus affectum percipere, dæmonisque executiva imperij & potentia suæ voluntas ad id omnibus viribus succurrit, ac subvenire adnititur, sed realitas una exequendi limitata est, & restricta ad omnipotentiam voluntatis & consensus divini: cujus vis & imperium est infinitum ac in omnia quæcunque ubivis locorum sunt, universaliter absolutum, & à nullo alio dependens malo; dæmonis verò & sagatum potestas finita, multum restricta, ac à sui creatoris consensu dependens.

68 Quare Joannes Bodinus in libro suo de dæmono mania Magorum lib. 3. cap. 4. ubi hanc quæstionem ex professo tractat, arcanum Dei mirabile, & à judicibus optimè recolendum, inquit, ipsos non adversus humanas potestates solum, sed etiam contra spirituum malignorum vires à Deo protegi. Dicitque idem ibidem, Johannam Heruilleriam famosissimam Magam (quæ anno 1578. ignis sententiam accepit) sine quæstione fassam esse, quòd quo tempore venerit in manus judicum, nihil in ipsam diabolum potuisse, neque ad liberandum ipsam è vinculis, neque ad vitam ipsius conservandam.

69 Si itaque talis, tam præpotens, prompta ac universalis Dei voluntas circa tuitionem Magistratus (etiam fortè discoli) ad hujus reatus justitiam assidentis versatur; quare non idem planè volet & operabitur Deus circa executionem hujus aquatilis probæ, quæ quasi index est & minister ad hujus Maleficialis hæreseos veritatem retegendam ac agnoscendam, &c.

70 DECIMÒ, D. Petrus Binsfeldius Doctor, Theologus ac in Diocœsi Trevirensi Suffraganeus ad l. 3. C. de malefic. & mathemat. commentando, ac tria fortium genera exponendo, scilicet divisorium, consultorium, ac divi-

divinatorium, hoc improbando reliqua duo ferè est quod admittat, dicitque ad sortium genera pertinere, si quis aliquid occultum inquirat, sive per protractionem punctorum, sive per considerationem figurarum, quæ proveniunt ex plumbo liquefacto in aquam projecto, sive ex quibusdam schedulis scriptis vel non scriptis in occulto repositis, dum consideratur, quam quis accipiat, vel etiam in festucis inæqualibus propositis quis majorem vel minorem accipiat vel taxillorum projectione, quis plura puncta projiciat, vel etiam dum consideratur quid aperiendi librum occurrat.

Quando itaque memoratus Theologus duo hæc sortium genera divisorium scilicet & consultorium, eatenus admittit, quatenus quatuor quæ ibidem recenset, concurrant, à ratione alienum omninò non esse existimarim, si & hanc aquæ probam, quæ consultoriæ, sorti per omnia consimilis esse videtur, eo quo supra est dictum modo, hoc est, præcedentibus vehementibus indicijs, admitiamus, nam sortes admittuntur in sinum, sed à domino temperantur, ut dicitur proverb. cap. 16. Quando enim humanum non superest auxilium, tùm ad divinum recurrendum adjutorum. **PRIMUM** ergò requisitum (ut ait Binsfeldius.) est, ut absque necessitate non recurratur ad hæc sortes, aliàs esset tentare Deum. **SECUNDUM**, ut quis etiam in necessitate absque reverentia sortibus non utatur, ut patet ex c. non exemplo. 26. quæst. 2. in verbis, si qui tamen in necessitate compulsi, Deum putant sortibus exemplo Apostolorum esse consulendum, videant hoc ipsos Apostolos non nisi collecto fratrum cœtu & precibus ad Deum fufis egisse. **TERTIUM**, ut non pro rebus terrenis, sed pro spiritualibus, & ad salutem pertinentibus, fiat recursus ad sortes, ut habetur ex divo Augustino ad inquisitiones

71
72
Janua-

Januarij, epistola 119. tomò 2. & 26. quæst. 2. in c. hi qui de paginis Evangelicis fortes legunt, etsi optandum sit, ut id potius faciant, quàm ad dæmonia consulenda concurrant; tamen etiam ista mihi displicet consuetudo, ad negotia secularia, & ad vitæ hujus vanitatem propter aliam vitam loquentia, oracula divina velle convertere. **QUARTUM**, ut non fiat in Electionibus Ecclesiasticis quæ spiritus sancti in spiratione fieri debent. Unde dicit Beda cap. 1. in Actibus Apostolorum: Matthias ante Pentecosten ordinatus, forte quæritur, quia nondum erat plenitudo spiritus sancti in Ecclesiam diffusa. Septem autem Diaconi postea non forte sed electione discipulorum sunt ordinati: hæc ferè ex Binsfeldio.

73 At verò hic revera sumus in illis terminis, quibus neque terrenum indicium ad condemnandum, vel absolvendum sufficiens solum esse potest, hoc est ubi neque confessione propria, neque facti evidentia, neque testium legitima probatione processus iste est vallatus, neque indicijis quantumvis specialibus & de fama assumptis (ut si dixerit testis se illam vidisse in choreas saltantem, vel alia cum Maleficis facientem, nam cum diabolus transformare se potest in Angelum lucis, multò magis idem poterit & valet in speciem hominis probi, ac talis reatus innocentis.) religio judicantis fidem tam planam ac solidam dare potest vel debet.

74 Ergò hæc aquæ proba cum debita reverentia assumpta, haud minimum est præbitura adjumentum lubricis illis in hac re prolatis indicijis & diffamationibus.

75 Ad extremum; sed **UNDECIMÒ**, doctores Mallei Maleficarum, in secundo principali secundæ partis, ubi de modis tollendi & jurandi maleficia in prima difficultate agunt, ponunt duas contrarias opiniones de tollendis & reme-

remediandis maleficijs ; & dicunt : Scotum de impedimen-
to maleficali, sive de frigidis & maleficiatis reputare fa-
tuitatem esse ; asserere, quod per vana & superstitiosa non
debeant maleficia tolli ; dicit enim : nec in hoc est infideli-
tas aliqua, quia deserviens vel curans non adhibet assen-
sum operibus diaboli, sed credit eum posse & velle defati-
gari, dum durat tale signum, quia ex pacto non assistit ad
hoc, nisi dum illud durat. Et sic destructo illius signo non
ponet fidem tali vexationi, unde & dicit, quod est merito-
rium opera diaboli delere. Et quia loquitur de signis, poni-
tur ibidem exemplum tale : Sunt quaedam mulieres, quæ
tali signo notant maleficas, ut si vacca ubertate lactis ex
maleficio privetur, tunc urceum lactis super ignem appen-
dunt, & certis verbis superstitiosis insistendo, urceum cum
baculo percutiunt, & licet vasculum vel urceum mulier cum
baculo percutiat, tamen omnia illa verbera diabolus ad
dorsum maleficæ defert, per quæ diabolus sic cum malefica
defatigatur. Facit tamen illa diabolus ut percutientem Ca-
tholicam ad pejora alliciat, unde periculosum hoc remedi-
um (nisi esset opinio tanti doctoris) difficultatem non ef-
fet habituram ullam.

Subdit idem Mallens ex Hostiensi in ejus summa de 76
frigidis & maleficiatis, quod quantum ad potentiam coeun-
di maleficio ademptam recuperandam attinet, recurren-
dum sit ad consilia Medicorum. Et licet quaedam remedia
contra hæc scripta vana seu superstitiosa videantur, tamen
cuiuslibet auctori in sua arte esse credendum.

Nam & satis tollerare potest Ecclesia retundere vana 77
vanis : hinc Hubertinus in eadem materia inquit, possunt
maleficia, aut per orationes, aut per artem, per quam facta
sunt destrui, ejusdem sententiæ dicitur esse Godefredus
ibidem.

78

Consequenter idem Malleus ibidem **TRIPLICEM** distinctionem remediandi vel curandi maleficia ponens, ita inquit : **AUT** tollitur maleficium per alium maleficum simul & per aliud maleficium, idque est illicitum & pœnale, tam ex parte auctoris, quàm etiam remedij; **AUT** verò dissolvitur maleficium non per maleficum, sed aliam personam; sic tamen, quòd superstitiosis remedijs maleficium quod uni personæ auferitur, alteri infertur: **AUT** tandem quod tertium est remedium, à non malefico, sed quibusdam ceremoniosis superstitionibus practicatur; non tamen in nocumentum alicujus personæ. Et quia tribus istis modis vel expressa, vel tacita intervenit dæmonum invocatio & suffragium, ideò secundum majus vel minus, pœnam mortis merentur omnes. Et hoc est quod dicunt Theologi, quòd potius mors foret, praeligenda maleficiato, quàm in talia consentire.

79

Alijs verò modis, quando tantum vanum quid, vel solum modò superstitiosum (& non sub aliquo pacto vel symbolo expresso vel tacito ex intentione vel proposito praticantis cum illo malo hospite operatum) intercedit. Canonistæ ferè omnes cum certis Theologis, tenent tales modos esse tolerandos, non tamen meritorios. Maxime si remedia sacra prius attentata (ut sunt exorcismi ecclesiæ, suffragia sanctorum implorata, aut vera pœnitentia) nihil effecissent. Cum enim juxta Apostolum, omnia quæ in verbo aut in opere facimus, in nomine domini nostri Jesu Christi facere præcipimur: licet his plerisque modis non insit dæmonis invocatio, fit tamen interdum in ejusmodi ejus nominis expressio: Et iterum licet plerunquæ non fiat intentio per pactum aliquod expressum vel tacitum talia facere, ut quia fortè dicit, volo hoc facere sive diabolus
intro-

intromittat se five non ; ipsa tamen temeritas quæ divinum timorem postponit, Deum offendit, unde & diabolo potestatem talia faciendi permittit introducendo vel intromittendo se, hi sanè omnes ad pœnitentiam sunt cohortandi, ut potius desistant : hæc ferè ex Malleo frustillatim sumpta sunt.

Quæ singula distinctionum fœdera eo consilio huc ad-80
ferre libuit, ut demonstrem, quàm non sit reprobanda vel peccato mortali involenda hæc aquæ probatio, prudenti & necessario suffragio veritatis per ordinarium loci Magistratum in Dei virtute adhibita vel respectivè tolerata.

Subministrant & hisce argumentis verba Imperatoris in l. eorum, quæst. 4. C. de malef. & mathem. & cæteris similibus, in §. 1.

Nullis verò criminationibus, inquit, implicanda sunt 81
remedia humanis quæsitæ corporibus, aut in agrestibus locis innocenter adhibita suffragia, ne maturis vindemijs metuerentur imbres, aut ventis grandinisque lapidatione quaterentur, quibus non cujusquam salus læderetur, sed quorum proficerent actus, ne divina munera & labores hominum sternerentur, vide tamen Binsfeldium in commentario ad hanc legem, quæst. 5. & aliquot conclusionibus subiectis.

DUODECIMÒ infero sic, DUPLEX est ARBITRIUM, 82
quo fungi dicuntur judices & Magistratus in dijudicanda quacunque controversia, PRIMUM arbitrium est liberum & plenum, quod dici potest esse concessio-
nem à lege vel homine factam, qua potest is judex semoto jure, ratione ac æquitate, sed proprio ductus appetitu à dolo tamen alieno, quod placuerit statuere.

ALTERUM est regulatum vel astrictum, quod itidem 83

dicatur concessio à lege vel homine facta, qua potest is iudex ratione ac æquitate animi sui præferre sententiam, quique nec in alium statuatur, quid sibi statui negari possit, in hunc modum utrumque arbitrium definiunt Jacobus Menoch. de Arbitr. jud. quæst. lib. I. quæstio. 6. per text. & gloss. in l. fidei commissæ. II. §. quanquam. ff. de leg. 3.

84 Cum itaque tantus iustitiæ zelator, ac rectorum iudiciorum laudator sit Deus, ut eorum sanctas & sacras manus (quamvis sanguinarias) esse dixerit, qui ferro ac armata manu contemptores sui vindicaverunt ac prostraverunt, prout dicitur Exod. cap. 32. occidat unusquisque fratrem suum, & amicum & proximum suum, pro peccato vituli conflatis.

85 Vix videbitur ullum, vel neglectæ legis, canonis vel temeratae religionis piaculum pertimescendum esse illi iudici, qui proprio ductus appetitu, à dolo tamen alieno ac pleno illo utitur cognoscendæ per hanc probam veritatis arbitrio.

86 His mori causis, censebamus iudicem (quem tam vehementer fortia ac verisimilia etiam ad speciem allata indicia movissent) non male facere, multò minùs mortaliter peccare, si pro certiori jam aliquodantemùs comperta veritatis luce, probam hanc aquæ frigida adhibeat, multò minùs confessionem postmodum resultantem nullam esse vel irritam.

87 Nam ipsa delictibus rerum experienciâ judicantes, hoc genus dæmoniorum vix ulla canonica purgatione extinguere, seu ad meliorem frugem converti, quinimò eam quæ iudicum manus prostratagemate semel evasit malefica, ac ne tentetur aquis, obtinuit, in pejus ferè abire, ac Mancipium illud multò nequius nocentiusque fieri, dum dæmon illam,

illam, quæ per mendacium periculum justitiæ evasit, ac morem illi gessit, jam in sua arte plus ad nocendum instruat, plus illi concedat, ac superiorem honoris locum attribuat, collaudatione ac acclamationibus in conventibus publicè factis.

Deinde certa juris regula constitit apud omnes, quod 88
quicquid agunt homines, intentio judicat omne, notatur in l. i. C. de sicarijs, l. 3. ff. de tabul. exhib. & alibi passim, & non debent actus agentium operari quicquam ultra eorum intentionem, adeò quidem ad voluntatem, intentionem ac votum paciscentium verba scripta actusque contrahentium restringuntur, reformantur, ac quasi recuduntur, ut etiam vel abrogare vel impropriare verba propter minus convenientem intentionem agentium plerunque conveniat usitatumque sit, de quo Stephan. de Phederis in eleganti suo libello de interpret. legum, part. 1. per totum.

Et de jure poli peccata omnia adeò libera, adeò vo- 89
luntaria ex sua natura esse debent, ut nisi libera, & de mera peccantis voluntatis intentione sint profecta, sed aliquam in se, vel sua causa rationem habeant ad noxam, peccata non sint, c. homines, c. beatus Paulus. 22. quæst. 2. versic. gravius. &c. falli enim in his quæ ad fidem non pertinent, aut parvum, aut nullum est peccatum, c. in quibus, ext. eod.

Quemadmodum de hoc crimine judicantem dæmonis 90
mille nocendi artes, ac mille pericula rerum etiam imprudentem ac sæpè incautum facile transversum agere possunt, eidem falsa pro veris plerunque supponere, dum vel imperitia, vel facilitas credendi, vel si implicitas aliquando etiam perversitas ejusdem, quales extra urbes, ruri ac in inferioribus subsellijs judices ferè invenias, mundum destruere,

ac conscientias bonorum in magno sæpè discrimine ponere possent, nisi sub hac fide publica aliquem veritatis succursum vel auxilium eis habere liceat, ut hoc tentamine tuti, ac de se magis certi facti, dæmonis molimina procùl esse addiscant, ac sic porrò in suo officio circa probatoria causæ deinceps tutò pergant. Et hæc sunt quæ ad corroborationem regulæ suprà traditæ ascribere libuit.

CAPUT III.

91 **A**CIE jam sic nostrâ ordinatâ pugnam (neutiquam sanè victoriæ assertricem, saltem argumentorum liberam communicatricem) capeßemus, ac per adversa hostium castra transeamus: Itaque, quòd primò dicitur, probam hanc pactum continere illicitum & tacitum cum dæmone initum, id existimarim ego ab intentione omnium magistratuum, qui pro ervenda veritatis hac latebra in justitiæ defensionem hoc experimento utuntur, quàm esse remotissimam, nemoque sana ratione id unquam affirmaverit. Quinimò è diverso existimarim hoc tentamine implicitum haberi. & fieri pactum cum Deo omnipotenti, ut is testis adesse velit, per hanc elementaris suæ creaturæ vim & indicaturam: testimoniumque ferat per suam potentiam & scientiam omnium sub sole cordium miraculosum, de reatu vel non hujus delati ac tot indicijis expositi hominis: ut qui potens est mare secare, ac electis suis transitum quasi murum dividendo dare, idemque rursus conjungere, sicque omnipotenter se & miraculose de omnibus suis inimicis ulcisci. Item qui supertransijt aquas & imperavit eisdem, ut rempestates filerent, pariterque Helix Deus Jordanem divisit ac effecit, ut siccis pedibus tam Helias quàm Heliseus ambo transirent, sicut habetur 4. Reg. ca. 1. & 2. Item
qui

qui ferrum securis quòd è manibus in aquam ceciderat, implorante homine Dei Heliseo filijs Prophetarum hoc idem restituit & aquis supernatare fecit. de quo lib. 4. Reg. c. 6. ab initio.

Eundem etiam censentur invocare iudices & Magi-⁹² stratus locorum, quicunq̃ue in refectionem hujus symboli. Quam rem si rectè ac debito modo exercere volent iudices, facient id non minore veneratione ac sacrae religionis zelo, atq̃ue aliam quamcunq̃ue rem sanctam ac mysticam veteres illi Christiani in primitiva Ecclesia exercere ac perficere solebant, quemadmodum suprà in 10. ronne probandi de fortibus & earum generibus diximus. Quo etiam intuitu,⁹³ ac inprimis officio suo (quod ad veritatis functionem unicè ac insolidum dirigitur perscrutandam) attento à periculo vel reatu taciti pacti (de quo in 10. ratione dubitandi egimus, atq̃ue idem ibidem resolvimus) omnem Magistratum immunem ac alienum esse censebamus. Satiùs tamèn ac tutiùs foret, equidem non diffiteor si sacerdotes ac alij ecclesiastici viri non leves & graves ac compertæ intelligentiæ in hujusce rei communionem advocentur, vel per suum superiorem edicto compellantur.

Et siquidem adversus hoc argumentum instantiam fe-⁹⁴ ceris hoc modo: ergo præstituitur & præfiguratur hâc aquæ probâ certus modus & ordo, quo volumus hoc à Deo in contestationem facinoris hujus præstari. Id quod æquè superstitiosum & veritum esse videtur, cùm præsumendum & piè credendum potiùs homini sit Deum ad suum nutum ac omnipotentis suæ voluntatis arbitrium hanc manifestationem, nunc velle, nunc non, quam ad singulas hoim instantias seu tentationes hanc probam in fontes revelare, in infontes verò aliter declarare velle argumento simili in
Evan-

Evangelista cap. 1. & Judith cap. 7. & 8. ubi Christus matri suæ vini deficientis subventionem & auxilium petenti, negativè respondit, atque illam (quamvis pio ac devoto valdè affectu, non modo credentem, sed & de ipsius omni-
moda potestate plenè confisam ac certam) inaniter tamèn dimisit.

95 Huic inquam, parata est responsio hæc, quòd quemadmodum Deus & Natura nihil abundant in superfluo, ita etiam non deficient in necessarijs, quare & necessariò fidelibus contra hujusmodi insultus dæmonum diversa sunt data remedia, non modo præservativa, sed etiam curativa, cum aliàs non sufficienter fidei Magistratui à Deo esset provisum, quòd dicere absurdissimum foret, & opera diaboli fortiora essent operibus DEI.

96 Unde licet non sit potestas super terram quæ ei non valeat comparari, qui factus est ut neminem timeret, omne sublime videt, ipse est rex super omnes filios superbiæ, dicente Job cap. 41. Tamèn & meritis sanctorum, & iudicio ordinarij Magistratus in hac vita nostra ejusdem potestas subjecta esse dicitur. Sanctus enim Augustinus in libello suo de moribus Ecclesiæ sic inquit: Non est Angelus cum inhaeremus Deo mente nostra potentior. Nam si potestas virtus est in hoc mundo, toto mundo sublimior est mens Deo inhaerens, unde ex talibus dissolvi possunt opera diaboli. Et hoc quantum ad intentionem Magistratus sufficiat respondisse.

97 Si verò de malefica ipsa sentias hoc pactum cum dæmone faciente, id minùs habet vel veri similitudinis, vel præsumptæ veritatis.

Nam quemadmodum certum est, & supra demonstratum, omnes Magas non subsidere, sed per quadrantis,
vel

vel mediæ horæ spatium etiam invitas aquis supernatare, caputque ac membra deorsum movendo, ac quamvis studiosè fundum petendo nihil proficere tamèn. Ita verò utique quàm est simillimum, quod si circa aquam tunc quando per iudices fit tentatio ullam haberet potestatem dæmon, vel demergendo, vel sublevando easdem: illam sanè vel ex pacto (& quidem potiùs in demersionem earundem, quo innocentes videri, ac sic liberari mancipia sua è vinculis Magistratus non solum posset, sed & eadem mancipia per hoc sibi magis fida, devota ac hominibus nocentiora redderet) vel proprio motu dæmon haberet ac exerceret; & tunc de dæmonibus eorumque intentione idem planè est præsumendum, qui sibi perspectum habent & bellè norunt, quod ubi crimina manifesta impunita maneant, amplius Deus offenditur, fides Catholica dehonestatur, & ipsarum Magarum numerus amplius augmentatur; sic rationatur Malleus sed ad aliud propositum pluribus in locis.

*Nodus
dissolven-
dus.*

98

Planè ex hisce talem conclusionem ut formaremus: ferè resolvebamus nos, Maleficam qualemcunque quatenus talis sit, cum amasio suo pacisci effectualiter non posse, ut comprehensa & aquis jussu Magistratus tendanda, ipse illam demergi, seu subsidere curet, sicque aquam in se vim finat vel exercere naturaliter suam.

Quæ conclusio hanc secum trahit quæstionem; an dæmon circa probationem aquæ frigida impellendo vel agendo in corpus hominis maleficiati, vel in elementum aquæ, vel etiam fascinando seu circumveniando, judicium vel aliorum astantium oculos, submersionem vel urgere vel impedire possit? Hoc est, ut clariùs & contractiùs dicam. An ista aquatilis proba indicium sit vel præstigiosum, vel evidenter supernaturale per virtutem seu potentiam diaboli;

F

an

an per Dei voluntatem & seu potestatem vel prædestinationis ejusdem : hoc est, quis proprietatem illam, vel aquæ naturaliter inditam, vel homini inseparabiliter adjacentem adimat, suspendat, vel separet in ista probatione.

100 Sanè, quod hæc proba magis supernaturalis sit & potestativa, operante & volente eo qui omnia potest & vult & scit, hoc est : Deo ter Opt. Max. quàm cujusque diaboli potestate vel artificio hinc demonstrari probabiliter posse videtur, quia diabolus quando habet objectum hominis, quicquid ad ejus commodum vel petitionem operatur, id illo eodem objecto, volente, consentiente, cooperante, vel impellente efficere dicitur.

101 Atque compertum est, nullam unquam sagam volenter hanc aquæ probam adjisse, comprobasse, laudasse, vel ad eam provocasse : Et licet aliqua insolenter ad primam capturam fortè dixerit, vel petierit ut committeretur aquæ, inde innocentiam suam probatam iri, id ex temeritate, facilitate, vel inscitia hujus virtutis quæ supernatationi adest, potius quàm seriò seu ex ullo pacto fortuito accidisse.

102 Quemadmodum hæc adhuc æstate in præfectura Lin-
nensi Diocæseos inferioris Colonienfis accidisse dicitur, quòd vetula quædam, videns duas mulierculas aqua tentatas non subfedis-
se, sed supernatas-
se, ipsa ad Præfectum loci accurrens ac interpellans, eousque tam ipsum, quàm cæteros justitiæ ministros præsentis permovet, volens ac acerrimè instans, ut & ipsa aquis tentaretur, se licet apud populum suspecta admodum sit de hac maleficiali hæresi, jam tamen innocentiam suam per hoc coram populo testatam facere, indignaque hac suspitione publicè se eximere velle.

Annuit importunè efflagitanti Præfectus & cæteri, sed hanc in aquam projectam evidentius supernatas-
se, neque

ut

ut demergeretur vel fundum peteret (quamvis id studiosè suo motu super aquas tentans) efficere ulla ratione potuisse dicitur.

Extracta, ecquid carnifex suorum membrorum ipsa 103 esset interrogatur, potuisse licet insimulatam, hoc effugisse periculum, donèc producto accusatore, necessitas adesset huic tentamini.

Tadèm confluentibus indicijs contra eandem compluribus, ipsa ante torturam quærentibus, respondit, amasium suum sibi suasisse, ut hoc aquæ periculum subiret, se illam liberaturum, & in ipsis aquis famam vitamque ejus adservaturum esse.

Hac confessione sponte prolata, incineranda eadem 104 fuisset, nisi se ipsam in carcere pridie suspensio suffocasset.

Ecce hac balista mœnia hostium sunt subruta ac dilap- 105 sa, gressus ad hostem patet, cominus nunc res est agenda: proinde ad alterum dubium (quo per hoc tentamen Deus ipse tentari, & quasi signum in aqua præter naturam faciendum exquiri ab eo dicebatur, &c. digrediamur.

Sanè si ad ipsas maleficas id referre velimus, illa quan- 106 tum in se est, effectualiter non tentant, sed tentantur, conatus enim earum jam passionibus subditi experiri in se potius, quam egere quicquam censentur, præsertim quantum ad illos actus qui ad Magistratus & judicum directio pertinent officium: maleficæ quippe tunc vident & sentiunt, quòd in firmatæ sint earum manus, & pedes clausi defecerunt, residuique consumpti sunt. Et jam non sunt amplius Dij eorum, in quibus habebant fiduciam, de quorum victimis comedebant adipēs, & bibebant vinum libaminum.

Illi enim dij tunc exurgere, & opitulari illis vel in 107

necessitate protegere illas non potuerunt. Ratio est in promptu, quia provocaverunt in dijs alienis, & in abominationibus ad iracundiam, DEUM verum concitaverunt, &c. prout hæc omnia probè ac divinitus enumerantur, Deuteronomij cap. 32. ubi textus, Videte, inquit, quod ego sim solus, & non sit alius Deus præter me: Ego occidam, & ego vivere faciam, &c. Demus ergò magnificentiam Deo nostro, Dei perfecta sunt opera, & omnes viæ ejus judicia. Deut. eod.

108 Si verò de Magistratu ipso tentamen, hoc accipiendum censeas, concessero quidem hoc uti licitum atque extremum, maximeque utile veritatis habendæ suffragium. in hocce occultissimo maleficialis hæreseos artificio, idque tantò certius ac tutius, quantò firmiorem & minimè dubiam fidem seu votum Magistratus ad omnipotentiam divinam in eodem habuerit.

109 Cæterum verò, tentationes & signorum postulationes à bonis vel malis factæ, quatenus in sacris scripturis licitæ, concessæ & laudatæ, etiam petitionibus locus datus, non intendo (dum meæ non est professionis) persequi: hoc solum ex divo Augustino in Psalm. 32. addidero: Justus ex fide vivit, inquit, fides tua, justitia tua, quia utique si credis, caves: si autem caves, conaris: & conatum tuum novit Deus, & voluntatem tuam inspicit. Quam etiam humanam, vel defectuosam, quid ad primam apparitionem patientem ac signum requirentem non statim rejicit, neque aspernatur, sed potenter expectat Dominus.

110 Legimus enim Judicum lib. 6. ubi constituisset dominus humiliarum ad se populum suum à Madianitarum devastationibus & bellis eripere, in cujus rei usum Gedeonem frumenta excutientem, ac fugam coram Madiam meditantem, Deus

Deus sibi uti ducem prævidisset, quem ubi Dominus ea de causa per Angelum suum interpellasset, tandemque ipse dominus ita ad eum locutus fuisset: Ego ero tecum, & percuties Madiam quasi virum unum; Gedeon tamen nondum sentiens flammantem spiritum, inquit, Si inveni gratiam coram te da mihi signum, quòd tu sis qui loqueris ad me, quo signo per assumptionem sacrificij miraculosè daro, vidensque Gedeon quòd esset Angelus domini, ait: Heu mihi domine Deus, qui vidi Angelum domini facie ad faciem. Qui insuper spiritu domini jam indutus & confirmatus adhuc aliud signum, tum in vellere tum & in superficie terræ mediante rote à domino requisivit, impetravitque. Judic. lib. 6. Ergò non continuò & semper irascitur Deus signum à se requirentibus.

Quinimò illud oblatum & suatum aspernantibus magis infensus videtur dominus, uti colligitur de Achaz rege Juda (Esaïæ cap. 7.) qui elatus fastigio solij regalis astutus humanæ sapientiæ verbis ipsi dominu, qui adjecit loqui ad eum, dicenti: Pete tibi signum à domino Deo tuo in profundum inferni, sive in excelsum supra, respondit: Non petam signum, & non tentabo dominum, &c. Veruntamen dissimulat ille potestatis excelsæ, seu incomprehensibilis profunditatis sapientiæ quærere signum, & propterea signum bonitatis & charitatis domui David ipse dominus promittit, ut quos nec potestas, nec majestas terruit, alliciat saltem exhibitio charitatis. Molestus est ergò non solum hominibus, sed etiam Deo, quisquis non majestatem recogitat in timore, nec charitatem cum amore meditatur, propter hoc, inquit ibidem Esaïas, dabit dominus ipse vobis signum in quo manifestè & majestas & charitas innotescat: Ecce virgo concipiet, &c. sic divus ratiocinatur Bernardus

de adventu domini , & sex circumstantijs ejus.

112 Planè in illam fiduciam omnes pios ac veritatem candidè ex officio sic scrutantes Magistratus cohortari acriter desidero , ut non cum sancto Petro Matth. 14. ca. dubitativè dicant ; Si tu es domine , jube me venire ad te super aquas , ne agitati vento illo valido mergi cum eodem Petro incipiant , ac vocem omnipotentis Dei exaudiant , dicentis : Modicæ fidei quare dubitasti , &c. Sed magis plenam fiduciam Judith in spiritu assumentes , memoriale hoc in ejus nominis virtute usurpent. Virtutem dæmoniacam allidamus , detegamus vel perfincamus , & non scrutemur curiosius actum ipsum , sed agentis omnipotentiam intremebundâ constantiâ , Christianoquæ zelo piè perveneremur ac recolamus , quod siquidem nos præstiterimus , tunc juxtâ voluntatem promissionis potens & promptus est dominus facere misericordiam , & manifestationem voluntatis nostræ in omniabundantia.

113 Jàm porrò ad tertium argumentum progrediendo , ac magnum illum Goliath (qui objiciebat suis nobis armis prohibitionem tam divinarum quàm humanarum legum. &c.) funda Davidica prostercendo , respondemus nulla expressa sanctione vel humana vel divina istud experimentum in hoc genere delicti prohibitum esse , cur itaque stare prohiberetur id quod prohibitionem nullam habet , d. l. nec non , §. quod eis. ff. ex quibus causis major.

114 Cæterum quantumvis erubescimus sine lege loqui , tamen nil nisi infirmitas est intellectus ibi quærere legem , ubi adest ratio & necessitatis refugium , ut alibi dixit Bald.

Quado itaque Canones , sententiæ , autoritates & argumenta supra in cotrarium allata in hoc flagitiosissimo ac dæmone ipso execrabiliore delicto , minimè ad speciem lo-

loquuntur, ut puto, sed de levioribus quibusdam culpis & excessibus commissis, (in quibus propter levitatem & non necessitatem tentatio aliqua praesumptuosa posset fortè subvereri) utique de mente cæterorum existimaverim esse, si in extremum necessitatis casum, ac aliter non plenè cognoscendæ rei Magistratus & iudices horum maleficiorum hanc aquæ probam veluti sacram adhibeant anchoram.

Hinc verò & quartum in ordine argumentum confundendo regulariter non diffitebimur verum esse, indicia omnia & probationes quæ in hanc rem detegendam adhibentur, sancta, licita, possibilia, ac de sensu seu intellectu communi deprompta esse oportere, distinctione 4. c. erit autem lex. Cæteroqui in præstigijs, ejurationibus, seu alijs modis contra naturalibus & illicitis agere iudicem nihil planè convenit, ne in illud incidat Catonianum:

Turpe est doctori, cum culpa redarguit ipsum.

Cæterum & nos experimentum istud eo modo ac mystico intellectu, quo dictamus, sumptum sanctissimum & minimè illicitum esse opinamur. Nam malo nodo malus quærendus est cuneus, & clavum clavo pungere, quatenus aliter non possis, etiam justè liceat, dum fraudulentum suismet fraudandi artibus petere & depellere liceat, quemadmodum mutuò acceptum, ac sine testibus redditum adversus repetentem idem directò liceat negare mutuò acceptum esse asserit, Maran. & alij Doctores.

Et cum iudex ad aliud nihil inventus sit, quàm ut veritatem omnibus artibus & perquirat & inveniat. Sanè quidem dum per legales testes hujus rei ad convincendum fides certò haberi non potest. Complures autem desperati, fraudulentum, invidiosi, socios habere studentes, aut verò ipsi per impostorem suum amasium fascinati, qui personas sæpè

sæpè aliorum confectatur, ac ementitur : status causæ suspensum non possit non integrum alioquin iudicis animū tenere, in hac inquam rerum perplexitate, quid à fide, quid à possibili, quid à legū sanctitate ac recto iudicio oret alienum, dicere seu tenere hanc aquæ notionem, publicam seu divinam quandam esse degradationem, qua Deus illam, quam per asperisionem sui lavacri baptismatis, fœdore æternitatis, ac consortio cœlestis hierarchiæ sibi adsociavit, ac adoptando devinxit iterum contestatione publica dimittat, ac propter ruptum pactum fidem abrumpat, eam disjungat ac exautortum esse velit, ac quasi de gradibus ad barathrum dejiciat.

118 Quintum argumentum tendit quasi in scrutationem seu penetrationem divinorum mysteriorum. Quando itaque scrutari divinam majestatem unicuique religioni esse debeat, ideò oppressione à gloria ac casum de propinquo appetere videri illum, qui divino iudicio eminens reservata, humana intelligentia reserare concupiscit, Dei que majestatem attentat.

119 Cæterum nos non tam existimabamus de voto vel intentione cujusque Magistratus fuisse unquam, hujus rei abditam ac divinam saltē causam hic perscrutari, seu intellectu suo comprehendere velle. Altiora enim te ne quæsieris, inquit Ecclesiastes cap. 3. Verbo quippe suo & signo insinuat vult agnosci Deus, ut habetur Exod. c. 20. saltē tantò vehementiori affectu, & venerari, & mirari hoc divinum mysterium (per quod contra omnes tam sinuosas dæmonis fraudes ac mille per meandros latentissimos astus) desideratissimam rei veritatem hoc simplici ac composito facto Magistratui uti ministro suo ob oculos ponere voluit Dei omnipotentis benigna misericordia.

120 Cæterum si præterita divinæ omnipotentiae Majestate
hujus

hujus facti vim & potestatem in solum conjiciamus dæmonem, derogare quid ac injustitiam aliquam ei imputare videbimur, qui vindictam gloriæ ac justitiæ suæ nunquam inultam passus est, qui functioni Magistratus & jus dicentis se affuturum, & veritatem proditurum se repromisit, &c.

Quantò quippe in hoc ima potestatem dæmonum majorem videmus, tantò tenacius mediatori Deo est inhærendum, per quem si confidimus, de his imis ad summa conscendimus. Nam si dixerimus etiam nunc contrariam eorum partem, quam defendimus, esse veriore, hoc experimentum non esse tendandum, illo eodem errorem hunc in cordibus hominum prævoluente, non de erunt qui ejusmodi quædam vel certissime se audisse, vel etiam expertos esse asseverent. Firmissime ergo credendum est omnipotentem Deum omnia posse & velle facere, quæ voluerimus si ve indicando, si ve præstando. Nec dæmon aliquid operari secundum naturæ suæ potentiam potest, quia & ipse Angelica creatura est, licet proprio sit vitio maligna, nisi quod ipse permiserit, cujus judicia occulta sunt multa, injusta nulla.

Et si dixerit quis hanc probam interdum erroneam, & fere falsam extitisse: Respondebo id, veritate dicti præsupposita, vel imperitia seu luctu lictoris seu carnificis, vel propter minorem judicium seu assantium confidentiam forte factum esse, vide Matth. 17. Marci 9. & Actorum 19. cap.

In sexto argumento impingitur nobis, quod temerè si ve causa ac necessitative hanc aquæ probationem admittamus, quæ eam ob causam tanto improbius sit, quod citra ullam legis præscriptum fiat exerceaturve, cum alioquin ex causis legem præterire liceat, ideò quod necessitas legem

non habeat, imò verò hanc ipsam dubitationem obfirmando atque adaugendo, dixerit fortè aliquis sic: neque in ipsa necessitate tutum fuerit hoc aquæ subsidium adhibere. Exemplo Sauli Regis, qui contra præscriptum à Samuele propheta habitum, ac ante conventos per eos dies holocaustum domino pacificatorium obrulit tunc, quando necessitate compulsus impetum ad pugnam præparatorum, ac sibi imminentium Philisteorum pertimuit, ac ad defendendum sese parare necessum habuit.

124 Dixit enim Samuel ad eum, stulte fecisti, neque custodisti mandata domini Dei tui quæ præcepi tibi, quod si non fecisses, jam nunc perpetuasset dominus regnum tuum super Israël in sempiternum, sed nequaquam regnum tuum ultra confurget, ut habetur I. Regum cap. 13. & infra capite 15. eodem. ubi de optimis gregibus ovium & armentorum, vestibus & arietibus, & cunctis præcisoribus ab hostibus acceptis. Saul contra quàm præceptum erat in usum sacrificandi ac immolandi reservaverat, neque disperdere ea voluerat. Samuel Propheta ex revelatione divina iratus, ita ad Regem Saul inquit, Nunquid vult Deus holocausta & victimas, & non potius ut obediatur voci domini? Melior est enim obedientia, quàm victima. Et auscultare magis quàm offerre adipem arietum, quoniam quasi peccatum ariolandi est repugnare, & quasi scelus idololatriæ polle acquiescere, pro eo ergo quod abiecasti sermonem domini, abiecit te dominus quòd non sis Rex.

125 Quibus verbis evidenter datur intelligi, non modo quòd fines mandati divini sint diligenter custodiendi, sed etiam quòd eorum (quæ secundum proportionem nostri verosimili mandantis forent voluntate per æquipollens) nulla sit extensio, id quòd in humanis legibus fere secus obtinet.

Sed

Sed hujus dubij prior pars ex præcedentibus & in sequentibus conclusionibus etiam resolvitur, posterior pars Theologorum est, quæ tamen in hoc residere videtur, quod propter summum studium quo populus Israëliticus tunc ad idololatriam ac gentilium ritus ac ceremonias adeo erat addictus, ut non nisi expiatione victimarum, ac exteriorum satisfactionum ac reconciliationum hostijs victoriam sese reportaturum crederet à Deo, perque talium rituum non necessarium, sed propitiatorium usum magis, quam per Dei virtutem ac omnipotentiam se vincere existimabant. Quæ incredulitas etiam tunc & in ipso rege Saule residebat, qui dum providè ac sapienter se fecisse fuit arbitratus, stultitiæ ac incredulitatis est à Deo Propheta insimulatus, qui causam ac DEI voluntatem ad populum melius noverat.

Septima opinio quam supra diximus esse Joannis Bodini Andegavenfis, minus nos moratur. Ferè enim est quod è contra existimemus hanc illam esse scholam in qua liquefactis, relectis, ac pertusis omnibus illis dæmoniacis astutijs ac illusionibus, quibus is potestatem aquæ in se (hominibus falsa pro veris persuadendo) convertit, convincibili convictus fundamento. Magistrum suum ejusque antidotum agnoscere, ac Magistratus officium revereri, discipulus potius discere, ac locum relinquere, quam victoriam reportare debeat. Ergo cum eo non tam paciscitur, quam is deceptor suismet artibus decipitur, argum. I. qui cum tutoribus, §. qui per fallaciam, ff. de transact. non tam attrahitur, quam abstrahitur & abigitur ille malus hospes, &c.

Octavo sic ratiocinatur D. Binsfeldius, dæmon per æra potest Maleficarum corpora celeritate incredibili & sua virtute ad remotissima loca deferre. Ergo valet etiam sus-

stentare eadem ne submergantur in aquis. Tantò magis cum & mediocris potentia vir puerum possit tenere ne profundum petat.

129 Ad hoc itaque octavum argumentum (quum paucis respondere non possim) in initio & fine responsionis illationem directò negavero : sed etsi haud gravatè utramque concessero, **dæmones** (qui triplici pollent acumine potestatis suæ cæteris omnibus terræ creaturis, scilicet subtilitate naturæ, experientia temporum, & revelatione superiorum spirituum) virtute potestatis propriæ & de natura sui, tam hominem per aëra corporaliter & revera transvehere, quàm in aquis retinere posse ne submergatur. Tùm tamen inprimis & hoc in quæstionem cadit, an eadem illa potestas integra sit & imminuta ei à DEO concessa & relicta in illas maleficas, quæ censura Magistratus ordinarii jàm ad hac aquæ probam adhibentur & invinculati sint?

130 Nam dici & tentari posset sic : Quod si sathan permissione divina saltem eas quæ maleficæ verè sunt, per aëra posset localiter ad remotissima incredibili celeritate deferre loca, id videri ipsi in singulare privilegium, & speciali jure à Deo datum, propter detestabile hoc pactum degenerativum, scædisfragarum maleficarum cum dæmone habitum, sicque in hoc genere corporum eam solum habere potestatem à Deo dispensativè datam.

131 Sed quia in sacris scripturis compertum est, nusquæ docet, quod dæmones hanc corporaliter transvehendi, & sublimandi artem exercent etiam interdum in homines non maleficos, sed pios ac alioquin bonos viros, item in homines sanctos, ut D. Antonium, Job & alios. Quinimmò in Salvatorem ipsummet nostrum in pinnaculum templi Hierosolymitani sublimatum, ideo certiore veritatis præsum-

sumptione tenendum esse videtur, daemones virtute potestatis propriae & de natura sui hanc transvehendi potestatem generaliter & regulariter in omnes homines, imò dixerim penè in omnia terrae animalia habere à Deo concessam.

Hujus sententiae eae Lambertus Danaeus in suo dialogo quem de veneficis inscripsit, cap. 4. Dicit enim quod tanta sit vectoris hujus, hoc est sathanæ celeritas & in agendo vis & potestas, nihil enim hunc impedire potest eorum (inquit) quæ nobis festinantibus obstant. Neque illi laboriosum aut arduum est, currenti aërem diffindere, quemadmodum nobis. Est enim Angelicæ & subtilissimæ naturæ non autem corporeæ, quia spiritus est.

Inde fit, quod præ celeritate & pernecitate vectoris hujus quæ & aves ipsas antevertere dicitur, maleficæ quando per aëra feruntur, defatigatas se & confectas quasi ex labore conqueruntur. Id fit propter densitatem aëris, & corpoream hominis substantiam.

Dæmones ergo præstantiâ intellectus sui conditiones & naturales hominum impressiones ex influentiis corporum cælestium in illis prædominantes agnoscunt. Unde & eliciunt aliquos esse magis dispositos ac maleficia exequenda, quàm alios, quos etiam præ cæteris ad hujusmodi exequenda infestant.

Proprietates quippè demonum à Theologis assignatæ, referente Malleo in 3. questione primæ partis multæ referuntur. Quod sint spiritus impuri, licet non immundi ex sui natura, quia in illis secundum Dionysium inest furor naturalis, amens concupiscentiâ, phantasiâ, proterviâ, quod ad peccata eorum spiritualia superbiam, invidiam, & iram. Unde sunt genere animalia humani generis inimici, mente rationales, absque tamen discursu intelligentes, corpore

aëri, tempore æterni, in nequitia subtiles, nocendi cupidi, semper in fraude novi, immutant sensus, inquinant affectus, vigilantes turbant, dormientes per somnia inquietant, morbos inferunt, tempestates concitant, in lucis Angelos se transformant, semper infernum secum portant, erga maleficas divinum cultus sibi usurpant, magicæ artes per eos fiunt, super bonos dominari appetunt, & amplius pro posse infestant, electis ad exercitium dantur, semper fini hominis insidiantur.

136 Unde dicitur in Job cap. 41. Non est potestas super terram, quæ ei valeat comparari; qui factus est ut neminem timeret, omne sublime videt, ipse est rex super omnes filios superbiæ, ubi glossa: licet neminem timeret, meritis tamen sanctorum subjacet, in quibus omnibus hoc pro certissimo est habendum, sathanam non nisi & per causas & per modum naturalem efficere quicquam posse. Nam quicquid ille, vel ipse per se, vel per suos & Magos & fortianos facit aut omnino mera animi oculorumve illusio, aut verus causarum tantum naturalium effectus est, aliud enim aut potentiùs agere nihil quicquam potest.

137 Unde licet multa mira, miraculosaque, & incredibilia opera (propter scientiæ præstantiam, qua omnes homines anteit) efficere possit, ipsa enim potestas, quæ illud efficit, in uno Deo residet, penes enim unum est, nec in creaturam ullam unquam transportatur, quia ut est apud Isaiam, gloriam suam sibi que propriam nunquam dat alteri Deus, qui solus est proprietatum & virium quæ rebus insunt, autor & creator. Solius ergo Dei est uti condere & creare. Ita quoque abolere ac evertere, seu proprietates & vires rerum adimere, id quod dæmon nullo modo potest.

138 Adeo quidem quod & boni Angeli, Apostoli, Prophetæ,

tæ, & fideles homines in edendis miraculis, quæ fecisse dicuntur, Dei tantum instrumenta, & ea quidem merè passiva, non autem activa, ut vocant, extiterunt, ut probatur authoritate sancti Petri Apostoli, Actorum 3.

Nec sequitur tamen, quod si in miraculis Deus est usus illis suis servis, sathana quoque utatur, & per eum miracula fieri velit. Non vult enim Deus, idque justè, gloriam suam diabolis & sathanæ communicare ea mensura, qua Angelis beatis & sanctis hominibus confert: id quod vel ex eo satis constat, quod Moyses & Aaron servi Dei fecerunt vera miracula, quæ tamen Pharaonis Magi, quamquam exercitati in sathanicis artibus, discipuli & præstantissimi ipsius ministri efficere non potuerunt, agnoveruntque ipsius solius Dei digito præstari, & omnem vim naturæ longè superare, ut est scriptum Exod. cap. 8.

Nam Christus ipsemet sathanæ immodico tentatori dixit: *Pvade sathana*, scriptum est enim, dominum Deum tuum adorabis, & illi soli servies, Matth. cap. 4. Atque huius rei inter sathanam & veros Dei servos discriminisque diversique Dei consilij, hæc ratio est, quod sathan in edendis miraculis non spectaturus sit Dei gloriam, at boni Angeli & sancti viri eodem saltem respiciunt.

Itaque miraculorum Dei instrumenta sæpè hi sunt, iste autem nunquam. Et quamquam illud verum est, sathanam nihil omnino posse, nisi quantum, & quando, & in quibus rebus Deus ipse illi concedit: tamen rerum ordinem à Deo constitutum, proprietatesque rerum neque evertere, neque mutare potest.

Neque tanta illi potestas à Deo tribuitur, neque etiam ut per alias artes quam naturales operari valeat, & si sæpè qui-

quidem nobis ignotas. Deinde etiam quas ea celeritate impellit, ut totum ipse opus miraculum esse videatur.

Citò enim colligit ea media, easque causas quibus agit, verbi gratia, statim nubes congregat, unde emittit pluviam, confestim cogit & spissat aërem, ut ex eo densatum quoddam visibile corpus & spectrum nobis objiciat, venena momento miscet unde lædat, continuo ea repræsentat & fugat, quæ petuntur, postulanturque ab eo, præterea ita celeriter hæc omnia efficit, ut mira & incredibilis nobis sit istarum rerum celeritas, quæ tamen singulæ per causas naturales in ipso præexistentes fiunt ac perficiuntur, ita pro sententia nostra differit Lambertus Danaus in suo dialogo de Veneficis, cap. 4. prope finem, confirmatque conclusionem & quæstionem nostram supra ad primam decidendi rationem allatam.

142 Porro de summa dæmonis impotentia, & quod is neque miracula ulla realiter facere, neque promissa qualiacunque illa hominibus fecerit, vel illi ab eo sponte expectent, adimplere possit, sed delusionibus paupertate mera ac vana spe eos inebriet & circumveniat, præterquam quod sacra pagina ac experientia rerum, affatim testis fit, luculenter etiam demonstrat Hieremias Propheta in Epistola quam misit ad abductos & captivos Judæos per Regem Nabuchodonosor in Babylonem, ubi inquit, &c. Unde ergò notum est, quia non sunt dij, sed opera manuum hominum, & nullum opus Dei in ipsis est? Regem regioni non suscitant, neque pluviam hominibus dabunt, judicium non discernent, neque regiones liberabunt ab injuria, quia nihil possunt, sicut corniculæ inter medium cœli & terræ. Et cum inciderit ignis in domum deorum ligneorum & argenteorum & aureorum, sacerdotes quidem eorum fugient & libe-

liberabuntur, ipsi verò sicut trabes in medio comburentur, Regi autem & bello non resistent, quomodo ergò aestimandum est aut recipiendum, quia dii sunt? Non a furibus neque latronibus se liberabunt dii lignei & lapidei & inaurati & inargentati, quibus iniqui fortiores sunt.

Hæc dæmonis simulatissima vel dissimulatissima potentia vel impotentia per Gedeonem comprobatur, Judic. 143 cap. 6. qui ad necem & ultionem se (propter destructam aram Baal & succisum ejus nemus) vocantibus respondit: Nunquid ultores estis Baal, ut pugnetis pro eo? qui adversarius ejus est moriatur antequam lux crastina veniat. Si Deus est vindicet se de eo, qui suffodit aram ejus. Ex illo die nominatus est Gedeon Hierobaal.

Amplius verò & hoc præmittendum est, bonorum 144 Angelorum in malos aliquod esse imperium & regimen, prout & inter ipsos mutuam prælationem. Unde dicitur, quod quàm diu durat mundus, angeli angelis, homines hominibus, dæmones dæmonibus præfunt. Rursusque D. Augustinus, spiritus vitæ desertor atque peccator regitur per spiritum vitæ rationabilem, pium & justum. Et sicut illæ creaturæ super alias influentiam habent, quæ sunt perfectiores & Deo propinquiores, ideò quod totus ordo prælationis primo & originaliter est in Deo, & participant à creaturis, secundum quod ei magis propinquant, ideò etiam boni Angeli qui maximè propinquant Deo propter ejus fruitionem qua dæmones carent, super ipsos dæmones habent prælationem, & per eos reguntur.

Et si istes sic, quod dæmones præmissis medijs multa faciant mala, aut ergò non impediuntur, quia non subsunt, bonis Angelis, qui eos impedire possent. Aut si subsunt, tunc enim ad negligentiam præsentis pertinere

videntur, ea quæ per subditos malefiunt, dicendum videbatur, quod in Angelis bonis sit aliqua culpa hujus mali in homines redundantis.

146 Respondetur, quod sancti Angeli sint ministri divinæ sapientiæ, quæ quemadmodum permittit aliqua mala fieri (juxta illud: Posui juxta te aquam & ignem bonum & malum, id quod volueris apprehende. Genes. 3.) per malos Angelos. Ita & boni Angeli non totaliter cohibent malos à nocendo, sive homines, sive dæmones.

147 Deinde & hoc Catholicum est asserere quendam ordinem actionum interiorum & exteriorum, etiam per quandam prælationem esse in dæmonibus. Unde & quædam spurcitia à quibusdam infimis perpetrantur, à quibus superiores propter nobilitatem naturæ secluduntur. 2. distin 2.

148 His per modum digressionis evidentialium loco præmissis (incumbimus quippè adhuc in octavi argumenti resolutionem) concessaque principibus tenebrarum tentâ vi & præpollentiâ, quanta ullæ sublunaris hujus mundi creaturæ intellectus, scientiæ ac potentiæ multa foret attribuentum; piaculum tamen adhuc existimaverim credere, Deum hanc illi potestatem (tunc quando ad finem veritatis habendæ pro certiori fide Magistratus in hoc occultissimo, ac mille impositionibus obnoxio crimine adlaborat) nihil esse imminutum velle.

149 Cæterum verò, hanc imminutionem vel potius naturalem dæmonis in elemento aquæ impotentiam ut doceremus; sicque istam inductionem D. Binsfeldio inoffensam non daremus, ita ex collatione infra scripta movebamur.

Diabolus est spiritus qui ex densitate aërea certam modò hanc, modò illam reddit vel formam, vel speciem.

150 Atque facilius operatur unumquodque corpus in natu-

natura sibi simili quàm dissimili : sed dæmona à natura aquæ longè est dissimilis : ergò operatio dæmonis naturaliter potiùs frangitur in aqua, quàm sustentatur vel cooperatur. Hoc idem probatur ex virtute uniuscujusque elementi sic inferendo :

Quodlibet elementum ut elementum habet peculiarem 151
& sibi appropriatam virtutem creatam, qua ratione ad defendendum semetipsum contrario se elemento opponit, vimque suam exercet : At diabolus est ex elemento aëris compactus, ergò contrarius elemento aquæ, sicque faciliùs & de natura sui expeditiùs operatur in aëre quàm in aqua : hæc ex collatione D. Huberti Bleissemij, &c. decima sexta die Novembris, Anno M. D. XCIV.

Planè dùm penitiùs dispiciendo, ac cum alijs perqui- 152
rendo tam sacras literas, quàm alias probatas historias percurrimus, constare videtur, quod dæmon in ullum mortalem hominem sive bonum sive malum ad submergendum funditùs, vel super aquis tenendum vel supervehendum eundem invitum potestatem seu exercitium suum nunquàm habuit. Quamvis quem canem, hoc est dæmonem, Cornelius Agrippa juxta secum vivus habuit, ille moriente hoc, Arari fluvio seipsum submerserit. Ergò vel de latenti, & valde mysticâ divinâ voluntate, vel de natura dæmonis exilis, aut planè nulla ejusdem est in hoc elementum potestas in invitum hominem, quod tamen sub dubio relinquimus.

Illud planè ex vitis sanctorum Martyrum est comper- 153
tum, quòd quemadmodum, Ethnici illi Tyranni & Cæsares, eorumque causarum capitalium præfecti circa tormenta & mortem Christianis illatam id summo sibi studio habuerunt, ut adeò memoriam & omne pietatis vestigium

mentibus & oculis Christianorum funditus eradi carent, quò ne cineres suffocatorum superesse possent martyrum.

Quocircà, neque gladio, neque igne, sed cumprimis aqua in mari illos absumere tentârunt.

154 Ita è diverso zelosi illi & occulti ejusdem temporis Christiani dominum Deum sedulò exorârunt, ut tali mortis genere suos martyres & fidei testes affici sineret, ex quo ipsis de corpore membris, vel cinere saltèm eorum pia emulandi recordatio uti præmonstratrix superesse posset imitatione.

155 Quos Deus ita quidem exaudivit, ut ex historiis constet, non modò non esse multos martyres mari absumptos vel suffocatos, sed etiam penè omnes aquis ad submergendum traditos supernataſſe, vixque vi ullâ mari interjiſſe, sed miraculoſè retentos, tandem gladio mediante coronam gaudii in perpetuum accepisse, idque secundùm Eſaiæ Prophetæ dictum cap. 43. Cùm transieris per aquas, inquit, tecum ero, & flamma non operiet te. Cùm ambulaveris in igne non combueris, & flamma non ardebit in te, quia ego dominus Deus tuus sanctus Israël ſalvator tuus, &c.

Ecce ut elementis ſuis officium proprietatis ipsis datum adimit vel invertit ad manifestationem veritatis omnipotens Deus.

Pro cujus rei corroboratione, tùm & generalis adſer-tionis noſtræ ſanctiſſima intentione combrobanda ſufficiat D. Bernardi ſuper Cantica Canticorum cap. 66. prope finem, hoc unum & miraculoſum & apud veterem Eccleſiam in more poſitum factum. Plerunque fideles injectis manibus, inquit ſanctiſſimus vir, aliquos ex eis (intellige hæreticis, vel de hypocrifi ſuſpectis) ad medium traxerunt, quaſiti fidem, cùm, de quibus ſuſpecti videbantur, omnia pror-

prorsus suo more negarent, examinati iudicio aquae mendaces inventi sunt. Cumque jam negare non possent, quippe deprehensi, aquam eos non recipientem, arrepto, ut dicitur, freno dentibus, tam misere quam libere impietatem non confessi, sed professi sunt, palam pietatem & pro ea mortem subire parati, nec minus parati inferre, qui astabant, itaque irruens in eos populus, novos haereticis suae ipsorum perfidiae martyres dedit: Hac ille.

Nono non multum movebamur de identitate ac consimilitudine rationis, quam ad improbandam hanc aquae frigidae in flumine vel palude purgationem, idem Theologus Binsfeldius adferebat, autoritateve ex proba candentis ferri vel aquae bullientis ibidem reprobata, quia istas purgationes antiquitus, non ex decreto vel imperio Magistratum seu Judicum injunctas, sed ex ipsarum partium rearum suspectarum seu delatarum oblationibus, ac parato, in levioribus scilicet delictis seu excessibus, usitatas fuisse comperimus.

Ita enim scribit Didacus Covarruvias variarum resolutionum libro 4. capite 23. de purgatione vulgari, quae fit candenti ferro: Qui fidem sibi jurantibus haberi aliqua de re gravi postulaverunt, inquit, consuevissent ignitum ferrum manibus tollere, & super ignem ambulare, putabant enim minime dolorem aliquem sensurum eo experimento, qui veritatem dixisset, eratque certae fidei & innocentiae signum maximum ab eo periculo illae sumi quatenus evadere. Unde parati erant & candens ferrum in manibus tollere, & per ignem serpere, Deosque jurare, nec fecisse nec fuisse confcios, quemadmodum de uxore Imperatoris Henrici condicti sancti referunt historiae, quae in testimonium non

violati thori conjugalis, candens ferrum manibus suis inoffensè portavit, & sustinuit ultrò.

158 Et licet in contrariam hujus resolutionis partem ipsorum Canonum suprà in rationibus dubitandi citatorum verba afferantur ex dicto can. final. de purgat. vulgari. ibi, eos judicium candentis ferri subire compellant, & ex dicto canone, Mennam. ibi, nec ipsum exhibere, nec aliquo modo te volumus postulare, &c.

Ex quibus verbis evincitur reos suspectos non assumpsisse in se ultrò hanc probam vel obtulisse, sed de jussu judicum ipsis injunctam seu imperatam, atque utrunque modum hic esse prohibitum.

159 Tamen adhuc diversitatis rationem inter hanc aquæ probam & candentis ferri docemus ex iis quæ tradit Malleus Maleficarum in suo tractatu tertiæ partis secundæ principalis de modo terminandi processum per debitam sententiam, quæst. 18. de modo purga, vulgaris, & præcipue super examen candentis ferri, ad quod maleficæ plerunque appellant.

160 Nam dicit tibi miraculum non esse, licet mortalibus possit videri, si opera dæmonum à læsionibus in examine tali (scilicet proba candentis ferri) maleficæ præserventur illæfæ. Cum & naturales succus cujusdam herbæ ita sunt efficaces, ut ubi manus illis inungitur, tam à combustione possint præservari, cum & ipsum dæmonem virtutes herbarum minimè lateant non modò, sed & eisdem cæterorumque medicinalium remediis omnium multò melius ac virtuosius quàm quisquam uti possit. Est enim nequam ille medicus perspicacissimus, Phisicus absolutissimus, mathematicus intelligentissimus, ac Theologus scientissimus.

161 Dato etiam, quòd per interpositionem alicujus corporis
inter

inter manus deferentis, & ipsum ferrum pernecitate sua læsionem non interciperet, pro invisibili suo artificio id procurare posset: tamen per ejusmodi naturales rerum proprietates hoc efficere posset. Unde minùs quàm quicunque alii malefactores, ipsæ maleficæ propter intimam familiaritatem quam cum dæmonibus habent tali examine sunt purgandæ; sed ipso facto, ubi ad hoc appellant, jam ut suspectæ sunt habendæ, hætenus ferè Malleus.

Idem auctor eodem multò vehementiùs improbat *162* *nomachiam* olim usitatam, jam verò, per torum abolitam ea ratione; quòd minor sit læsio per candens ferum, quàm vitæ interfectio per singulare certamen, ideò in locis ubi hoc duellum admittitur, si consuetudo id habeat, (de qua nunc disputare non attinet) à fortiori examen candentis ferri dicit admittendum esse:

Addens, iudicibus in primis ad probam duelli esse *163* admittendum; quia in eo datur potestas, vel saltèm conceditur licentia utrinque interficiendi se mutuò, & cum alter eorum sit innocens; ideò dicit per iudicem præstari auctoritatem vel saltèm licentiam interficiendi innocentem, quod cum simpliciter sit illicitum, quia contra dictamen juris naturalis & divini, ideò omninò non tentandum, neque ex parte Appellantis neque incipientis, multò minùs ex parte judicantium vel consulentium, quia dicit omnes pro homicidis reputandos.

Planè in eo casu, quo non ad requisitionem, consilium *164* vel mandatum iudicum, sed de spontanea utriusque partis hincindè oblata voluntate inter Appellantem & recipientem tale duellum exerceatur. Ibi judicantes, uti solos spectatores vel ultroneæ eæ executionis ministros, absque mortu-

mortali peccato esse posse sentit, siquidem in hoc ipsi domini suorum membrorum & vitæ vindices esse volent.

165 Sanè quidem, ubi aliis remediis justum judicium vel terminationem litis judices habere possunt, hanc tentationem Monomachiae vel aquæ bullientis ad epotandum, seu ferri candentis ad apprehendendum minimè admittere debebunt. Nam si hoc faciant, permittant, vel consulant, utique ad interfectionem innocentis consentire videbuntur.

166 Cæterum verò, quod ad singulare & divinum exemplum Davidis cum Philistæo Goliath attinet, quod habetur 1. Reg. cap. 17. quasi ibi licitum fuerit duelum. Respondetur enim quod revelatum fuerat Davidi à domino interiori instinctu ac fiducia quod tale certamen inire debet, & quod injuriam sibi illatam per eum vindicare vellet, quod ex verbis Davidis elicitur: Ego venio contra te, inquit, in nomine Dei viventis, &c. & sic non fuit propriè duellator, sed divinæ justitiæ prædestinatus executor.

167 Hic si quis iterum subjungat: Ergo eadem ratione ac in eisdem terminis, quibus tu aquæ frigidae probam contra maleficas esse assumendam concludis, in eadem hypothese & candenti ferro, vel aqua bullienti ad epotandum licebit uti ad indicium contra easdem faciendum.

168 Sanè hic ego non solum, dum responsum meditor; sed etiam per totius hujus unicæ materiæ tractatum compertio; quàm sit cautè ac prudenter scriptori agendum, non solum quoad suæ ipsius salutis, sed etiam quoad omnium aliorum (quibus hæc in manus fortè venient, vel qui ad eadem judicia & censuras collimare sua volent) curam & sollicitudinem.

169 Suadendum tamen aliam quam hanc aquæ frigidae pro-

probam minimè existimaverim, tum propter supradicta, tum etiam quod in epotanda aqua bullienti alia & quidem longè diversissima est experiendi ratio, vis & indicatura, quam discreto Lectori vel judici potius expendendam, quàm mihi scribendam relinquere velim.

Tum & eam maximè ob causam, quòd hæc aquæ proba (quando ad arbitramentum judicum censorum certo vel certis adsumitur intervallis & mora evidenti) experimento sui multis sit in provinciis practicata, ut tam doctos quàm indoctos multos, qui eandem viderunt, vel invitos eam quasi adprobasse sæpius audiverim: ut jam aliùm in ejusdem surrogare locum potius videatur tentare, & majestatem divinam scrupulari aliqua diffidentiae scintilla adminiculante, quàm gloriam ejusdem in eo quod jam usu est receptum, collaudare.

Conclusivè in ea etiamnum perito sententia, quòd existimem, in hoc aquæ elemento majorem ad explorationem veritatis esse & virtutem & ceritudinem quam cæteris: tum propter exorcismos ac sancta salutariaque verba quæ in fœdere & regeneratione baptismatis mediante hoc elemento creatoris ad creaturam suam habentur ac adoptantur, tum etiam quod diabolo in hoc, quàm in cæteris minor detur ludendi ac imponendi potestas & autoritas, id quod suprà est demonstratum latius.

Id quod consequenter in decimo argumento de extensiva hujus pacti interpretatione est dictum: ut quando in perquisitione rei occultæ ad positionem alicujus antecedentis quod optamus, facere cupimus, vel fieri petimus; dæmon (permissione divina accedente, ut qui melius per se secretam hominis intentionem minùs magisve depravatam ac à se degenerantem novit) consequentiam aliquam,

I

quam

quam intendimus, neque volumus, quasi necessitative subinfert ac includit, arg. 26. q. 4. c. igitur, ead. quæst. 1. c. nec mirum: de quo genere multa congeffit Binsfeldius in suo commentario in tit. C. de Malef. & mathem. ad rubr. in nono notabili.

173 Ad hoc argumentum existimamus respondendum: Aliud quidem & longè esse diversum inter Magistratum justitiæ officiaturum experimento rei alicujus occultæ indagandæ causa hac, in parte vel ista scientia divinatoria & judicaria utentem, idque meræ veritatis & conscientiæ suæ tuendæ ergò, stante fide ac certa perfectaque intentione in Deum neutiquam dimota: & privatos alios quoscunque qui tam occultis ac divinatoriis mediis ad aliquid perscrutandum utuntur.

174 Hi enim præter præmaturam, lubricam, diffluentem ac verè inconsultam temeritatem vel curiositatem nullam rectæ rationis causam prætereundam possunt. Ergò intentione illorum depravata, ac auxilium seu consilium aliundè quàm à Deo directò quærentium attentata: implicite retribus illius præstigiatoris illaqueantur, ac tali consensu qui à fide in baptismo dato illos deflectere redarguit ac manifestat, permissione divina involvuntur, quicquid enim ex fide non est, peccatum est, sacrilegium est, hinc mors, hinc mille pericula rerum.

175 Quemadmodum ferè videmus illos qui temerario ac non necessario scrutandi ausu hisce ceremoniosis divinationibus ac constellationibus seu notationibus Mathematicis uti incipiant, de errore uno in alium prolabi ac indies deteriora consuetari, donè tandem in apertam fidei detestationem ac animæ naufragium incurrant. Quemadmodum Salomon ipse ab initio quidem propter solam complacentiam
erga

erga uxores suas, reverentiam exhibuit diis earum, videns meliora, probansque deteriora sequens. Nam & post in apertam est pertractus idolatriam.

At Magistratum de quo hic evidens necessitas merum 176 ex officio dependens veritatis studium, rei que hujus abditissima obnubilatio ac velitationes hincinde eò usque propellunt. Neque enim est singulis concedendum id quod publice per Magistratum fieri oporteat, pro quo multæ stant favorum ac excusationum præsumptiones, modò puris utatur manibus, ac Deum justitiamque ejusdem præ manibus saltè habeat.

Ad extremum propter abstrusas (divinæ voluntatis 177 non temeræ tentandæ) causas religioni nobis esse debebat, hoc examen in conspectu populi, & in oculis omnium facere vel exponere, dum unius hoc, alterius aliud de re vel persona sit judicium, & ferè finistrum, dum occasio datur variis hominum vel oblocutionibus vel interpretationibus, ex quibus dominus Deus magis offenditur quàm veneratur, magis indignationi divinæ quàm justitiæ ministerio fenestra aperitur.

Adeò quòd illud D. Gregorii objici nobis posse in quin- 178 to libro Moraliū. Sæpè ipsa nostra justitia (inquit) ad examen divinæ justitiæ deducta injustitia est, & sordet in districtione judicis, quod in æstimatione fulget operantis.

Sanè hujus argumenti resolutio magis Theologica 179 quàm juridica, magis incerti consilii esse videtur, quàm firmi præcepti; nam in publicam offensam ac de testationem tum & terrorem hujus flagitii publice quam privatim hanc probam fieri præstaret. Maximè si devotione ac legalitate populi attentâ publicis precibus in hoc fiendis venerationem divini numinis ad veritatis limam potius implorari consultum

forte fit. Si verò populus malignus, indevotus, sectator magis quàm execrator hujus flagitii existat, seu communiter depravatus, & levitatis studiosus, ne deterius quid inde sequatur, privatam publicæ probationi prætulero.

180 Porro & hoc objiciebatur nobis, quod corpora quædam humana, aut naturali ac innata animositate, aut ascitâ quâdam vehementia vel perturbatione sui ita in aliquo motu sint affecta seu complexionata, ut interdum supernatent aquis suapte virtute, Si scilicet spiritus ille elevator & rector tantæ naturalis potentia in homine fit. Ut & corporis (quod alias in abstracto per se grave est & deorsum in aquis tendit) energiam ad se supra attrahat.

Aliqui etiam homines intumescentiis seu inflationibus pulmonis ita pollent, Ut vel voluntarii etiam non illicò in aquis dehiscere videantur.

181 Et ferè fieri dicas, ut pleraque humana corpora aliis citius, aliis tardius in aquis dehiscant, quemadmodum in naufragio videri est, quosdam instar lapidis subsidere statim, aliquos ad longum spatium supernatare: Idque non modò propter vestes, quibus fortè sunt induti, vel natandi scientiam, sed de singulari corporis vel animi constitutione ac natura.

182 Hisce omnibus & singulis connexis, nos taliter respondendum censebamus, quod putaremus nullum humanum corpus, vel animi virtute vel perturbationis vehementia seu naturæ suæ quâcunq; qualitate ita posse affectum esse, ut vel vi vel voluntate sua ad quartam vel mediæ horæ partem super aquas ligatis manibus pedibusque natare, supernari vel elevatum esse possit, maximè si nullus accedat natationis motus.

183 Nam corporum tria cum sint genera, unum gravissimum soli-

solidum & maximè perfectum, ut lapis, ferrum, plumbum, omniaque metalla, filex, marmor, jaspis, aqua, &c. Secundum grave quidem, sed levitate quadam mixtum, vel propter naturale vel ascitum quoddam sibi adjacens, ut grando, glacies, pira, homo, ligna in aquis indurata, &c. Tertium leve simplex, ut pluma, ignis, aër, &c. inter quæ nullum nisi posterius aquam infra se patiatur naturaliter, sequitur in hoc experimento circa hominem quid præter naturam contingere.

Tandem verò etiam hoc modo in hujus effectus ac o- 184
perationis causam philosophari libet.

Deus in hac vita per magnifica ipsius ac miraculosa opera tantò vehementius cognoscitur, & quantò opera sunt propiora nobis, magisque sensibus exposita, tantò in efficientis ejus causam, ac artificis admirationem ardentius inducimur, ac eundem majori complectimur & adamamus veneratione: Est enim effectus omnis participata quædam suæ causæ similitudo, ideoque speciem nobis & veluti ejus simulacrum exhibet, nam ab effectibus virtus & præstantia causæ cognoscitur.

Ergo dum hujus operationis causam efficientem, (dæ- 186
monis omni auxilio semoto) in Deum ipsum per judicem imploratum, referimus, hoc beneficium reportamus, ut magnitudinem gloriæ ac potentiæ suorum miraculorum latius, ac fixius in plebem divulgemus ac extendamus, ut discant omnes terrarum populi fortissimam Dei manum, & ut vos timeatis Deum vestrum omni tempore. Josuæ cap. 4. in fin.

Qua declaratione opinionis nostræ in hac materia præ- 187
missa, si non sustollentur, saltèm ad minorem numerum multi errores redigentur, quos religiosissimus Pater D.

Petrus Thyraeus Novesius societatis Jesu Theologus, in libello suo de dæmoniacis (in quo de dæmonum obsidentium ac hominum obsessorum statu, conditione, viribus & potestate agitur, cap. 19.) iis imputat qui hoc aquæ frigida prodigiosum factum dæmonis levitati (qui & igneæ & aëreæ est naturæ) solum & insolidum ascribunt.

188 Neque enim nos estimamus tales personas in corpore diabolum gestare vel habere, neque vel ideò quod is eos regat, evehatque, supernatare aquis, neque etiam nos definitionem ex hoc sumimus effectum, sed præsumptionem, saltem.

CAPUT IV.

189 **H**ACTENUS in ambigua lusimus arena, consitatoque cursu, ac velitationibus hinc inde factis, nostram quidem (salvo semper sanctæ matris ecclesiæ calculo & determinatione) deprompsimus sententiam: nunc extremis relictis, atque utrâque classe conjunctâ, utra pars victrix, vel qua ratione invicem conciliandæ sint, libet hac bicipiti conclusione depromere.

190 Sanè quidem, quando dæmonicam illam turpitudinem ac foeditatem hujus criminis penitiùs intueor; quando in abditissimas insidias, fucos, ac imposturas tortuosissimi serpentis ardentissimi ac potentissimi magisterculi principis scilicet tenebrarum mentis oculos fixè intendo meos; quando in indignationem, pericula ac exitia illa, quæ ex impunita dissimulatione vel in diligentia Magistratus quicunque apud Deum incurrit, intellectum defigo meum.

Tandem verò, & in primis, quando pensiculatiùs circumspicio, ut dæmon (ut qui à Græcis calumniator dicitur, semper explorans bonorum facta. Sap. 3. Eccles. 17. & adeò affabrè omnes irretire & succedere studet, ut etiam
coram

coram Deo ipso, accusationem instituere audeat, nedum malorum, sed etiam bonorum, Job. 1. Genes. 3. S. Petrus Canonica epistola 1. cap. 5.) possit, velit, & mille modis hactenus etiam incognitas artes, technas ac vias paratas habeat, quibus tam Magistratum, qui justitiæ magiæ fortè præsidet judicando, circumvenire ac deludere, quam quoscunque pios, & minimè reos homines in reatur ac diffamationem hujus detestabilitatis, arcescere, provocare, ac omnibus modis inducere studiosissimè nititur. Idque propter Vatinianum odium, quo omnes tam bonos ac innoxios, quam & malos impensè persequitur.

Unicum verè accertiùs omninò medium hanc aquæ ¹⁹¹ probam existimo, quo Deus ter Optimus Maxim. tam ea quæ Maleficæ secretissimè ac omnibus arbitris remotis committunt & peragunt, quam & ea quæ denunciationibus, famâ ac indiciis testantium, nunc falsò nunc ambiguâ fide circumferuntur, ac judicantibus sæpè persuadentur, resecta, nudata, ac publicè conspicua esse vult ac intendit.

Quod medium tum phaniùs tricipiti proposito sum ¹⁹² conclusurus, ubi duas discussero quæstiones evidentialium ac majoris certitudinis loco præmittendas.

D. Binsfeldius in duodecimo preludio fol. 61. dæmones assemere posse corpora, & in ipsis apparere hominibus concedit.

Et licet corpora illa quæ dæmones ex condensato & ¹⁹³ materiali aëris elemento adsumunt, vera seu realia corpora non sint, qualia nostra, sed saltem ex tali condensatione carnem & ossa membris & nervis distincta, visibiliter ac tangibiliter circumferant, veramque & solidam habeant aëream corporietatem, vel etiam citò in eandem aëream elementarem materiam resolvuntur, cum nec veram formam

mam aut organizationem completam (ut loquuntur Phyci) sed solum effigiem, quæ potius artificialis quam naturalis sit, præ se ferant, pariterque signum aliquod in ima vel abdita corporis parte improprietatis humanæ demonstrativum circumferant, quæ internosci possint facile.

194 Tamen quia artificio suo ac ascita alterius corporis e-
mentita repræsentatione ac suppositione adeò dextrè homi-
nes plerunque ludificare ac fascinos tenere dicuntur dæ-
mones, ut ad longum sæpè tempus falsa pro veris, ac error
pro judicato seu comperto multotiès recipiatur, de quo &
exempla & experientiæ extant innumeræ, ex quibus indicia
obscuriora ac magis incredibilia apparent, quæ sæpè con-
tra delatas proferuntur personas.

195 Hinc illa est oborta quæstio, quæ erit in ordine prima:
Utrum dæmon cujusquam hominis, qui sibi per speciale
expressum vel tacitum pactum mancipatus, devictusque
non est, personam in facie, vultu, vestibus, vel gestibus,
seu etiam alia corporis assimilitudine inducere & repræsen-
tare possit? Quod si Deo permittente, demus, consequen-
ter, indicia contra denunciatas comperta sæpè fluxa, falsa,
ac mille interdum deceptionibus obnoxia esse.

196 Sanè D. Binsfeldius in sæpè dicto suo tractatu de con-
fessionibus maleficarum prope finem dicit hoc contra ordi-
nariam divinam providentiam esse, quæ ex sacris literis in-
notescat, atque effectibus declaratur. Sicut enim divina mi-
sericordia efficiente non potest diabolus (ut rectè Bart. Spi-
neus in quæst. de strigibus cap. 14. & in Apologia 3. cap. ait)
deludere, nisi eos, quorum mentem primò sibi per infide-
litate[m] subjugaverit ita credendum est, nullius illum per-
sonæ figuram (ut de tanto crimine accusetur) posse præ-
tendere, nisi ejus quam sibi jam per similia crimina devin-
ctam

etiam esse sciverit, & multoties realiter cum aliis ad ea perpetranda convenerit.

Et idem Binsfeldius paulò post: Si tamen de extra-¹⁹⁷ordinaria (inquit) Dei potentia loqui velimus, negandum non est, Deum posse permittere, ut innocens accusetur in hoc crimine, sicut in aliis ad bonum aliquem finem. Quia diligentibus Deum omnia cooperantur in bonum, tandem tamen innocentia manifestabitur. Novit enim dominus pios de tentatione eripere. 2. Petri, capite 2. Et sanctus Paulus: Fidelis Deus qui non patitur vos tentari supra id quod potestis, sed dabit cum tentatione proventum. Et iterùm, clamaverunt ad me iusti, & ego exaudiam eos: id quod in Susanna & aliis piis tentatis abundantissimè docetur.

Cæterùm cum fallaci diabolo ex sacris literis sit perspectum, Deum non permittere ut electi tribulentur, aut tententur, nisi ad meritum, nisi ad probationem & bonum, ideò non appetit talem repræsentationem justorum tantoperè. Hactenus ille.

Verùm nobis pro introductione majoris certitudinis¹⁹⁸ hujus quæstionis, libet ea commemorare quæ tradit Guilielmus Pariensis gravissimus autor in secunda parte de universo. Et enim sicut dæmon, inquit, ab initio ambitiosissimè affectavit assimilari altissimo; ita nunc usque regnum suum tenebrosum ac sceleratum contendit immanissimâ impietate confirmare regno ac militiæ creatoris deputando angelos tenebrarum diversis iniquitatis obsequiis, secundùm quod Angeli sancti deputata habent ministeria pietatis: sic Ecclesiam malignantium suam, assimilare conatur Ecclesiæ sanctorum, quatenus Deus & salvator, in Ecclesia sua constituit veros Apostolos, veros Prophetos sanctos Martyres, fidelissimos confessores, ac virgines fatuas.

199 Enim verò qui ab exordio fuit signaculum similitudinis, plenus sapientia & perfectus decore, factus est simia, ridiculosæ ac deformis imitationis, sic & totum regnum ipsius, sua vanitate, ambitione & iniquitatum congerie verum est, velut in summam quandam Ecclesiæ electorum, quæ verè est regnum Dei. Hæc ille Pariensis.

200 Proinde quo in hac parte à Doctore Binsfeldio ac Canonica veritate nimium non recedamus, repræsentationem illam ac Ideam Innocentium pernegare planè non possumus.

201 Nam si DEUS permittit Sathanam hominem alioqui non maleficum, non sceleratum variis nocumentis, infirmitatibus ac infamationibus circa corpus, fortunas, dignitates vel existimationem ejusdem divexare, quemadmodum multoties compertum est, & comprobatum. Quidni etiam vultum, faciem ac personam ejusdem repræsentare in ludificationem, infamiam, ac discrimen Deo permittente potens erit? Quare putas plus potens esset dæmon si permissione divina hominem vulgariter innocentem, neque ex pacto ullatenus sibi devinctum, per aëra in remotissimas regiones, celeritate incredibili ferre, & non eundem de facie, vestibus, vel moribus aliis exhibere in imagine conspiciendum posset? Vide præclarum ac pium tractatum domini Petri Thyraei Novesii de spirituum apparitionibus lib. 2. cap. penult. & ult.

202 Quid, inquam, mirum, vel incredibile id foret in dæmone, quod homines fecerunt in corpore proprio: Nam ex historiis constat multos mortales aliorum sæpè nomina ac personas sic repræsentative fuisse e mentitis, ac alios quasi si essent quos præferébant, delusisse, specieque veritatis irretivisse ac obstrinxisse, ut ex eodem illo errore & suppositione, sententiæ sæpè in judicatum roboratæ, actaque decre-

decretaque talium erroneorum hominum veritatis vim etiam falsitate detecta, merverint, quemadmodum de Barbario quodam Philippo fertur, qui tanquam liber esset se populo Romano insinuavit, atque eo nomine prætoria dignitatem aliquo tempore Romæ administravit, l. 3. ff. de off. prætor.

Sic Laodice regina Syriæ, cum interfecto marito Antiocho, mortem ejus populum celare ac dissimulare percu- 203
peret, Artemionem marito persimilem in lectum regium ascivit, atque ille ejus jussu, tanquam ipse Antiochus esset, è lecto loquens uxorem & liberos civibus commendasset, ea ratione perfecit, ut populus qui Antiochum eum esse putabat (fuerat autem Antiochus toti populo acceptissimus & charissimus) regem atque Laodicis consilio ac voluntate eligere nollet. Plinius naturalium historiarum libro septimo, cap. 12. ubi plura exempla.

Quinimò & nostrâ ferè memoriâ in agro Artigatenfi 204
Gasconia accidit: ut quidam Arnoldus Tilhius, alias Panfeca dictus, commilitonis sui Martini Guartæ (quem ex ictu globi defunctum putarat.) apud uxorem, sorores, amicos, cognatos, ac totam denique patriam, personam, mores & gestus adeò dextrè ac artificiosè præ se gereret, ac exhibendo repræsentaret, ut (omnibus ipsius Martini artibus, corporis articulis, ac singulis omnino humanis circumstantiis instar fimia ac ad vivum ita productis ac expressis) ferè jam sententiam diffinitivam in contradictorio judicio, primo Artigati, post etiam Tolosæ in suprema Curia pro se quasi verus ac ipsemet Martinus atque Berrandæ Rolsiæ (cum qua duas stante illo errore ac suppositione proles habebat) legitimus maritus esset, jam reportasset; nisi in ipso sententiæ articulo ac momento verus

Martinus è militia supervenisset, atque insignem hunc falsarium confundendo, adulterii atque multorum aliorum criminum reum effecisset; idque per sententiam diffinitivam seu Arrestum die 12. Septemb. Anno 1560. in Curia Gallicana Tolosæ latam: de qua facti specie memorabilem scripsit tractatum Joannes Corasius Reginus in dicto Parlamento Consiliarius, plura ejusmodi exempla refert Valerius Maximus lib. 9. cap. 16.

205 Ipse verò Binsfeldius in duodecimo præludio ac passim per discursum sui tractatus de Confessionibus malefactorum, multa profert exempla. Vel dæmon vel ipsius Christi Salvatoris, vel aliorum venerabilium virorum forma, sanctis viris expressit, ac insidiosè repræsentavit, quæ longum esset describere. Malleus item Maleficarum in secunda parte, quæst. 1. cap. II. non negat expressè, vel absolute talem transfigurationem vel exhibitionem imaginariam innocentis hominis, sed dicit eam vix dæmoni esse possibilem, tum propter Angelorum mysticam custodiam erga omnes bonos, tum propter criminis hujus incomparabilem turpitudinem ac fœditatem, tum maximè quia exemplis eam rem docentibus careamus.

206 Sanè quantum ad Magas ipsas vel Veneficas, est expeditum, quando ipsæ ad choreas vel conventusmet venire non possunt, vel nolunt, dæmonem vel amasium suum eodem cum consensu & mandato suas inducentem personas mittunt. Sed quia Apocalypseos cap. 13. dicitur, datum esse illi bestię bellum facere cum sanctis & vincere eos, & datam esse eidem potestatem in omnem tribum & populum & linguam & gentem, quidni concesserimus eidem & hoc fraudandi hostem suum stratagema? quum Pithonissa in Endor, postulante rege Saulo, suo genio quem familiarem habebat

habebat Samuelis animam excitaverit, aut veriùs dæmonium quoddam ejus forma indutum, 1. Regum, cap. 28. c. fin. §. prætereà, 26. quæst. 5. aut certè spectrum vel fantasma Samuelem repræsentans.

Tandem verò magna probationum ac persuasionum ²⁰⁷ mole hanc nostram astruere tentabimus sententiam & tot pseudo prophetarum ac hæreticorum impiis dogmatibus qui in medio Catholici orbis populo jam inde à nascente extiterunt Ecclesia, qui vel ex eventu rei quam prædixerant, vel quia venerabiles eloquio seu conversatione amabiles inter suos fuerant, multos vel ingenii viribus prævalentes, vel doctrinæ opibus excellentes, vitæque integritate conspicuos ac sanctos, etiam interdum imperii diademate, vel summi pastoratus apice præfulgidos viros in extranei erroris ac seductionis suæ pertraxerunt communionem, sicque in avita fidelubricos fluxosque effecere. Quare inquam à Deo non prohibetur ab initio doceri persuaderive id quod à Deo prohibebatur audiri? Quare Deus non præ- ²⁰⁸ scindit causas, aufert hæretici commercii gladium, & alligat impotentiae catenis autorem, per quem tam perniciosus sequitur effectus, per quem tot noxia sibi que inimica infligit & disseminat perditionis animæ vulnera zizaniamque? Sane quidem ad hoc permittit id facere Deus dæmonem, ut fidos habendo tentationem haberent & probationem. Vane ergo & inconsiderate plerique hoc ipso scandalisuntur & succumbunt, scientes & certi quod licet non abolitionis imperium; (ipse enim ad hoc creavit dæmonem & nos (militia enim est hominis vita super terram) & non ipsi nos) tamen devitandi & cavendi arbitrium in nostra haberemus potestate. Et licet in simplici aliqua earum hæresi, qui seducuntur adsit vel culpæ vel voluntatis eorum causa; in

hoc verò e mentito innocentis personæ testimonio nullæ omnino causæ vel culpæ militet communio, unde similitudine sua per totum non convenire hoc argumentum dixeris, tamen ad Dei tentantis voluntatem, dæmonisque potenti-
am quod attinet, nulla videtur esse dissimilitudinis ratio.

209 Quo circa magnam hujusce rei causam à semet profectam Deus ipse ut nos avisando doceret & instrueret per Moysen hanc adfert commonitionem: Non audies verba Prophetæ illius, inquit, quia tentat vos dominus Deus vester, ut palàm fiat, utrùm diligatis eum an non in toto corde & in tota anima vestra. Deut. 13.

210 Cujus rei egregium extat exemplum in B. Tobia ca. 2. hisce verbis: Contigit autem ut quadam die defatigatus Tobias à sepultura veniens domum, jactasset se juxta parietem, & obdormisset, & ex nido hirundinum dormienti illi calida stercorea inciderant super oculos ejus: fieretque cæcus, hanc autem tentationem ideò permittit dominus evenire illi, ut posteris daretur exemplum patientiæ ejus, sicut & sancti Job.

211 Et in eodem Tobia ca. 3. Sara filia Raguelis in Rages civitate Medorum orans & collaudans dominum. Hoc autem pro certo habeat omnis qui colit te, inquit, quia vita ejus si in probatione fuerit coronabitur, si autem in tribulatione fuerit, liberabitur, & si in corruptione fuerit, ad misericordiam tuam venire licebit: hætenus textus illi, huic confectarium est id, quod dicit B. Paulus cap. 5. ad Roman. Gloriamini, inquit, in tribulationibus, scientes quod & tribulatis patientiam operatur, patientia autem probationem, probatio verò spem, spes autem non confundit, quia charitas Dei diffusa est in cordibus nostris per spiritum sanctum qui datus est nobis.

Quod

Quod itaque Deus permittit voluntatem, seu liberum hominis arbitrium ita tentationibus abripi, ita in periculum animæ ac perditionis suæ trahi tentationem, nisi tentata taliter Catholica ovis vigilans, constans, immobilis, & cauta citò ad præmonentis Moyfi præcitata parænese respexerit, ac prophetæ pseudopastoris illius averfata fuerit eloquia (quemadmodum idem Tobias ad eos qui patientiam ejus & in bono perseverantiam irridebant ac increpabant eum. Nolite ita loqui (inquit) quoniam filii sanctorum sumus, & vitam illam expectamus, quam Deus daturus est his, qui fidem nunquam mutant ab eo) quantò magis patietur dæmonem vestimenta, voces, facies ac gestus piorum affabricare & supponere, ut eosdem in tentationis laqueos inducat, sed nequiquam disperdat. Quod si in simplici hæresi, & sic liberæ voluntatis arbitrio Deus non patitur quenquam tentari supra id quod potest, sed novit in tempore de tentationibus eripere.

Quantò magis offensam vel scandalum hoc maleficiale hominis innocentis præter vel extra omnem voluntatis ejus assensum inimico practicante datum, remediabitur in tempore, innocentiamque ad manifestationem gloriæ suæ revelabit Deus omnium bonorum & malorum æquus retributor. Agite ergò non dicamus cum Pharisæis & Judæis, nonne potuit hic (intelligunt Christum) qui aperuit oculos cæci nati, etiam facere ut non moreretur Lazarus? Joan. II. Sic etiam innocentes quoscunque & justos suos ut pupillam oculi præservare ne perditionem hanc vel discrimen incurrant maleficialis suspicionis? Sed potius dicamus cum Christomet ibid. Joan. ca. II. Infirmitas hæc, puta maleficialis, non erit ei in mortem, sed pro gloria Dei, ut glorificetur filius Dei per eum. Et paulò post: Nonne dixi tibi, si cre-

si credideris, videbis gloriam Dei : & haud absolum fuerit credere multos qui de reversionibus talibus Judicium malefactorum ut eriperet eos Deus, promeruerunt, post in tanto luculentioris fidei & gratiæ perfectionem ac observationem abiisse, confirmatosque ut sanctos obiisse.

214 Ut itaque hanc in Dei nomine conceptam ad praxin concludamus quæstionem primam. Et si transfigurationes eas innocentium demus, rariores tamen eas in subiectum per se non adeo de pravatum vel notorie criminofum esse putabimus (justorum quippe non proditor sed protector Deus est) quam in maleficas, & in alios extra divinæ charitatis gratiam notorie existentes personas delatas, proinde iudicium in hoc prudentia & discretio summè ac sanctè versabitur, qui circa comprehensæ personæ anterioris vitæ acta atque indicia alia qualiacunque diligenter inquirent, & eadem quam diligentissimè advertent, famæ comprehensæ ac delationi complicitis maleficæ (quod eam in cœtibus saltantem, & instar aliarum cum suo amasio conversantem ac inde avolantem viderit) testantem ne quid minus tribuant, sed ea quæ de probationum conjunctione ac iudicantis religioso arbitrio passim Doctores inculcant & tradunt, uti Dei & hominum ministri præ oculis fixè habeant.

215 In secunda quæstione erat aperienda illa differentia, quæ est inter veterum gentilium & paganorum religionem ac ritus (qui licet solem, lunam, aurum, argentum, aliasque creaturas adoraverunt, aliaque multa fecerunt, atque etiamnum faciant, quæ vera opera sunt diabolica & magorum, tamen quia illi professionem Deo nostro vero, æterno ac soli omnipotenti nunquam fecerunt, sed à parentibus maioribusque suis ac sacrificiis aliter non sunt instituti, sicque in ignorantia puræ negationis versantur, ideo veniam vel apud

pud Deum, vel apud magistratum merebuntur, suppliciumque ignis non experientur, si devotè se ad poenitentiam composuerint, ac Deo adhæserint nostro, quemadmodum in Jona Propheta dicitur in cap. fin. in fin. hisce verbis: Et ego parcam Ninive civitati magnæ in qua sunt plus quam centum viginti millia hominum, qui nesciunt quid sit inter dextram & sinistram, & jumenta multa.) Necnon nostri hodie temporis in Christianismo maleficarum ac sacrilegorum professorum ritus ac abominanda exercitia, qui etiam poenitentes & conversi sententiam ignis nihilominus excipiunt, idque propter pactum ac de composito cum dæmone factum detestabile foedus, in quo miselli multum decipiuntur, nihilque minus quam fides data per ipsum servatur.

Cæterum quia ad finem hujus nostri laboris properamus, ideo unam adhuc quam didici magni illius Dionysii Carthusiani propheticam ac verè Catholicam esse sententiam, subnectere libuit: quâ, quantum in omnibus, tam bonis quàm malis hominum liberis actionibus, divinæ omnipotentiae secretam ac prædestinatam voluntatem, sapientiam, ac inperscrutabilem deitatem humanitùs arbitrari, scitari, & æstimare liceat, perspicuè & docetur & explicatur: Is enim lib. suo de divinis nominib. dicit, ac luculenter probat, in mundo nihil non bonum esse, nihil humanitùs fieri, quod non sit vel per se vel relatione bonum, quamvis aliud alio sit melius, hinc Job. cap. 5. nihil in terra sine causa fit, & de humo non egreditur dolor.

Ipse enim Deus, salvator noster splendor paternæ gloriæ, expressaque imago substantiæ illius, naturæ totiusque universæ est opifex, ab illo singulis creatis vivifica virtus infusa est, hoc est per eum unumquodque, genuina sua vi

subsistit, insitâque facultate se protegit ac tuetur, qui etiam secreto encomio suo voluntatem gloriæ ac majestatis suæ in veritis, injustis, ac ab ipsa natura dannatis hominum actionibus subinde ita exequit ac dilatat suam, atque ex venenatis noxiisque herbis (creaturis suis) salutaria pharmaca & theriacæ conficiuntur per medicos, qui immedicabilibus hominum morbis, sunt utilissimæ ac necessariæ. In
 218 quem usum hosce aliquando concinnavi versus:

*Regnat in humanis divina potentia rebus,
 Iupiter est quodcunq; vides quocunque moveris
 Fortè nil est, medio posuit Deus omnia campo,
 Omnia secreto majora, minora gubernans,
 Cujuscunq; rei sua causa per omnia lustrans
 Omnia plena bonis, plena omnia miraculorum
 Invisibiliter, tamen alta in luce videmus
 Cuncta creata hominû mediantia signa saluti.*

Et hoc idem metricè ita expressit Boët lib. 3. de consolat.

*tu cuncta superne
 Ducis ab exemplo pulchrum pulcherrimus ipse
 Mandum mente gerens, similiq; in imagine formans.*

Jam tandè ut eò undè digressi sumus nostra redeat oratio,
 219 operique finem imponamus; illud in primis memoria libet repetere: naturalem divinationem esse rerum futurarum, præteritarum vel præsentium anticipationem, quæ nihilominus occultæ sunt in cognitione causarum. Multa enim videmus oculis, & manibus nostris palparamus, quorum manifestam causam reddere, aut etiam nominare non possumus: & nihilominus illa verissimè ita ut videmus & tangimus ita se habere credimus, prout has inde à creatione mundi ordinavit Deus; Deus qui prima æternaque causa est, & à qua omnia æternaliter & immobiliter dependent.

Cum

Cum enim omnes tam Christiani quam Ethnici principium & originem rerum omnium visibilium & invisibilium, sine alio modo Deum statuunt, qui dixit & facta sunt, potentiam cum voluntate in virtute actionum omnium ita conjungens, ut ea omnia quaecunque & dicit & facit nihilominus jam inde à creatione mundi in angelos suos, hoc est spiritus ministeriales sive bonos sive malos distribuerit, quorum operâ res omnes creatas instaurat, destruit, fovet, diruit & ædificat. 220

Unde si quando Deum efficientem causam formare, vel materiale mundi, actionumque omnium quæ in mundo sunt, dicimus, id de ministerio spirituum vel intelligentiarum, quæ ad has res & creatæ & destinatae sunt, intelligendum. 221

Piè igitur & firmiter est credendum, Deum, qui omnibus rebus creatis suos angelos (quos intelligentias vocant) præfecit, etiam elemento aquæ suum spiritum ministerialem, tanquam clientem addidisse, per quem omnia quæ circa hoc elementum vult, compellat, agit & exequitur. Nam & quod cœlos moveri cernimus, cœlestiaque lumina, id angelorum fit ministerio, qui propriè dicuntur angeli. Ergo non mirum si Deus ter opt. Max. per virtutes cœlestes, hoc est, impressiones spirituum suorum vel angelorum multarum rerum mirabilium sit & effector & autor, idque invisibiliter, ac nobis ignoto planè modo. 222

Quocirca si hanc aquæ probam probè ac sine furo, certoque ac patenti temporis spacio factum in divini mysterii & voluntatis ejus partem in solidum ponamus, pleneque confidamus, neque ambigamus quicquam, sanè propter causas supra passim positas, non modò necessariâ, 223

sed & meritoriam eam fore considerem: nam impietas, tepida confidentia ac mobilitas fidei nostræ, miraculorum insolentiam vel raritatem à Deo apud nos est causata, qui omnipotentiam voluntatis ac gratiæ suæ interdum reprimis, & celat nos hodiè, ne causam majori inquinationi ac perditioni nostræ dare videatur, qui præcoci ac immaturâ sensibilitate nostrâ nitimur, sicque dæmonem magis, quàm Deum devinctum ac addictum nobis potiùs habemus. Sanè apud Israëliticum olim populum major erat perpetuæ ac inextinguibilis confidentiæ ardor in Deum quàm hodiè apud nos est, hinc illorum tot miraculosa victoria, hinc tot virilis constantia, mulierum heroica ac divina facta, hinc gentilium paganorumque strages, hinc spirituum bonorum vel geniorum miraculosa ac frequentes illius temporis visibiles & invisibiles apparitiones ac in bono proposito ad bonos succursus ac auxilia: ut in Tobia, Apocalipsi ac aliis pater quàm plurimis exemplis.

224 Sin verò hanc probationis potestatem ac arbitrium perficiendi ad dæmonem referamus; tunc licet aversâ ac infidâ id intentione faciamus, nempe quod sit proditor pacti & fidei maleficæ datæ, ac desertor ejus quam protegere suscepit ac defendere. Idque totum nihilominus permissione divina factum dicamus: tamen quia detractionem aliquam vel imminutionem divinæ majestatis, quasi per quandam concomitantiam impingere vel etiam populo imprimere videmur, sicque gradum seu initium ad idolatriam, ad aversionem à Deo, ad superstitionem includimus, ac paulatim ad infidelitatem præmonstramus, seu quasi cordibus plebeiorum instillare videmus, qui propter pusillitatem ad quascun-
que

que rerum adversitates de gradu ac constantia fidei facilius dejicientur, vel in ambiguo collocarentur, incautiùs fortè ad hujus versutissimi hostis scholam ac institutionem dilaberentur, si hanc ipsi abjiciamus demergendi vel supervehendi auctoritatem.

Nam horrendæ omnes idolatriæ inde omninò pro- 225
venerunt, quòd relictus fuerit Deus, bonorum acceptorum honos exhibitus, actæque gratiæ, soli, luminibusque cælorum, tum propter efficientiam aliquam rei miraculosæ vel occultæ spiritibus aëris, postremò & inferioribus creaturis.

Præsupposito itaque eo, (quemadmodum ex veri- 226
tate scripturæ verè est præsupponendum) quod Deo ter opt. Max. rerum omnium creaturarum opera sive bona sive mala sint attribuenda, & quidevit fit, id ejus nutu, illius & suorum potius angelorum factò ac opera peragi: quin potius etiam hoc Magistratus factum ac in qua tentamen ad ejusdem Dei ac illius angelorum efficientiam naturali illis planè & prædestinato modò unicè & insolitum referamus. Quæ sententia propiùs ad veritatem tendit, remotiùs à peccato, ac remotissimo à periculo recedit.

Hæc igitur satis futura esse censemus ad demon- 227
strandum naturalem hunc modum quo illud quod scire cupimus, intelligimus, ac jicitum & à Deo institutum agnoscimus: meliùs sanè ac tutiùs; si ad ipsum, non ad alias res creatas honor & laus coram omnium nomine referatur, sive futuris rebus abditisque cognoscendis, sive efficiendis aliis incumbamus. Nam quatenus in causis naturalibus (quamvis latenter ac imperitis ferè incredibiliter) hic modus probandi consistit, eate-
nùs

nus licebit (quemadmodum & cœlestium luminum ac impressionum virtutes) perquirere, & in eodem versatur gloria Dei, qui per creaturas suas res tam facit admirabiles.

228 Sin verò naturaliter indagari non poterunt, vel ad dæmonem talium rerum virtutes deferimus, tunc si studiosius scrutari intendimus, in superstitionis laqueos, ac confusionis fidem incurrimus: hoc etenim modo videtur pactum implicitum ac præter intentionem cum dæmone haberi, quod is ex antecedente aliquo sibi præconcesso ac attributo, ad consequens minus prævisum, imò & de jure minus consequuturum fortè pervicaciter nihilominus extendit & decipit.

229 Wilhelmus Adolphus Scribonius Marpurgensis tractatum scripsit & edidit anno 1588. Marpurgi typis Pauli Egenolphi luci datum. Is in 2. lib. de inquirendis per certa signa & rectè cognoscendis, examinandisque sagis dicit, hanc super vel innatationem sagarum ex sathanica quadam provenire levitate & causa scilicet efficiente, quod sathanas justissimo & imperscrutabili Dei judicio sua levitate attrahat, tollat retineatque sagas in alto aut superficie aquarum: est enim natura ejus quam levissima & aërea plus de aëre quàm de aqua participans, unde in aqua velut in elemento graviore crassioreque sagas elevet & sustentet, illis subjacens, & ejus quasi in dorso gestans, vel etiam eas ob inhabitantem illum corporib. suis spiritum levissimum non submergi, totum illum in omnibus sagarum partibus in habitare, ideoque illius etiam levitate eas in aquis retineri, non quæ hypostatica unione aut mixtione physica illorum naturæ quantum
ad

ad interiorē constitutionē attinet, coadunata esset, sed quæ illi saltē adjuncta esset à præsente sathane: cacadæmon ergò substanti aliter sagis diffusus eas retinet, quantum scilicet ad ipsum spiritum, qui sine sua essentia eas inhabitat, non quantum ad substantiam partium corporis sagarum, levitas ergò ea non est quæ à forma corporis immediatè provenit, sed adventitia, externa, aliundè accedens: Et paulò post idem Scribonius: Sagæ à sathana, inquit, ceu lictore Dei omnipotentis singulari quadam levitate retinentur, ne aquis submergantur.

Quoniam verò lictor Dei & famulus est, potest id ²³⁰ tantum expedire, quantum Deus iudex justissimus, cū jubet, & cuius potentiam illi tribuit, ut videat ipse sathan nullam sibi esse potestatem condonandi seu remittendi peccata, vel potius eos divinitus servandi quos velit, sed solum servitium sibi relinqui, quo Deo in puniendis sceleribus subministret.

Non potest itaque, etiam si maximè appetet inson- ²³¹ tes submergere, quia Deo contrarium hoc esset iudicium, ut insones periclitarentur ob ea quæ non commississent. Longè siquidem credibilius est, inquit, de permissione & beneplacito Dei in sagis per cacadæmonem puniendis, & de ipsius cacadæmonis potentia, quæ semper eatenus quibusdam ligata sit, ne ultra terminos à Deo præfinitos quicquam facere queat.

Quid porrò si illis omiſſis dicerem, Deum ipsum ²³² sagarum, quas scilicet verè reas esse novit, corpora singulari quadam, & specifica levitate inducere, quā in superficie

ficie aquarum ferantur, inde certè non sequeretur Deum ab operibus creationis non cessasse. Ita enim prædisponere potuit, ut si quæ sagæ futuræ sint, speciali quodam modo in aquis nequaquam submergi debeant. Utrùm verò hoc omnipotentia divinae contrarium esse dicetur? utrùm etiam voluntati? quia non expressè significatum est in sacris literis? minimè. Et paulò infra: aqua scilicet sagas in se ferre non potest: quomodo verò & quam
 233 ob causam? Nempe Deus opt. Max. suo prudentissimo & iustiss: iudicio ab omnib. inde seculis elementum aquæ prædestinavit salutari regenerationis hominum lavacro, ut qui à peccatis abluendi essent, & Christi Ecclesiæ initiandi, hujus Baptismate uterentur, & per hoc medium novi homines facti quasi per januam in Christi regnum ingrederentur, qui prius rejecti fueramus. Quandoquidem inquam, Vatiniano quodam odio eas accusat & rejicit, ut si maximè pro viribus tentent, non tamen submergi possint.

234 Et quodnam est illud odium? aquæ Deo placuerunt, quibus usurpatis peccata hominum ablueret atque purgaret; in baptismo Christo Dei filio nomina nostra primum damus, & ejus albo incorporamur, adeoque in civitatem Dei ut germani cives recipimur: ideoque omnes qui salvi modò fieri volunt, sacrae huic baptismati immergi ac purgari oportet: at sagæ freto isto divino lavacro toti Trinitati, Deo patri, filio & spiritui sancto, scientes volentes renunciant, & nihili de creatoris opera, nihil ordinationes & creaturas facientes peccatores & apostatæ omnium aliorum fiunt pessimi. Cum autem hoc scelere in toto mundo nullum scelestius unquam definiri aut reperiri possit, quid dubitem dicere? si sagæ non submer-

merguntur aquis, id fieri ob peculiarem istam antipathiam, videlicet quòd elementum aquæ nolit illas intra alvem suam recipere, sed omnino respuat, & omnibus modis fugiat, hunc scilicet in finem, ut peccatrices ejusmodi manifestentur Nam & creaturæ inanimatæ servant prædicationi & gloriæ nominis divini, ut scilicet coeli, ita quoq; elementa enarrant gloriam Dei, tum alias, tum in hoc si peccatū & injustitia ab illis revelata puniatur; aqua in baptismo est sacramentum, est signum, est sigillum initi inter Deum & hominem baptizatum novi fœderis. Quidni igitur eodem modo signum aut indicium esse possit dissoluti illius & fracti iterum fœderis? Et hanc rationem sive causam facilius dixerim esse verissimam, ut si aliæ nullæ admittendæ videantur, una tamen hæc recipienda sit. 235

Hæc ferè sunt, quæ Scribonius de hac aquæ probatione edisserit, cujus verba certo ducti consilio ad sensum libuit integrè ascribere, ac ad finem hujus operis nostri apponere, quia in ejusdem fine id manus nostras is autor primum venit. Planè quod is de lictore vel ministro Dei dæmone in hac purgatione adhibito, sentit id ex causis supra proximè attractis, neque Catholicæ nostræ religioni tutum erit per omnia concedere. 236

Nam etsi minimè id impiâ vel malitiosâ, ætas fortè nostra sic teneret intentione; tamen quia per communionem illius mali hospitis, is applausum ac benepacium aliquod ex hac delatione nostra in semet falsò concipere, deludere, ac latenter vel occultè paulatim seducere incautum populum post aliqua fortè secula posset, & sibi creatoris sui virtutem attribuere vellet, quemadmodum in superbia potentiæ ac gloria regnorum suorum

rum Pharaō Rex Aegypti dixerat : Meus est fluuius, & ego fecimetipsum. Ezech. cap. 29.

238. Quò itaq̃ue hanc probationem ab omnibus fallaciarum involueris ab inconcessis dubitationum tricis liberam purgatamq̃ue reddamus, ac securiorem viam ingrediamur, in priori nostræ conclusionis parte censemus tenendum circa hujus aquatilis purgationis examen, quæ de mandato ordinarii magistratus procedit, ullum esse factum nullum ministerium, neq̃ue operam ullam dæmonis, sed Dei omnipotentis solius per suos ministeriales bonos angelos id exequentis.

239. Ad alteram conclusionis partem de iudicio ac sentimento animi nostri (in initio quippè hujus capitis bicipitem concludendi viam promiseram) quod attinet. Sanè propter arcanam atq̃ue excelsam minis hujus rei constitutionem, veritas etiam comprehensa tortè, ægrè tamen apud quemvis defenditur, difficilius retinetur, ac licet sæpè holitor sit oportuna locutus, tamen multum intererit Davus ne loquatur an heros, ideò ne scientiæ vel sensum altitudine potius, quàm exercitii Christianæque charitatis pondere hæc scripsisse videar potius, totum dependere me à S. matris Ecclesiæ autoritate profiteor nihilq̃ue quod eidem in ullo adversetur, determinatæ multò minis obstinatè defendere velle.

240. Illud tamen ad extremum identidem ac sincerè omnes iudices ac Magistratus commonitos volo, ut hanc aquæ probam (quatenus per superiores liceat) non modò temerè ac sine summa causâ non adhibeant, sed etiam in ea exercenda, prudenter ac sollicitè advertant, ne quid fraudis fuci vel imposturæ committatur. Item ad corporum mergendorum constitutiones ac sexum,
item

item ad flumina medica vel physica prudentia doctè attendant. Adsitque spaciū omnino competens ac dilucidum, quo & Judicibul (quos in rem pæsentem venire, ac non tantum obulis id quod agitur subicere propriis: Sed etiam carnificem officio authoritatis suæ severè conveniet admonere, ut probè ac dextrè, si neque dolo & fraude rem hanc exerceat:) & quibuscunque circumstantibus omnis recta rectè dubitandi occasio eximatur supernatioque hæc præter naturalis evidentissimè ac singulorum oculis pateat infallibiliter, præstaretque eam majori, quàm hactenus est factum fortè reverentia, attentione ac devotione peragi, prout suprà de sorte diximus.

Tandem verò quia tota perditæ hujus artis actio 241 mirè est tenebricosa (dùm sæpè quo minimè credis gurgite piscis erit.) & alioquin per se meritò misti fori esse perhibetur. Ideò tutius sentiendum mihi tutius verifandum Judicibus circa hanc probationem, tum & circa totam inquisitionem hujus ludibrii existimaverim, si & seculares, Ecclesiasticos, & vice versa sibi adjungant, saltem ætate, vitæ commendatione ac prudentia judicandi venerabiles & discretos viros, absque tamen confusione Jurisdictionum ac potestatum.

Unicum semper fuit præsidium piis, & tanquàm 242 sacra anchora in summis periculis oratio, quæ est pia & ardens mentis ad Deum elevatio, ac quasi quoddam cum Deo colloquium, quæ bona sunt precantis, & quæ sunt mala deprecantis. Ideò Josaphat dicebat, ut habetur 2. Paralip. ca. 20. Cùm ignoremus quid agere debeamus, hoc solum habemus residui ut oculos nostros dirigamus ad te. Inde memoriæ proditum est, quum M.

Antonius cognomento Philosophus, bellum adversus Marcomannos & Quados gereret, Romanusque exercitus ardore ac siti laboraret, ad eum consilii planè inopem præfectus prætorii cohortibus venit, ei que fertur dixisse: nihil esse, quod ii qui Christiani nominantur, precibus impetrare non possint, habebat autem in exercitu legionem unam Christianorum militum, quâ re cognitâ, M. petiisse ab iis, ut Deo suo supplicarent, quod cum fecissent, Deum eos exaudisse subito, percussisseque hostes fulmine, ac Roman. pluvia recreasse, Romani ad Christianorum preces largo imbri per Christi nomen impetrato, omnes in cælum suspexere, ut non minùs hoc miraculum oculis animisque haurirent, quàm sitibundo ore aquas; deinde scutis galeisque subjectis sorberent largiter, equisque ad hibendum darent, interea crebri fulminum ignes aqua & grandine missi tantum terrorem barbaris injecere, ut ejus belli victoria præter spem penes Romanos esset, certè tantæ miraculo rei attonitus Marcus edito, Christianos honore effecit, ipsamque legionem ad perpetuum monumentum kerainobolon appellavit. Epitome Xiphil. l. Dionis in M. Ant. Capitol. in Marco.

- 243 Quando itaque quilibet timoratus & prudens judex, tum & quicumque alius harum rerum lectione vacans, prudenter intelligere potest, quot judicium & censura hæc deceptionibus ac errorum tricois subjecta esse possit, quot molitionibus ille se impostor insinuet facile, quo aut reum eximat, aut infontem judicio implicet, adeoque judicium interdum infidietur animis, ut illi timeant ubi non est timor, non timeant ubi timore opus sit, quibus omnibus omnipotens Deus cujus & causa agitur imploratus & mederi vult, & accurrere non tergiversatur, ideo

ideo hanc orationem exempli saltem gratia ad calcem hujus operis subicere placuit, quemadmodum in Actis Apostolorum in fine capitis primi constat esse factum.

ORATIO.

JESU Christe, Deus meus filii Dei vivi patris nostri omnipotentis, te in functione hac justitiæ tuæ uti ducem, patronum, ac Imperatorem ejusdem suppliciter adoramus, ac in testimonium omnis tibi compertæ veritatis humilime contestantes imploramus, coramque te asserimus, quod hanc quam præ manibus habemus aquæ probationem, neque in ullius legis prævaricationem neque in majoris vel minoris Magistratus seu potestatis ullius contemptum, neque temeritate vel levitate consilii proprii, neque inscrutationem vel tentamen majestatis gloriæ tuæ, sed de mera necessitate, in hoc genere summi ac occultissimi delicti mobilitateque conceptarum probationum assumamus vel exercere intendamus.

Te itaque, quem sanctorum patrum testimonio, ac sacræ paginæ historia testante taliter ex fide invocatum dubiis sæpè rebus affuisse, veritati que latenti lucem splendoris tui in confusionem omnium inimicorum tuorum impartivisse didicimus, in virtute sanctæ obedientiæ, conscientiæ ac officii nostri tremebundo ac venerabundo prorsus affectu lesflagitando imploramus, confirmare digneris super hanc creaturam manifestationem gloriæ tuæ, & fortis ultor domine Deus reddens retribue, ut si rea sit perduellionis læsæque majestatis tuæ, fidem abjurata ad inimicum & hostem nominis tui fœdifraga deflexerit, te juvante, qui solus potes omnia, elementum hoc tuum aquæ respuat, aversetur,

ac non ferat eandem, naturæque suæ oblitum supra se ut plumam elevet, neque ut solet demersionem patiatur circa illum aquæ lavacrum regenerationis & oblatae salutis despicens, hostilibus persuasionibus & imposturis locum dans, pactum abruptit, & ad deos abiit alienos, quocircà ad ignem sit condemnanda. Ediversò verò, si vel falsis criminationibus oppressa, vel passione errorum detenta fidem datam à te non dimovit, neque ad hostium castra confugit, sed sacrum illud character in baptismo illi impressum inviolatum adhuc tenet, licet nobiscum aliàs infirma sit peccatrix, judiciumque ultionis sit demerita, tamen in virtute justitiæ (misericordiæ tuæ dulcore semper temperatae) te, in nomine tuo, tuique ipsius gloriæ, ea quâ humanitùs est possibile devotione & attentione exoramus. Confirma hac in parte innocentiam ipsius, neque cæterorum erratorum intuitu hoc loci vindictam adversus eam adsumito, sed patere, satage quæso, ac placere tibi modis omnibus exoptamus, omnipotens ac æterne Deus, ut elementum hoc tuum judicium sit hujus occultissimi reatus ac ruptæ fidei adversus te detegendæ manifestum. Id quod non solum fuerit pro magno revelamine & adminiculo hujus detestabilitatis agnoscendæ omnibus in officina judicandi existentibus in nomine tuo, sed etiam confusionem sicque terrorem pariet maximum, ne seductioni huic ac tentaminibus hostis locum dent in posterum, dùm diffidationem illam quam contra te fecerunt dæmoni in secreto publicè compertam, ac in facie totius populi contestatam esse norunt apertò. Tandem verò, justissime pariter ac misericordissime Deus, qui super multa & magna Israëliti tui populi peccata olim multum sæpè indignationem concepisti. Inprimis verò ad hoc maleficiale crimen eorum super omnem furorem ex-

can-

candescens conturbatus es, benedictionibusque eorum ea propter maledixisti cumprimis (cujus quidem per temetipsum ratio est tradita 1. libro Reg. cap. 2. Si peccaverit vir in virum, placari potest eis Deus: si autem in Deum peccaverit vir, quis orabit pro eo, quia honorantem me, ais, honorabo, & contemnentem me exponam contemptui.) Ideò mitte quæso, mitte ventilatores in medium degenerantium sagarum ac maleficarum omnium majorum & minorum, qui ventilent, perquirant, & dissipent illos, adveniat tempus ultionis eorum, & vicissitudinem ipse retribuas ipsis, contere eos tanquam vas figuli, & confringe eos, operiat ignominia facies eorum, qui venerunt alieni super sanctificationem domus tuæ, qui contemnentes semetipsos, gloriam & hæreditatem nominis tui in abominationem posuerunt, & cum idolis contaminaverunt, qui ad irritandum te sacrificaverunt Baal, & libaverunt diis alienis, dicentes ligno: pater meus es tu, & lapidi, tu me genuisti, qui ad te verterunt tergum & non faciem, qui dereliquerunt fontem aquæ vivæ, fodientes sibi cisternas dissipatas. Obstupescant etiam cœli desuper, quia non timuit fornicatrix Juda, sed abiit & prævaricata est etiam amplius, facilitateque fornicationis suæ contaminavit totam terram, & mœchata est cum lapide & ligno, prosternens se sub omni ligno frondoso ut meretrix, & in omnibus his non est reversa ad te in toto corde suo, sed in mendacio induravit faciem suam super petram, jurans in his qui non sunt dii, & mutans gloriam suam in idolum. Non permitte domine illum devastatorem diutius obtenebrare & persequi regnum tuum, non patiare illum bonis adeò insultare cordibus, confringe catenis impotentiae libidinem ipsius, tibi vindictam, & tu retribue. Nos opus manuum tuarum, duc nos in viam mandatorum tuorum

rum, doce nos justitias & judicium tuum perfice de manu nostra, suscita ergo & extimula spiritum omnium magistratuum in detectionem & detestationem omnis hujus impietatis generis, fortis ultor domine exercituum reddens retribue, pone in pondere judicium & justitiam in mensura, subvertat grando tuus spem mendacij & protectionem eorum, aquæ invadent & deleatur fœdus eorum cum morte, & pactum cum inferno non stet amplius, ut & omnis Israël timeat & nequaquam ultra faciant quicquam hujus rei simile. Consecrentur manus nostræ in ultionem hujus detestabilitatis hodiè, unusquisque in filio, in fratre, in proximo ac vicino suo, ut detur nobis benedictio tua. Tunc timentibus & venerantibus nobis in omni tribulatione & angustiis nostris nomen tuum, orietur nobis sol justitiæ, & sanitas in pennis nostris, egrediemur & ingrediemur, & saliemus sicut vitulus de armento, & calcabimus impios cum fuerint cinis sub planta pedum nostrorum, occupabit salus muros nostros, in pace & abundantia possidebimus filios nostros, inebriabimur ab ubertate domus tuæ, & torrente voluptatis potabis nos, quoniam apud te est fons vitæ, & in lumine tuo videbimur lumen filii hominum in tegmine alarum tuarum sperabunt, & tu domine exercituum spem nullius irritam esse fines. Tunc benedicent omnes terræ dominum, laudabunt inimici domini dominum exercituum. Tunc misericordias domini in æternum cantabimus, in generatione & generationem annuntiabimus, in generatione & generationem annuntiabimus veritatem in ore nostro, &c.

Amen.

Gui-

Guilielmi Adolphi Scribonii Epi-
stola de Purgatione Sagarum super aquam frigidam
Projectarum.

CUM die vigesima quinta Septembris, Prudentissimi & Doctissimi Consules, ad vos Lemgoviam venire: biduo post, die Veneris videlicet proximo ante ferias Michaelis anni hujus currens 1583. tres Saga sive Venefica ob plurima & nefanda à se commissa peccata, Senatusconsulto extra urbem ignis flamma occisa fuerunt: ejusdemq; diei vespere tres alia protinus, quas illa priores magistratui seu socias, & sua factionis consortes indicassent, à lictoribus comprehensa, & carceribus mancipata: sequente autem die circiter horam pomeridianam secundam ad explorandam rei veritatem ante portas urbis in aquas projecta fuerunt, ut videretur, num submersum nec neitura essent. Nempe pedibus manibusq; ligata, & vestibus prius exuris hac ratione vincta erant, ut dextri lateris manus sinistri pedis pollici, & vicissim sinistra manus dextro pedi arctè colligaretur, ut ne minimum quidem se aut corpus suum movere possent. A carnifice deinceps in flumen, millenis aliquod hominibus aspectantibus, & singula quidem vice tertia conjecta ei instar trunci alicujus lignei innatabant, nec ulla earum submergebatur. Et quod miretur aliquis, cum è carceribus per civitatum singula ad dictum examinis locum in singulis carris eveherentur, pluviosa admodum tempestas jam ante orta, quamprimum, eo ipso fere momento quo Saga ista aquas contingerent, remittebat, adeo, ut dum illis supernatarent, ex improvviso Sole splendente cælum omninò esset serenum, Iis autem denno extractis subito iterum plueri encipiebas.

Huic ego spectaculo cum interesssem, rei visa novitatem summopere admiratus, utpote qua in aliis Germania partibus vix audita esset: de examinis ejusmodi causis & rationibus novisse aliquid cupiens, nihil certi rescire potuit, sed dici tantum intellexi ex observatione quidem nonnullorum populorum hanc præterita æstate consuetudinem introductam esse, ut si qua sint Saga aut Venefica, vel saltem artis & societatis illarum ob antegredientem quandam revelationem suspecta, ea prædicto modo examinentur, & qua aquis su-

pernatent, nocentes putentur, quæ verò submergantur, libera & insontes scelerisq; pura credantur: nec tamen ullam hujus judicij sufficientem causam dare posse.

Vehementius itaq; rem indies demiratus cogitare cepi: an Physica aliqua & naturalis ratio hujus præsertim rei, quæ humano consilio atq; judicio excogitata introductaq; fuisset, inveniri & describi posset. Idq; eam maximè ob causam, quod vos prudentissimi & doctissimi Consules, præsentib. aliis consularibus à me peteretis, ut quid mihi hac de re videretur, significare, & vobis descriptum communicare vellem. Pateor itaq;, nec enim negare possum, rem hanc esse stupendam, & plurimum admirandum: non autem ejusmodi actionem esse puto, quam mente nostra haud comprehendere queamus. Quamobrem etiam meam qualemcunq; sententiam, minus gravatè pro ingenii quod in me est tenuitate annotare volui, aliis eruditioribus occasionem præbitorus, ut illi propositam questionem caput hominis & vita discrimen concernentem, melius meliusq; perpendere & declarare studeant.

VVierus Philosophus Medicus libr. 6. de præstig. demon. cap. 7. hujus consuetudinis mentionem faciens, eam nihili faciendam, & cenuræ sive indicationem sæpe fallacem contemnendam esse concludit. Nullis autem quæ videam certis argumentis sententiam suam tueri & defendere potis est. Negq; ullum quoq; speciale in eo cap. proponit exemplum, quo testetur hanc Sagas cognoscendi & probandi experientiam fallacem & incertam esse. Quamobrem VVieri testimonio nemo satis arguere poterit rei quam explicamus futilitatem & incertitudinem.

Præterea ante VVierum Iurisperiti quidam veteres, id quod te in primis Claris. & Doctis. Domine Cothmannæ mihi monstrante, è lectione illorum observavi, ejusdem rei mentionem fecerunt, sub titulo vel nomine purgationis per aquam frigidam. Cuiac. in com. 2. super lib. 1. de Feud. Gerh. Nigri hoc judicium aqua frigida definiunt, indicans hoc in Longobard. prius usitatum, sed denno exolutum fuisse. Iodocus insuper Daumhonde. Brugenf. in rerum crimi. praxi cap. 43. Eodem, inquit, pene tempore & alia purgationes & vulgares fuere recepta quibus à præsumptionibus & suspicionibus diffamati & delati purgabantur. Nempe cum candens ferrum vola manus compresserant, aut cum super ignito ferro nudis plantis incescerant, hisve similia: de quibus purgandi formis multa donata sunt à principibus privilegia Flandria. Porro Gandensibus civibus à Comite Flandria indultum privilegio fuit sese purgare aqua frigida, &c. Earundem purgationum meminit Didacus Covarruvias à Leyva Toletanus Archiepif. Hispan. lib. 4. cap. 23.

Philarchus insuper refert in Insula Ponto genus quoddam esse hominum, qui propemodum omnes artem norint Magia illicita & praternaturalis: eorumque indicium esse imaginem in altero oculo equinam, in altero autem gemina pupilla, qui nulla ratione possint in aquis submergi, ut maxime pluribus etiam vestimentis aggraventur & onerentur. E quo cognoscitur in Ponto quoque usitatam fuisse consuetudinem purgandi Sagas per aquam frigidam. Et alii plures eandem purgationem de scribunt. Sed verbotenus tamen illi definiunt potius, quam vere interpretantur, qua de causa hac maxime purgatio adhibita sit. Nulla enim Catholica sive constans aut firma ratio additur. Equidem vero quod vidi diligentius perpendens censeo, si nec ego, nec VVierus: nihilominus tamen alios forsam causam aliquam purgationis invenire posse. Quod enim hominum logica intelligentia subiectum est: ejus quoque causa aliqua, si non omnino certa, attamen probabilis inquiri potest: qua etiam, si certa desit, mens humana acquiescere solet. Sagarum vero illud examen humano consilio judicioque introductum est. Ergo non dubium, quin certis de causis & argumentis excogitatum fuerit, ut maxime prisci illi autores ista suis descriptionibus non addiderint.

Omnium proinde Academicorum Peripateticorumque Philosophorum unanimis & concors hac sententia est, leuta ferri sursum, & superiorem queng locum petere: gravia vero deorsum ferri, & inferiore semper loco pro suapte natura gaudere. Vnde fit, ut vel maximum lignum propter raritatem essentia, quam levitas consequitur (omnia enim rariora sunt quoque leviora) aquis supernatet: lapis autem, sive plumbi portio vel minima, ad fundum feratur. Ex hoc igitur fundamento physicornum proposita questionis sententia deducenda & concludenda videtur: quare videlicet Sage potius, quam alie mulieres super aquas ferantur, nec submergantur. Atqui objecerit quispiam, opinor, protinus eandem esse & materiam, & formam corporis Sagarum, que sit aliarum foeminarum: easdemque qualitates à primis ortas, quo ad levitatem & gravitatem. Si igitur Sagis levitas quadam adscribenda sit, non minorem quoque aliarum mulierum concedendam esse. Quamobrem aliud principium ad questionem nostram constabiliendam assumendum erit.

Dico itaque, Veneficas prioris sue formae statum eo ipso tempore protinus amisisse, quo necessitudinem cum Satana & familiaritatem inierunt, nec amplius esse tales homines, quantum ad formam interiorem, quales ante fuerunt: adeoque novam prorsus formam assumere. Sage scilicet definiri possunt homines essentiam Diaboli, à quo ob fidentur, participantes. Malus enim iste genius, spiritus & rex aeris, qui causa & origo est delictorum peccato-

rumq; omnium, corda malarum istarum mulierum, & partes reliquas universas ita occupavit, ut totus per rotam illarum essentiam, essentiaq; partes singulas substantialiter sit diffusus: imò ut tantisper, dum pœnitentiam veram hand egerint, & omnino respuerint, non possit ab ulla corporis earum parte abesse. Unde fit, ut ubicunque moveantur, hunc secum gestent, ideoque nihil quoque boni amplius cogitare aut efficere, sed pessima & deterrima quaque scelera & flagitia perpetrare, peccataq; enormia committere soleant, nihil nisi detrimentum atque perniciem aliarum creaturarum molientes. Quamvis enim nonnunquam bonitatem, pietatem, sanctimoniamq; nescio quantam simulare videantur, adeo ut vel Dei Opt. Max. mensam cum aliis accedere interdum non vereantur: id quod observatum fuit in quibusdam, qua primis quoque diebus postquam id fecissent comprehensa fuerunt: id fit ex instinctu tantum & permissione Satana, ut aliis hominibus ipsarum malitiam non sentientibus, eas diutius in retibus suis retinere & magis magisq; decipere possit, & ne vel ipsamet Venefica omnimodam Satana, quem amicum suum familiarem agnoscunt, malignitatem animadvertere valeant.

Quæ cum ita se habeant, nemo utique dubitaverit, quin & totius corporis ipsarum facultates & potentia prorsus immutata sint, ac pristina earum forma perierit. Mali autem ingenii natura planè spiritualis est, ætherea, siue etiam si placeat, ærea, levisima, in omnem locum sublunarem celerrime permeabilis. Quapropter putaverim ipsum in Sagarum corporibus residentem sua essentia spiritali atque volatili siue levisima, longissime etiam leviora illa reddere, quam vis hoc ab aliis non deprehendatur: vel potius ita attrahere spiritum suo ipsis essentialiter infuso ac inherente, ut per ejus levitatem sustentata, nolentes volentes, sub aquas ferri non possint. Argumento est & documento, ut mihi videtur plane verissimili: quod eas sæpe numero in sublimem usque aërem trahat, quibus pro sua alioquin corporata quam obtinent natura, eo usque ascendere impossibile futurum sit. Quod si verò hoc imaginarium & falsum esse quis putet, utpote quòd ita contingere sua tantum modo imaginatione sibi persuadeant: experientia contra argumento nitor, quæ sapissime testata fuit, homines etiam quos cum malo spiritu ullam habere conjunctionem nemo unquam deprehendisset, ab eo ex una platea in alias longissime disitas, aut sæpe quoque ex urbe aliqua vel pago in campos siue remotiores, prius in aërem sublimiorem quasi capillis subjectos, violenter projectos fuisse: ut tum alibi, tum Marpurgi aliquoties contigisse rescivi. Atqui exempla sunt odiosa. Verum
enim

enim vero facile objecerit aliquis, si spiritali levitati adscribendum sit, quo minus venefica mulieres, quam alia submergantur: purgandi tamen hanc rationem esse incertissimam & fallacissimam. Quandoquidem & alia spiritum suum ita forsan cohibere possint, quo facilius aquis supernatent. Quemadmodum videmus eos, qui spiritum corporis diutius in se retinere & cohibere valent, longinquius etiam & diutius natare posse. Atqui comperitum & exploratum est omnibus, natationem non tantum à spiritus cohibitione, sed multo magis proprio & validiore corporis partium motu effici & meliorem fieri. Cum verò Saga & alia innocentes mulieres eodem modo vinciri & ligari soleant: nec magis nec minus hæc quam illa & vicissim corpora sua movere possunt. Et spiritus sive ær exterior, quam qui natare solent attrahunt, aliis non minus intercipitur aut excluditur quam Sagis, & hisce contra non magis intercipitur quam illis. Attamen ista quæ innocentes sunt, qualemunque spiritum attrahant, submerguntur. Quippe experientia testis est, omnes illas, quæ non submersæ fuerunt, deinceps spontanea confessione se reas aut nocentes esse significasse. E quibus satis palam liquet error VVieri, qui contendit, ob spiritus cohibitionem quasdam non submergi, cum nihil prohibeat, quin & alia spiritum suum fortiter cohibere valeant.

Quapropter non video, quid absurdi inde sequatur, si dicam spiritali (Satanica nimirum) levitate sive spiritu æris Sagas in altum trahi, aut in superficie aquarum servari, ne in iis pereant. Sed objecerit aliquis: Ergo ne igitur Satanas salvas & incolumes cupit hæc suas ministras? Quis amabo finis est illius attractionis sive supernatationis veneficarum? Nequaquam certe illarum conservationem spectat. Sed sua naturali potentia ex permisso Dei Opt. Maximi eas in aquis sustinet, fovet & trahit, non quidem in hunc finem, ut servantur aut liberentur: sed potius, ut Diabolica ipsarum necessitudo, & quod cum malis habeant genis consortium, aspectantibus innotescat, ipsaque in majus & perniciosius corporis pariter & animæ discrimen adducantur. Nempe Satanas ipse ceu minister & lictor ad jussa divina exequendum destinatus, eas hac ratione magistratui & universo populo indicare, earumque impietatem puniendam esse vult (imo nolens etiam volens cogitur) significare, ut mercedem suam, quam promerita sint, accipiant. Omnes enim eos, quos ad scelestum aliquid perpetrandum pellexit, tempore præsertim eo, quo divina Majestati visum fuerit, ad extremam perniciem vel lubentissimè adducit. Causas igitur naturales purgationis Sagarum per aquam frigidam quærentibus non præter

rationem ego dixerim : Causam efficientem illius esse Spiritualem in ipsarum corpore qua à simili in eo contenta levitate oritur attractionem : Causam vero finalem , ut natura talium hominum manifestetur. Cum enim spirituum substantia mortalium visionem effugiat (neque enim ullus vel tractabilis vel aspectabilis est) proposita purgatione tanquam medio convenienti & idoneo , quod homines visu suo queant percipere , utitur , ut cujus corpus videre non possint , ejus tamen voluntatem & legationem cognoscant. Quibus consideratis non inanem omnino , & pro nihilo habendam esse duco , Consules prudentissimi doctissimiq; , vestram in civitate Lemgovienſi consuetudinem examinandi & purgandi Sagas per aquam frigidam.

Etiamſi enim in sacrarum literarum monumentis nullum expressum de hac questione praeceptum legatur : inde tamen haud consequitur , hanc in natura quoque nullam habere originis suae rationem. Infirmissima enim hac consequentia est absurdissima : purgatio Sagarum per aquam frigidam in sacris literis non traditur aut praecipitur : Ergo nulla quoque naturalis ratio ejus dari potest. Multo ineptior est argumentatio. Purgatio Sagarum est contra naturam : ideoque non admittenda : Quia omne corpus hominis vinctum & ligatum non potest non submergi. Sententia hac est ignorantium principia physicorum , qui docent : Multa contingere praeter naturam qua tamen non sint contra naturam. Et eo ipso quod praeter naturam ista purgatio videatur , intelligitur aliquid singulare per eam significari : corpora videlicet Sagarum qua non pereant aliter affecta & disposita esse quam aliorum hominum corpora. Item. Quandoquidem in Evangelio nihil de ea legitur : Ergo impia est & minime observanda. Multa sunt qua nec praecipiuntur in Bibliis , nec prohibentur , & tamen suis de causis in Ecclesia à Theologis admittuntur , qualia sunt qua ab iis dicuntur adjaphora. Nequaquam enim contra pietatem esse puto ejusmodi suspectos homines in aquis purgare : praesertim quia propter hanc unam purgationem nulla condemnari solet. Et hac sunt prudentissimi & doctissimi viri , qua ob vestram petitionem breviter meditatus fui. Salvum tamen Theologis , Jurisconsultis & Philosophis , quorum omnium hac questio communis est , suum judicium liberrimè lubentissimeq; relinquens.

Scripta & data Lemgovia in comitatu Lippiensi , ex adibus Domini Conradt Grothenii urbis vestre Typographi , 4. Octobris Anni hujus 1583.


P. & Cl.

Vestra

Addictiss.

Gulielmus Adolphus
Scribonius Marp.

D. Her-



D. Hermannı Neuvalds

Exegetis

Purgationis five Examinis sagarum
super aquam frigidam projectarum in
qua refutatur

Cyrinio Guilielmi Adolphi Sbribonij.

UNica ferè superstitio est, latissimè tamen diffusa, qua Diabolus Christianorum hostis infestissimus, genus humanum à Deo abalienatum ad se pertraxit, suoque imperio subjugavit: Etenim superstitionis lenocinio & secuturæ potentiae & sapientiae persuasionebus, si de arbore vetita comederent, primos parentes seduxit, & astutè se in eorum commercium insinuando exitio eos destinavit. Nec quiescit adhuc hodie spiritus ille nostræ pernitiei inhians, sed ut leo rugiens hinc inde vagatur, ut in explebilem perdendi famem sedet. Ad quod efficiendum potentia summa non destituitur, quandoquidem donum favoris & gratiæ divinæ amisit, haud potentiam, Dei tamen potentiae subjectam suisque definitis limitibus coercitam, ne in exitium nostrum quaecunque velit exequatur. Nam etsi potentia illa maxima & sublimis est, nec ulla super terram quæ cum illa comparari possit ut Job testatur: In rebus tamen externis homo plus potest *Cap. 4.* quam ille qui quocunque tempore, & quodocunque vult nisi corporeis obstaculis prohibeatur aliis thesauros auferre potest,

Cap. 14.

potest, quod illi denegatum est, imò ne assumere ab offerente potest, Dei summa sapientia ita decernente. Econtra Satan latenter se in cujuspian phantasia in sinuare potest, nisi singulariter à Deo prohibeatur argentum aurumue auferre nullo modo potest. Et fur generali concessionis modo conatur si externis obstaculis non impediatur, impetum in aliena bona facere: sic eodem modo nostræ salutis infidias struit, utroque tamen suis impedimentis circumvento. Permittit illi quidem multa Deus sed tunc tantum, cum ipso tanquam instrumento ad gloriam suam & suorum salutem uti decrevit ut historia Jobi clarè docet. Ita enim omnia limitantur, ut ipsi gloria vel potentia creationis, pluviam rorem serenitatem vel tempestatem generandi vis non attribuat, quod solius Dei est, ut testatur Hieremias, sed materiam ventorum, pluviarum & similium agitare in hoc vel illud cœli clima provehere, omniumque quasi horrendam inversionem minitari Dei permissu potest. Fatentur sæpè veneficæ se aqua in foveam fusa & postea turbata tempestates & tonitrua commovisse, quod falsum est, & ludibrio plenum. Nam diabolus futurarum tempestatum tempus ex signis naturalibus observans imprudentibus illis persuadet, se eas dictis mediis & verborum admurmuratione concitasse, idque ope & permissu Sathanæ, quo majorem reverentiam & metum apud illas sibi conciliet. Quicquid igitur facit Dei decreto & permissu facit, hominum peccatis tale quippiam promerentibus, ne permissio mali notam ipsi inurere videatur. Testatur hoc D. Augustinus cum inquit: Voluntas Dei est prima & summa causa omnium corporaliū specierum & motionum, nihilque fit in tota istius creaturæ amplissima & immensa Rep. visibiliter, quod non de interiori invisibili atque intelligibili aula summa Imperatoris

ris aut jubeatur aut permittatur, secundum ineffabilem justiciam præmiorum atque pœnarum. Variè autem in hoc suo molimine rete illud fraudulentum & dolosum tendit, & ut majore operum suorum applausu favorem sibi conciliet, summè nititur Dei majestatem & potentiam ut simia imitari, quò facilius imprudenti plebi imponat. Quomodo olim in populo Dei & inter Ethnicos præsertim hoc tentaverit, declarant vetustissima oracula in multis locis celebrata, ut historiæ testantur: quæ etsi primum fuerunt loca vero Dei cultui consecrata tamen crescente hominum malitia, & diabolo ulterius ad impietatem instigante, in horrendissima ipsius cultui destinata degenerarunt delubra, in quibus ad labefactionem nominis & majestatis divinæ ipse colebatur, sacra fiebant, & de futuris & occultis respodebat. Horum exempla in médium proferre ob rei indignitatem & turpitudinem non placet, quibus insidias gloriæ & majestati ipsius olim struxit. Hisce temporibus etsi undiquaque verbi Dei lux nos circumfulgeat, non cessat tamen multorum animas suarum imposturarum umaris dementare, eosque totos sibi mancipare idque specie dementationis callidiorè. Mirum enim est in tanta divinæ veritatis luce nonnullos adhuc existere qui tam fœdissimè ipsius laqueis irretiuntur, ut hodiè in Magis & Sagis experimur. Quorum illi etsi tacito cum diabolo confæderati sunt pacto & minus etiam alios lædunt: tamen eandem cum Sagis & Lamiis pœnam merentur, quod artes impias contra Dei mandatum didicerint & exercuerint ut scriptura judicium illud tulit. In æquali igitur non debent affici supplicio in quos eadem pœna lata est. Delectari & ad beneficium adduci videntur sagæ ob vindictæ cupiditatem adversus lædentes: nonnullæ ob Venerem exercendam quam vis sint vetulæ: aliæ

ob comestationes & convivia itemque choreas ducendas :
aliae ob futura praefagienda occultaque revelenda & his fi-
mia ex quibus diversae diversa sectantur quamvis plerun-
que proclives sunt ad omnia. Quaequam stupenda sint &
piis auribus indigna, quivis per se facile intelligit, nec
vana haec semper esse experientia satis superque declarat,
quod hoc loco ulterius persequendum non duximus. Mpl-
ta profecto efficiunt interventu illius pacti, non tamen quid-
vis pronutu succedit, cum vis illa à Deo sit refrenata & fir-
is limitibus inclusa. Quod si non intervenerit frustra omnes
pulveres characteres & conjurationes adhibentur, quae etsi
nullius sint momenti ex pacti nihilominus efficacia interdum
expectatum fortiuntur eventum. Verum pacta haec cum
diabolo inita cum sint contraria legi divinae, quae Diis adhæ-
rere vetat, pugnent cum honestate tendant ad proximi exi-
tium, magistratus non debet in hoc negotio iudicis officii-
um deponere, & cum exploratis connivere sed in eo potius
totus esse, ut impura & diabolo mancipata cohors, à Chri-
stiana societate exterminetur, ne malum ulterius serpendo
contagio tenaciore imprudentes polluat aut contaminet.
Videndum tamen interim & summa circumspeditione atten-
dum, ne in suspectos aut alios reos proclamatos temere a-
nimadvertatur non consideratis omnibus circumstantiis,
sæpissime enim in hac parte peccatum, non sine gravi ani-
mi dolore, novimus. Neque tamen haec ita à me accipi
volo, quasi ejusmodi diaboli mancipia nusquam existant
aut capite plecti non debere existimem : sed quod sentiam
in hisce puniendis ob multas causas circumspeditione accu-
ratiore opus esse, ne vel communi famae nimium conceda-
tur, nec probationibus quibusvis levissimis & pietati con-
trariis locus relinquatur, ad quae multos video inclinare & à
firmio-

firmioribus & constantibus, ad infirmiora & ludicra confugere examina, quibus ὁ πονηρὸς συνεργεῖν videtur.

Cum autem ad manus nostras pervenerit Epistola quædam Guilhelmi Adolphi Scribonii publicè Lemgovia edita, in qua asserit licere Magistratui ad explorationem veneficarum eas, vinctis ad pedes decussatim manibus, nudas in aquam projicere, hac conditione si supernatent aquas, reas: si submergantur insontes esse. Operæ precium facturum me existimavi, si in hoc examen aliquanto penitus inquirerem, quantum ingenii mei tenuitas pateretur. Ego ut nemini quicquam derogem vel mea aliis præferam, fateor rem esse valde arduam & inextricabilem, quæ cæco ignorantia impetu primum exorta, tandem consuetudinis diuturnitate invalvit. Origo certè hujus solennitatis ignoratur, & tamen imprudentibus nobis sese consuetudo insinuat, & obrepit, voluntatesque nostras obscure primum, tum etiam apertè sibi conciliat: postremò tantum acquirit authoritatis & gratiæ ut regnet domineturque perinde ut lex & interdum lege vehementius. Nec ut scribit ille, consuetudo solum præterita æstare cæpit, sed in Westphalia fermè antè annos octodecim est passim observata. Cæterum num rectè an secus factum sit, & an Jurisperitis hæc per frigidam aquam purgatio probata & in more posita fuerit, videtur esse indagandum & exquisitius rimandum. Deinde quoque video causas physicas in medium allatas proponi, quibus fides vel minima non erit adhibenda.

Nos itaque primum sine tamen præjudicio aliorum doctorum & experientia plus confirmatorum de consuetudine longo usu recepta, differemus, & citatas à Scribonio populorum consuetudines examinabimus, utum proposito

demonstrando sufficiant, & an eadem prophanae vel religiosae licitae vel illicitae fuerint. Deinceps physicarum rationum pondera, æqua lance examinabimus & pensitabimus ne quid indiscussum relinquatur. Difficile est fateor etiam prudenti invere, quid in re quaque verum aut falsum sit, æquum an iniquum. Sæpè enim usu venit ut tum amor tum odium, quibus in privatis controversiis consulti promoveantur, tum etiam propria commoda adeo perstringant eorum oculos, ut nequaquam verum intueri possint: atque ita propter præsentem cujusque aut voluptatem in amore aut dolorem in odio, aut cupiditatem in commodis, in nonnullis etiam pessimum & abominandum præjudicium tota res diudicanda errorum tenebris involvatur. Aliter decet homines Christianos in hoc negotio procedere, in quo non de cassa aut vitiosa nuce agitur sed circa hominum salutem cardo vertitur. Magistratus enim Dei vices sustinens & ipsius justitiæ sincerus æmulator ita debet officio commissio fungi, ne temerè aut citra rationem aliquid suscipiat, quod ipsum reum criminis agat, aut sanguinis humani rationem ab eo postulet. Fieri sanè potest, ut exorto tam tumultuario diaboli balneo, quod totum humanæ salutis exitio abundat, plurimæ etiam insontes ad supplicium ignis damnatæ rapiantur. Unde magistratus omnes placidè moneri debent, ut re benè & ad amissim perpensa, nihil temerè aggreantur quod cum aliorum summo fiat detrimento. Nemo autem cogetur nostris assentiri (non enim decet in ullius jurare verba Magistri) sed cuilibet liberum relinquetur judicium & meliora excogitandi locus. Nos si veritatem non planè attigimus dabimus certe operam ut non procul ab hac collimemus.

Quod attinet ad Jacobum Cujacium & Gerhardum
Nigrum

Nigrum in cujus librum Feudalem primum ipsi adscriptum is commentatus est, tenendum erit quod eo in loco à Cujacio referantur tria purgationum genera, per iusiurandum, duellū, & tertio purgationem, quæ fit vel per ferrum candens vel aquam ferventem vel frigidam & similia, quorum primum Canonicum appellatur, reliqua omnia vulgaria. Iusiurando tantum attribuitur locus in Feudalibus.

Purgatio vulgaris per duellum Friderici Imperatoris constitutione in certis casibus admissa impia à Cujacio esse dicitur: Apud Longobardos autem propter vetustatem in gente consuetudinem non potuisse abrogari fatetur Lintpardus eorum rex. Et in decretis eadem prohibetur, nimirum quod Davidis & Goliath duellum in specie probandum, non facit ut par lege habeatur, neque ea quæ in veteri testamento in figuram concedebantur, trehenda sunt in exemplum, ut Tyraquellus monuit. Præterea juri divino quoque est contrarium. Non occides. Non Deum tentabis: quando is qui justiore causam habet sæpè etiam occumbat & sub justo clypeo pereat. Tunc enim DEUS tentatur cum tentat aliquis ad aliquid pervenire, quod efficere non potest nisi per miraculum fiat. Per duellum autem quaeritur ut vincat non solum absolute fortior, quod naturale est, sed etiam justiore habens causam, etsi minus sit fortis, in quo fit miraculum contra naturæ ordinem. Huc respexit Martial:

*Nolo viram facili redimit qui sanguine famam,
Hunc volo laudari qui sine morte potest.*

*Lib. I. in
Epig. ubi
Deciani
dogm: laus*

Hujus purgationis exempla in historiis multa passim occurrunt. Umbrici controversias exortas per duellum armati componebant. Qui enim adversarios interemissent

Serm. 10. justiore habere causam censebantur ut refert Stobæus.
libr. 2. de Et Procopius scribit: ad urbem Romam in campis Nero-
bel. Goth. nianis stadii locum patientiorem fuisse, ubi singularia olim
 inita fuerint certamina. Pachymerius quoque vetusti mo-
 ris fuisse scribit, ut imperatores, si quando dubii criminis
 rei essent litem duello dirimerent. Alii alia de his prodide-
 re non solum apud Græcos sed etiam Romanos, quæ hoc
 loco omitemus, modo hoc alta mente fixum maneat, impia
 hæc esse certamina, neque patriæ conservationi accommo-
 data, dum ob privatas principum inimicitias, resp. detri-
 mentum capiunt vel funditus evertuntur.

Altera purgatio vulgaris fiebat per ferrum candens, cuius mentio quoque fit apud Sophoclem. Quod qui sus-
 pecti de crimine attigissent sine adustione infantes: qui
 adurebantur rei habebantur. Sic Cunegundis Heinrici se-
 cundi Imperatoris uxor de adulterio suspecta facta ignitos
 vomeres, pro ejus temporis consuetudine calcavit & unde-
 cies repetiit. Maria Augusta Otthonis tertii uxor, per fer-
 ri candentis experimentum de facti crimine fuit convicta,
 sumpto ab ea supplicio. Ipsa enim Comitem Mutinensem
 in amorem sui pellicere conata, postquam reluctari libidini
 suæ vidit, ira furens, se ab illo de stupro tentatam apud
 Otthonem insinulavit. Ejus rei admonitus Comes, to-
 tam ut erat, conjugii suæ, mulieri prudentissimæ patefecit:
 se citius millies moriturum quam tantum Imperatoris dede-
 cus palam facturum. Proinde ipsam precibus obtestari,
 ut forti atque imperterrita animo apud eum mortui inno-
 centiam sui purgaret. Neque ita multo post Comes irati
 & creduli Imperatoris indicio condemnatus pœnas capite
 dedit. Conventu inde populis ad Roncalias, instituto, quo
 die jus viduis dicebatur, mulier processit, atque ex lege
 Impera-

Imperatorem ipsum ad supplicium quod maritum suum injuste necasset postulavit, qua voce audita mirabundus Ottho : At tu quonam pacto inquit viritus quam jactas innocentiam comprobabis ? cui illa, candenti lamina inquit : atque mox inspectantibus omnibus ferrum ignitum jussu Otthonis allatum, sine ulla offensioneprehendit. Ea re Ottho confusus, se quidem poena dignum esse dicere, verum ad eam subeundum spacium postulare. Tam mulier tribus vadimoniis dilatis. Atqui inquit Ego supplicio Reginae contenta sum, cujus nefaria calumnia maritus meus est oppressus. Ottho muliere collaudata reginam cremari jussit ut Carolus Sigon. refert. Pachimerius a quoque *Lib. 7. de Otth. III. Lib 1.* testatur, se adolescente nonnullos massam ferream candentem, manibus citra noxam sustulisse, eoque modo innocentiam per miraculum testatam reddidisse. Cum alioqui antè usitatum fuerit, ut testes producerentur, jusiurandum deferretur, cum vitæ anteaetæ consideratione & diligentiore exploratione. In Livoniam quoque hæc purgatio, à Templariis, jurisdictionem in eos habentibus introducta, populo pro laniena impia fuit habita, & ut ab eo jugo molestissimo immunes essent, res ad Honorium tertium *C. dilecti x. de purgat. vulga* pontificem est delata cujus mandato sublata & abrogata est. Et alibi Canon inquit, ferri candentis vel aquæ ferventis examinatione confessionem ex torqueri à quoquam, sacri non censent canones. Et quod sanctorum patrum documento sancitum non est, superstitiosa adinventione præsumendum non est. Græci quoque sub Andronici Palæologi tempus, ad Ecclesiasticas controversias decidendas, ad ignis probationem confugerunt, sed eventu admodum infauisto, ubi rem seriam nugis involvere ausi fuissent. Utriusque enim factionis libri in ignem medio templo extructum,

*Lib. 6.**Lib. 3.**Metrop.**c. 34.*

ctum, cum invocatione iusti super nocentem iudicii divini, injecti simul combusti perierunt, iis qui justiore habuerunt causam nihil tale sperantibus: ut Nicephorus testatur. Albertus Grantzius exemplum huic contrarium adfert, de Poppone quodam Dano contendente veritatem potius rebus, quam verbis comprobendam: Ille enim ignitam Chirothecam intrepidus, sine contractione vultus, aut ullius doloris significatione, ad monstratum locum cum omnium admiratione deportavit. Ad astantes verò dixerat: Cernite virtutem JESU Christi, cui parent Elementa omnia: quippe qui fecit cælum & terram, & omnia in his degentia. Exempla hæc annotare placuit, quæ etsi in nonnullis veritatem patefecerunt, tamen ab illis judicandum non esse, omnes mediocriter docti norunt, & esse hæc impia & illicita ex Honorii tertii responso ad Livonienses meridiana luce clarius liquet. Testantur etiam historiæ, tempore Regis Manassis & Hircani multos per ignem transmissos horribili illo sacrificio esse consumptos, etsi nonnulli illæsi per eum transierint. Ritus hos in totum damnat scriptura.

Deut. 18.

De origine hujus purgationis à doctis nihil annotatum video: si suspicionibus indulgendum quicquam est, hæc ejus poterit esse origo. Diabolus Dei operum mirabilium *μυμνῆς* vaferrimus, hanc durgationem forsan, aliquibus supersticiosa persuasione instillavit, ad exemplum trium puerorum apud Danielem in ignitum fornacem conjectorum, attamen propter veritatem & sincerum Dei cultum ne tantillum violatorum. Et cum Dominus, qui est ipsa veritas ignis specie, Mosi è medio rubo apparuerit, & dicatur in scripturis in habitare lucem inaccessam, nomineturque ignis consumens, falsa de divinitate persuasionē spiritus ille *κακὸς ἄνθρωπος* horrendos ignis abusus invexit, quales fuerunt
in

in Ur Chaldæorum, Græcorum *ἑστία*, in latinorum igne facro, Vestis apud Romanos commendato. Nonnulli per flammam ignis transmittunt pueros à malo præservandos, *Deut. 18.* quæ abominatio in scriptura quoque fuit vetita. Fuisse *li de myst:* hanc consuetudinem apud Amorrhæos & Ægyptios, scribit *Chald. & Sabæorū.* Moyſes Maymonis Theologus Hebræus, eamque in Ægypto à se observatam. Hinc ortum etiam puto, ut inexploratione veritatis per jusiurandum, adhuc adhibeantur candelæ cereæ incensæ, more nescio an satis probato. Physica esse poterit quod ignis omnia probat: Verum hæc conscientias haud quaquam attingit, nisi Papistarum ignem purgatorium, ex orco revocare malumus, ad quem probandum citant etiam Pauli illud de probatione ignis.

His ritibus quadrant etiam conventus Magorum & veneficarum, quo tannis, ter locis peculiaribus celebrati, diabolo specie hirci nigri sese illis ostentante & sistente, ad exemplum veteris testamenti, in quo mares singuli destinatis feriis, ter quotannis ad cultum divinum congregantur, hirco ad sacrificium Deo gratum mactato, igneque cremato, ut testatur sacra scriptura. Scribit Bodinus *Levit. 16. Libro 2. cap. 4.* Magos & veneficas Pictavii Anno 1564. morti addictas fassas fuisse, se quotannis ter in maximum Magorum & veneficarum conventum proficisci, & ad crucem quandam compitalem congregari solitas: Ibi prefuisse hircum nigrum ingentem, astantes voce humana compellantem, in ejus ambitum saltare omnes, tum unumquemque posteriores illius partes cum ardente candela osculari: hoc facto hircum absumi igne, ex cujus cinere singulas capere, ut eo bovem inimici necarent, hujus ovem, illius equum, hunc hominem languore, illum morte adficerent. Postremo diabolum voce terribili in hæc verba intonare: *P* vos,

vos, aut mortem oppetetis. Ita singulos ope diaboli redire quâ venerant. Ita operum Dei non tam imitator calidus, quam depravator pessimus est diabolus, tantum, ut sub boni vel sanctitatis specie imprudentibus imponat, gratiamque exitium eorum sitientem apud complices suos ineat.

Tertium vulgaris purgationis genus fiebat per aquam ferventem vel frigidam quod an huic proposito stabiliendo conveniat, nunc ulterius re ita poscente inquirendum videtur. Scribit Cujacius & homines Christianos eos usos fuisse, ducto more, argumento nescio inquit an bono, à potione, quam stupri infimulatis mulieribus, dari jussit Moises. Illa potione sumpta, si mulier rea erat stupri, pertransibant illam aquæ maledictionis, & inflato ventre putrescebat femur ejus, eratque in exemplum omni populo: si polluta cum alio non erat, potio sumpta ei nihil nocebat. Et cum judicium aquæ frigidaë in purgatione veneficarum admitti debere, vel juris textus de hoc loqui velint libet penitus aliqua introspicere. Cujacius ut est brevis & succinctus his verbis, argumento nescio an bono, non videtur hanc purgationem defendere, sed potius Saxones, occidentales clam taxare propter imprudentiam. Sine dubio enim mens ipsius ex antedictis arguitur, & optime intellexit ritus veteris testamenti, & specialia illa mandata jam expirasse, neque amplius nos obligare. Addo, quod Sacramentum etiam, illa purgatio per aquam maledictionis facta, extiterit, quod sacramentum Zelotypiæ Theologis dicitur, & unâ cum reliquis est abolitum. Deinde & dissimilitudo est in ritibus hujus purgationis à Moise expressis. Nulla in hoc casu fiunt sacra, Deus non invocatur supra innocentem, non stabilitam ratio-

rationibus habemus consuetudinem, nedum expressum aliquod divinum vel humanum mandatum: sed in temerarium & originis expers præcipitatur experimentum, quod carnifices Magi (quod cum multorum tamen pace dixerim) alicubi primum introduxerunt, populoque novitatis & præstigiosi hujus spectaculi avido, cum admiratione ostentarunt. Quis enim dubitet eorum plerosque & Magicis instructos esse artibus, quibus acies gladiatorum obtemperat: globus ex Bombarda explosus non penetrat: qui torturis ea possunt explorare, quæ Magicis molitionibus abstrusa in sævissimis etiam cruciatibus reticentur, arte artem deludente. Denique summopere admirandum, quisnam præstigiator injectionem in aquam primus ostenderit, modum viamque ligandi decaussatim manus ad pedes invenerit, cum Moises aquam maledictionis severis ritibus bibendam jusserit, omissa inani super aquas projectionis scena. Damhouderius ut & Cujacius meminit purgationis per aquam frigidam, adhibitis consuetis funibus, quod de projectione in aquam cum adhibeantur propter submersionis periculum, intelligi debere non nego, an verò legitimo jure id fiat quæritur.

Quod Damhouderius hujus solennitatis testis citatur, quasi patronus & approbator hujus spectaculi, video ipsi injuriam fieri, præcedentia enim citantur, sequentia contrarium nimirum adserentia tacito pede prætereuntur. Inquat enim: Verum cum & istiusmodi purgationes, nihil habeant humanitatis, sed tyrannico animo, diabolicoque instinctu inventæ atque excogitatæ, ad divinæ potentiae tentamenta recte vergant. Ideo non temere Canonico jure prohibitæ sunt atque abolitæ, ne amplius iisdem uterentur. Ibi enim Lucius tertius mandat, ut indicia

C. x tuarum x de purgatio Can.

ejusmodi peregrina & rebrobata non admittantur, ut potè quæ non satis sint ad purgationem, sed presbytero de homicidio accusato purgationem Canonicam per juramentum imponit. Idem etiam prohibitum est ex Stephani & Nicolai pontificum decretis.

*Ad finem
de purgat:*

Andreas quoque Alciatus, vir fide dignissimus, in libro de judiciarij processus compendio, de purgatione vulgari, hunc ritum abominatur & repudiat triplicem ob causam, quod scilicet inventus sit diabolico instinctu & invidia fabricante, quod Deus in eo tentetur & innocens sæpè condemnatur.

*Libro 4.
cap. 23.
Variar:
resoluit,*

Didacus Covarruvias meminit tantum purgationis per ferrum candens aut ignitum globum, eamque in more habuisse vetustas gentes scribit, sed probari eam ab illo ex contextu hujus non arguitur. Acquiescit enim primò in responso Honorii tertii ad Ecclesias in Livonia quæ hujusmodi tentamine à templariis jurisdictionem in eas obtinentibus gravabantur. Deinde ostendit ritum illum fuisse vetustissimum ex Sophocle Calimacho & Plutarcho. Et videtur ille mos ab Ethnicis, ut sacra habet historia defluxisse ad Christianos, quibus cum ignorarent verum Deum, Diabolus magis insidiatus est, quos pro nutu suo quocunque volebat seducendo flectebat. Adfert autem Didacus ex scholasticis duplicem interpretationem, quarum posteriorem scribit convenire Sophocli, nec alienam esse à responso pontificio. Fiebat illa purgatio alio modo, quandoquidem juramentum legitimum præcedebat, de cujus constantia & veritate, probationem cum ferro candente instituebant. Adhibito enim illo experimento, censebant illum dolorem nullum percepturum, qui veritatem dixisset, eratque apud illos certæ fidei, & innocentiae signum maxi-

maximum, ab eo periculo illaesus evadere. Videtur hæc ratio cum juramentum præcesserit, probabilitatis speciem præ se ferre. Verum & an hæc legitima sit purgatio doctioribus Jurisperitis & Theologis judicandum relinquo.

Hæc erant tria vulgaris purgationis genera, quæ ut initium habuere superstitiosum, sic & à rectè judicantibus fuerunt repudiata & explosa. Quomodo enim diabolus humano generi ad superstitionem proclivi, ea instillarit & experimento attamen prophano & fallaci insinuaverit ex antedictis luce meridiana clarius patet. Hoc unicum ille Præstigiator studuit & adhuc studet, ut homines superstitionis ritibus addictos & implicatos, à Deo abalienaret, ejusque Majestatis & potentiae umbram quandam imprudentibus suggereret, sibi que hos consuetudine devinciret. Nec puto non standum esse his, quæ sacri Canones de hisce purgationibus prodiderunt, nimirum quod in his Dei prophanatio & tentatio sit, à quibus homo Christianus tanquam cane & angue pejoribus prorsus debet abstinere.

Et si enim nonnulli Canones impietatis maculam circumferant & in superstitionis notam incurrant, tamen nihil dubitamus eis fidem adhibere, quæ cum sana religionis Christianæ doctrina consentiunt & vera falsis præferunt. Nec adeo rudes plerosque pontifices fuisse, aut ita res sacras eruendi curam, in iis deferbuisse credimus, ut nihil prorsus intelligerent, vel nequicquam in divinis scrutari conarentur, ignavo torpescerent ocio, cui major tamen pars indulgit. Sanè leges civiles non damnant aut pœna afficiunt eos, qui maleficiati à maleficii authoribus, aut aliis eadem arte instructis curam quærunt: Veruntamen sacri Canones, quibus fides in hoc non est deroganda aperte pro-

*L. condē-
nare ff. de
reg. Jud.
L. nemo
qui ff. de
reg. Ju.
L. nihil
tam na-
tur ff. de
reg. Ju.
C. admo-
neant 26.
q. vult.*

hibent ne homo incantatus aut maleficio infectus, contrariis maleficiis liberetur. Idem enim sacrae scripturae normam retinet, quae non solum e medio tolli jubet Ariolos, aruspices, divinatores, Magos & hissimiles, sed ipsos etiam damnat consulentes.

Psal. 45.

Faciunt nobiscum in hac re D. Basilius, qui extreme de testatur eos qui Sathanam vel magos adeunt, & istis praestigiis ad valetudinem abutuntur.

Hom. 8.

Chrysostomus in Epistola ad Coloss. idem affirmat: Citius inquit mors homini Christiano subeunda, quam vita ligaturis redimenda. Hoc enim modo si corpus sanatum fuerit semper animae vulnus infligitur.

*C siper
fortiarias
33. q. 1.*

Occurrit hoc loco etiam Canon de nodandae ligulae artificibus, qua novi conjuges à conjugali officio impediuntur, à nostro proposito non admodum alienus: Inquit enim Canon si pro fortiarias & maleficas artes, occulto sed nunquam injusto Dei judicio permittente & Diabolo praeparante concubitus non sequitur, ad Deum per humilem confessionem est recurrendum. Hic vetat Canon diabolicis modis nodum debere solvi, cujus nectendi modos ferè habent infinitos. Verustissimi hujus moris mentio fit apud Herodotum, ubi narrat Amasin regem Aegypti vinctum & impeditum ne rem haberet cum Laodice uxore sua, donec solennibus precibus & sacris Veneri promissis solutus esset. Artificium hoc in hodiernum usque diem usurpatum, neque solum hoc aditiores in usu habent per ligulas nodatas, seras conclusas, & pronunciata quaedam verba, dum matrimonii sacra ante altare obeuntur, sed etiam pueri etiam si pactum cum Diabolo nullum intercedat, & sortilegiortum sint imperitissimi, ipsis nihilominus nescientibus adest praesentissimus. Non quidem hoc ligulis aut aliis quibus utuntur

Libro 2.

tur

tur mediis est adscribendum, sed diabolo ita Deo concedente, conjugii ofori acerrimo, ut ad gloriam Dei instituta generis humani propagatio impediatur, aut alioqui inter conjugatos dissidia ferantur, vel adulteria committantur. Aliis membrorum non item insidias fruit.

Concludimus itaque purgationes ante dictas omnino esse prohibitas, & propter superstitionem & nominis DEI abusum, jure Canonico recte esse sublatas. Nova illa & inusitata arrident plebi, atque eorum fraus, quæ non tam promptè illis innotescit, stultorum mentes captas & irretitas detinet, quo minus veritati assentiantur. Conscientiam hoc spectaculum fauciam reddit, nec potest fieri sine poena peccati mortalis, ut Jurisperitus Rosella in lib. de casibus conscientiae annotavit.

Nunc ratio postulare videtur ut simili modo in Philarchi & Wieri rationes animadvertamus, & an huic proposito demonstrando convenient investigemus. Quod attinet ad Philarchum li. i. de morbis mulierum, non nego ipsum (penes quem tamen fidem relinquo) prodidisse, quod vivant in Insula Ponto homines, qui imaginem equinam in uno oculo, in altero geminam pupillam apparentem habeant: & similiter, qui quamvis graventur tegumentis confertis, nihilominus sub aquas mergantur. Cæterum & hic rursum præstigiosum quid occurrit, necesse enim est, ut isti homines aut tales nascantur, aut postea tales evadant. Si tales nascantur vix effugiemus, quin fateri cogamur, Diabolum in generationis opere suas ostentare & exercere vires, quas soli Deo rectè adscribitur, suamirabili potentia in hoc opus incumbenti, Non enim ipsi tantum indulget Deus, ut in consuetis naturæ operibus, & præsertim in hominis generatione per nutu quicquam possit fingere vel immutare, cum nondum etiam homines, dum in utero finguntur

tur pactum illud cum Diabolo inierint, quod tunc primum fit, cum rationis & mentis compotes fieri incipiunt. Et quis putet eum ipsum in futura sua mancipia, tantum potestatis obtinere, quam Deus sibi solus reservat. Fatemur sæpè contingere, ut foetibus signa aliqua imprimantur, quorum profecto sunt causssæ naturales, à subita & repentina per terrefactione, dum utero gestant mulieres, & quidem postremis mensibus pendentes, ut facies caprarum, cervorum, murium, cæraforum, & aliorum similium stigmatum, vel nonnullarum etiam rerum abominations, ut felium & similium, quorum exempla quædam vidimus, alia ex aliis annotavimus. Etsi autem ista præter refactio & pavor, animi non corporis sit affectio, neque à matris imaginatione in foetus animum inprimi possit: potest tamen temperamenti talis quædam fieri alteratio, ut certæ rei, ex qua consternatio orta fuit vel abominatio oriatur, vel impressio eo in loco fiat quem res ista in primis attingit. Occulta hæc quidem esse videntur, & humanis ingenijs imperscrutabilia, attamen si ad prædictas causas animum applicamus, prorsus ἀλογα non sunt. Sic enim ex simili causa infantibus morbi quasi hæreditario jure accidunt: ex pica gravidarum sæpè quoque contingit, ut à vino, caseo, & similibus abhorreant, quorum causssæ ex temperamenti similitudine erunt petendæ, uti temperamenti mutatio in nonnullis efficit, ut postea ejusmodi cibis assuescant. Hæc in natura positas habent causas, equinæ imaginis aut geminæ pupillæ in Insula Ponto observatæ, omninò nullæ si à nativitate ortum traxerunt.

Si verò postea tales evadunt, in quæstionem venit, utrum possit ille spiritus unicam particulam ingeminare, aut novam conformationem priori adjungere, quod ipsi æquè

æquè impossibile esse puto, atque prius. Si quid ejusmodi fit apparet perfascinationem id esse tale, quod revera non est, quod ipsi familiare multis demonstrare possumus argumentis. Sic Simon Magus Neronem jusserat, ut curaret eum decollari, se verò tertio die resurrecturum. Fit decollatio, attamen per fascinationem oculorum in ariete, & sic tandem tertio die revertitur. Quo facto ardentius Nero Magiam coluit, & in honorem Simonis statuam erigi mandavit, cum hac inscriptione. Simoni Deo sancto, *Lectio antiqua lib. 13. cap. 59. In maleo malefica-* ut refert Cælius Rhodig. Et Sprangerus hominem Spiræ narrat cum se pudendis orbabatum esse crederet, Medicos & Chirurgos ad se inspiciendum vocasse, quibus nihil tale visum, aut ullius vulneris vestigia observata sunt.

Interim nullo modo negandum esse putavimus Diabolum post manuum stipulationem, oscula & amplexus corporibus veneficarum stigma quoddam, certissimum pacti signum injurare & imprimere, quo tanquam sacramento, eas ipsi sibi obstringit & arctius devincit. Fatentur uno consensu hoc omnes, an autem omnibus in una parte corporis hoc signum figat, non adeò clarè liquet, etsi in diversis hoc ipsum moliri, ut facilius decipiat, veritati magis consentaneum videtur. Danæus scribit, ipsum iis tantum notam injurare, quos metuit pactum vel cultum suum deserturos aliis quos constantes fore sperat, non item. *In dialog. de sortiar.* In viris notam ut plurimum apparere in dextro humero, inter labia, palpebris, nonnullis in sede, ut non revelentur, in foeminis ad femur, sub axillis, aut ingentalibus. Ex hisce signis si alia præterea adsint indicia, nonnulli ad condemnationem procedunt. Cæterum ejusmodi stigmata, quæ cuti imprimuntur, quocunque id tandem modo vel tempore fiat, naturalem formam non abolent, neque

Q

novam

*lib. 2. de
anima.
lib de som.
& vigil.*

novam particularum immutationem in essentia efficiunt. Apparere quidem ejusmodi imagines, in illis, uti aspectantibus videtur non negaverim, sed an in aspicientis vel aspecti oculo eadem hæreant, ambiguum adhuc videtur. Rationi magis consonum videtur, apparere aliqua posse in aspicientis phantasia, quæ ab objecto præsentis non sunt, ut Aristoteles prodidit. Idem etiam alibi ex in somniis probat, in quibus sæpe apparent ea quæ nihil sunt. Eadem ratione possunt & Dæmones spiritus interiorum & exteriorum sensuum ita commovere, atque ita organis formas aliquas inducere, perinde ac extrinsecus occurrerent, non solum dormientibus nobis sed & vigilantibus, ut sic putemus, aliqua esse vel fieri, quæ non sunt nec fiunt. Sic enim immundorum spirituum subtilitas, & infatigabilis fraus, spectatorum oculos perstringere & variis modis illudere potest. Quod autem in phantasia se ingerere possit, supra dictum memini. Vulgus putat ea signa in oculis tantum esse & ex contuitu eas cognosci & explorari posse contendit, propterea quod pleræque vetulæ aliorum obtutum effugiant, oculisque semiclausis conviveant, ne per signum quod oculis impressum falsò existimant, prodantur. Sed & hæc falsa convincuntur, quod juniores plerumque ingenui sint vultus, & cujusvis aspectum strenuè ferant.

Veritati magis consonum videtur, quod oculos in aliorum præsentiam attollere vix audeant, id fieri propter conscientiam intus stimulantem, & de scelere conscio eos admonentem. Unde vultus etiam physicis rectè dicitur, mentis interius latentis index. Prodit etiam nonnunquam facies minus ingenua cum oculorum demissione fures sibi malè conscios, quararissimè fallit. Fieri denique potest,

ut

ut falso persuasæ à Diabolo, de signo quodam in oculis sibi metuant, conpressioneque eorundem revelationis aut proditionis periculum avertere studeant. Nam & inventi sunt, forsan ejusmodi farinae homines, qui magnatibus in locis non adeò diffitis, hujusmodi explorationem fastidiosè pollicentes, paulò post turpiter se dederunt, experimenti falsitate deprehensa & patefacta. Profectò qui tales explorationes sibi unquam sumpserunt, vel peiores vel certè pares ipsis fuerint veneficis, quandoquidem de imposturis illis & variis diaboli delusionibus ipsis constitit. Utur sit tales imagines neque ab ortu existere, neque in jam formato corpore facta, sensibili immutatione postea exoriri, certo certius est, sed omnia potius diabolicis præstigiis cedunt & obtemperant. Quibus an sit standum ut certis quibusdam indiciis, cuivis judicio dirimendum relinquimus. Porro si & hæc consuetudo purgandi per aquam frigidam, in ea Insula observata fuit, nihil hoc nostris rationibus derogat, quibus manifestè ostensum est, morem illum prophanum & superstitiosum extitisse, inter Christianos minimè ferendum. Ad manifestam enim impietatem mutum esse minimè decet.

Sunt & in aliis regionibus alia ejusmodi diaboli mancipia noscendi documenta, ut in extrema Livoniæ ora circumductio Lycaonum sive *λυκανθρώπων*, germanis *Beerwölffe* / tempore duodecim, (ut vocant) noctium, id est dierum proximè natalem Domini sequentium duodecim. Illi ad aliquot millia, eo tempore in unum agmen congregati, per sylvas, flumina, aliaque loca inculta hinc inde ducuntur, & impropere puerum claudum qui præcedit, ut dux, sequuntur, à procero viro agmen sequente & cogente ferreo flagello misere caduntur, ita ut longo post tem-

pore, vestigia & ex vibicibus relicta, in cute appareant. Exactis diebus duodecim, qui se luporum specie circumdatos falso credebant, redeunt ad se, & priori hominis formæ restituantur agmenque convocatum dispergitur. Hæc ita in Livonia fieri extra omnem est controversiam. Cæterum an revara homines in lupos vertantur videtur difficultate non carere. Bodinus hoc statuit exemplo Nabuchodonosoris in bovem, uxoris Lothi in statuam salis, virgarum quas Magi ad imitationem Moisis adhibebant, in serpentes, sociorum Ulyssis in porcos mutatorum. De Magorum Ægyptiorum, & veneficæ Circes apud Homerum in Odyssæa artificio nihil dubitaverim, quin ita acciderit, sed tamen præstigiöse & fascini dementatione. Videri enim vult, diabolus se hoc posse, quæ Deo soli competit, & tale quid conspiciendum præbet, quod naturale non est, sed phantasticum, ut Saulis Phythionissa fecit in excitando Samuele, & Simon Magus apostolorum miracula falso imitans. Corporea enim materia Dæmonis potentia, non subicitur quantum ad transmutationem ipsius ad formam, licet Thomæ Aquinati aliter visum fuerit. Augustinus tamen testatur diversum his verbis: Non est putandum, inquit, istis transgressoribus angelis ad nutum fervire hanc visibilium rerum materiam sed soli Deo. Neque concedit Deus, ut in hac communi rerum propagatione, aliquid ex materia & forma producat exceptis iis, quæ ex putredine generantur, ut ranæ, vermes & similia, quod non ex itidem composito proveniat, ita ut effectus non absimilis sit agentis. Interim non inficiabimur potuisse Dæmones, celeritate incredibili, virgis remotis, serpentes eorum loco subicere aliunde allatos, astantium oculos perstringendo & decipiendo. Quæ de uxoris Lothi in saxum immobile mutatione afferun-

*Lib. 3. de
trinit.*

afferuntur, sacrae scripturae & potentiae Dei maximae nihil detrahere posse puto: de transfiguratione Nabuchodonosoris in bovem ambigendum censeo, neque satis apte ad luporum μεταμορφωσιν accommodari posse existimo. Primo si ea facta est sine dubio Dei potentiae accepta ferenda est, quae Diabolo est inimitabilis, neque λυκανθρωπίας demendationi patrocinator. Denique scriptura in bovem transmutatum eum non affirmat, sed sicut bovem, communem cum brutis alimoniam habuisse annotat, ratione & mente alienatis, quae integra Bodinus in transformatis manere scribit. Post septennium enim rationis rursus compos factus est, neque communis alimonia communem naturam vel substantiam esse arguit. Verum non pertinent haec ad nostrum institutum, placuit tamen ea attingere, ut palam esse quousque diaboli potentia se extendat, & quomodo à se instructos, quamvis ex conventionem aliter promiserit in extremam perniciem praecipitet. Meminit quoque Lycaonum Herodotus lib. 4. his verbis: Idem (de Neuris loquitur) videntur homines esse malefici; dicuntur enim à Scythis, & ab ijs, qui in Scythia incolunt Gracis, semel quotannis singuli ad aliquot dies effici lupi, & rursus in pristinum habitum redire, quod tamen dicentes mihi non persuadent. Ipsi tamen ajunt ita esse & dejerant. Quae testantur, & auctori huic omnia haec videri fabulosa & praestigiosis ludibriis exposita. Per Magos & carnifices interdum harum imposturarum studiosos saepe veneficae convocantur & in unum agmen coguntur factaque manifestatione produntur. Sed & haec investigationis viae impiae & periculosa, quandoquidem Diabolus nonnunquam, sub innocentium specie mentita se conspiciendam exhibeat. Quamobrem ut cum Lycaonibus sic dictis ludat falsa & imaginaria

specie diabolus, sic & ementitæ & evanidæ sunt illæ imagines equo geminæque pupillæ & veneficarum vel magorum oculis assimilatae unâ cum projectione super aquas, in insula Ponto usitata. Verum & hujus rei fides sit penes authorem.

lib. I. Ger.
Exeges.
cap. 17.

κατά γυ-
ναικων.

Projectionem hanc super aquas ad alias res æquè superstitiosas adhibitam fuisse apud Irenicum legimus. Apud Celtas mos fuit pueros postquam nati essent galea tectos Rheno immergere, & si scutum fluitet, ut genuinam sobolem educare: si verò à capite decideret, ut adulterinam, nec ullis dignam honoribus exponere. Hinc Gregorius Nazianzenus de Celtis loquitur:

Κελτοὶ μὲν κρίνουσι γόνον ῥήνοιο ῥέεσθροισι,
ἔχ' χρυσὸν καθαρὸν ἀνθεαίεσι κρίσις.

*Cernitur ut purum prunis ardentibus aurum,
Gurgite sic Rheni pignora Celta probat.*

Et alibi,

ὥς νοθὸν εὐγενέως ῥήνα κριθέντα ῥέεσθροισι.

Nobilis ut Rheni exploratus spurius amni.

Et Claudianus:

Et quos nascentes explorat gurgite Rhenus.

De hac purgatione Pius Bononiensis
sic scribit.

In anno-
tationib.
posterio.
cap. 23.

*Audaces rapido Celta nova pignora Rheno
Explorant, non hac genitrix prius ubere largo
Alma fovet, vitreas fluvii quin venit adundas.
Lympha novum caput alta legit quod remigis instar*

Vmbo

*Umbo tegit, fluviusq; effulcit corpus alumni.
 Et fatum sic unda probat, lectumq; jugalem
 Damnat adulterii, fæde sic decolor igne,
 Post dubios genitrix casus memor Ilithya
 Accipiens sobolem gelidis in fluctibus ortam
 Anxia despiciens cui nobilis autumat unda.*

Nec videtur profectò aliud hoc fuisse purgationis genus quam de quo nunc agimus. Retulit hoc quidem Nazianzenus : Verùm hunc approbasse idipsum nullo modo credimus, cum notissimum sit eum omnes superstitionis fuisse ossorem acerrimum, quandoquidem omnia appensa & amuleta extremè damnavit ut pote quibus diabolus cooperetur, nedum ut istius modi præstigiis patrocিনatus fuerit. Inquit enim : ὃ δὲν δὲ σοὶ περιαιμάτων καὶ ἐπασμάτων οἷς ὁ πονηρὸς συνεισέρχεται. Nulla sanè fuit istius probationis puerorum origo alia, quam superstitiosa credulitas, & Dei tentatio persuasionem malorum spirituum introducta & confirmata. Quis quæso audivit unquam spurior à legitimis dignoseendi & explorandi modum, cui nulla ratio, nulla lex vel æquitas suffragatur, sed tantummodo cæca & dementiæ plena consuetudo pro lege barbaro isti fuit populo. Neque mihi dubium est illam purgationem si non prior fuit (quandoquidem de origine nihil constat) ex hac originem traxisse, & ad explorationem sagarum superstitiosam adhibitam fuisse. Et puto hinc ortum esse proverbium quod refert Cælius Rhodig. Hæret aqua. Ulpianus id etiam de ijs *li. 8. ca. 2.* intelligi putat, qui in famia notantur, unde Julius Pollux πλύνειν id est lavare pro λαιδορεῖν id est convitiari & alterius nomen obtrectare, ponit. Nec alienum ab hac consuetudine est illud, papistis in more positum: Imaginem S. Petri

tri projiciebant in aquam addentes hæc verba: Submergatur beati Petri imago si nobis apud Deum pluviam in imminenti necessitate non impetraverit. Id enim hodiernis ritibus non absimile est, dum veneficæ explorantur projectione super aquas ut quæ veneficæ non sint, submergantur, quæ veneficæ sint, aquis supernatante, contra naturæ ordinem: uti & imaginem ligneam si futura non esset pluvia, præter naturæ statum submergi hoc experimento volebant. Et quemadmodum in illo, sic & in hoc tentatio Dei est & superstitiosa quædam ad inventio. Illa exploratio sanè de ventura pluvia, nihil aliud est quam tentare Deum, dubitando de ipsius omnipotentia, & præfigendo terminum divinæ operationi, quæ ex sola gratia provenit. Inquisitio hæc per aquam frigidam, tentatio similis est, non mandata nobis divinitus, aut ullis rationibus suffulta: sed cum impia sit sortitur suos effectus, ob hominum malitiam & impietatem, quæ effecerunt, ut multa sæpè evererint miracula à diabolo falso edita, quæ ad homines superstitionibus excæcatos divinarum revelationum speciem præsetulerunt, ut ex oraculis patet, item ex Magis Pharaonis & Simone Mago. Quid enim opus est elabi ad falsissima, quæ cum Dei prophanatione & hominum pernitie sunt conjuncta.

Simili prophanatione & Dei tentatione non carent experimenta his similia, vulgò & fœmineo sexui in more posita, de futuri anni vita num scilicet eo superstes mansurus quis sit præfagienti. Ad hujus rei explorationem in profesto novi anni panes azymos in cineribus omtime coquant, coctos demum in aquam projiciunt: panis in hujus vel illius nomine factus, si fundum petit hominem eo anno moriturum divinant. Bene enim coctus panis contra naturam fundum petit, ut de cruce lignea antea annotavimus.

mus. Si in superficie hæreat, quod prorsus naturale est, in vivis mansurum. Alii hanc explorationem tentant in profesto S. Matthiæ simili dementatione exæcati. De pane quo in mensa utuntur, bolos dentibus avulsos, pro hujus vel illius vitæ diuturnitatis exploratione in aquam similiter projiciunt: Boli qui fundum petunt non modo suspicionem, sed indubitatum de futura morte præsagium pariunt, in superficie hærentes securitatem pollicentur. Si in medio bolus suspensus maneat, morbum gravissimum portendit, attamen sine vitæ periclitatione. Hæc ita vulgus in communi habet usu & quidem sæpè infallibili eventu experimentis respondente. Autumat illud, quoniam negotii indignitatem & abominationem non agnoscit, rem esse licitam, nec ulla expiatione dignam: interim tamen hi non minus patrant facinus, quam ii, qui veneficarum corpora vineta & in aquam projecta, judicium de nocente vel innocente ferunt, uti illi de salute vel morte præsagium instituunt. Certum est horum experimentorum infinitum esse numerum, diaboli versutia humano generi, novitatis & rerum futurarum avido, obtrusum & callidè persuasum, non qua tutò his uti liceat, sed potius ut mentes à Deo alienatas, ad se superstitionum illecebris alliceret, & Idolatricis cultibus assuefaceret. Relatum quoque est à fide dignis, ipsas veneficas aquæ beneficio de futuris prædicere solitas, ita ut certo mihi persuadeam, hæc omnia sub lato Hydromantiæ nomine complexa teneri. Nam cum quædam aliquando consulta & rogata esset à puella, ut efficeret, ne sponsus, cujus odio post celebrata sponsalia ardere inceperat, reverteretur: illa altero die antè solis ortum puellam redire jussit. Rediens puella summo manè, Saga in procinctu habuit magnum lebetem aqua plenum, in cu-

jus superficie, omnium qui in navi erant capita emerferant. Illa inter alias sponsi faciem monstrari jubet, qua indicata, pugno caput premit, & statim submergitur. Omnibus demum è navigio redeuntibus, solus hic ex summitate mali de turbatus emanfit. Quis hic non videt simile præfagitionis exemplum, ex hydromantia impietate & vanitate desumptum quarum specie ferè infinita hominibus sunt à Deo oblatae, & imprudentibus persuasae, quasi fallere nullo modo possint. Verum Sagæ elisio & immersio capitis in aqua causa non fuit emanfionis sponsi, cum fortè sine his ceremoniis, hoc malum ei accidisset, sed potius superstitionis poena id meruit in incredula sponsa. Et diabolus si de futuro lapsu quicquam olfecit, sæpe numero italeves & infideles instigat, ut circa id tempus præstigiæ cultores in perpetrandis rebus malis consulant, & ultionem petant, quæ istorum potestati tamen minimè subjecta aut accepta ferenda est. Et callidus sæpè post factum (ne fallere posse videatur) suos ad hæc tentanda impellit & incitat, ut præfagitione, quasi divina & admiranda simplices inescet, & suis tricis fucum faciendo implicet.

Vetustissimum hunc probationis modum, videre quoque licet ex ipso Aristotele *Ἐν θαυμασίῳ ἀνθρώπων*, ubi mentionem facit fontis in Palice Siciliae, quem testatur aquas ad sex cubitorum altitudinem, ejicere, ut ferè omnem planiciem inundaturus videatur attamen eundem consistere: porrò jurejurando hunc pro sacro haberi solitum. Quæ enim cunque libet tabellæ inscribunt, inque fontem abjiciunt, ea si vero jurejurando confirmantur, natans in superficie tabula: sin secus veluti pondere depressa eripitur ex oculis, igneque corripitur perjurus. Quo circa fidejussorem capit sacerdos, qui justa nominis vindicta sacrum execrandum-

dumque si pejerarit asportet. Hæc probatio seu exploratio veritatis, proximè accedit ad eam cujus antea perignem in templo facti meminimus. An verò iusta veritatis illa fuerit exploratio valde ambigendum cenfeo. Vetustatem admiror & reliquias illas veteris testamenti ad Ethnicos usque manasse, attamen dissimilitudinis quadam ratione, lubens agnosco. Etsi enim nonnunquam hæc experimenta, non exiguo temporis intervallo siluerunt, attamen penitus obliterari, diaboli vafricies passa non est: quin potius ut renovarentur eadem & denuò in staurarentur mille modis autor fuit sui studiosis, idque semper boni specie, ut imprudentioribus facilius imponeret. Imposuit quoque diabolus hominibus, per miracula aquæ frigidæ & ferri candentis, in ædificandis & fundandis locis religiosis, quæ non Deo sed ipsi ob horrendas superstitiones erant consecrata. Artificium hæc exercuit, in extruendo templo, quod in honorem divæ Virginis Mariæ adhuc visitur, in monte ante civitatem Hervordiensem, cujus initium fuit, sub Abbatissa Imme, & Episcopo Paderbornense Meinuverco, Papa Gregorio quinto, anno Christi I V, die S. Gervasii & protasii, qui dies in hodiernum usque diem dedicationi templi sacer est. Pastori cuidam aliquoties apparuit ipsa Maria propter quam apparationem locum pro sacro habere cœperunt, & à Maria miracula in eodem expectarunt. Pastor absque dubio instinctu diaboli visioni fidem fecit, cum magno aliorum applausu per aquam frigidam & ferrum candens, & non longè post populo Mariam in arbore quæ adhuc in ara templi est, specie columbæ conspiciendam exhibuit. Quo facto corrogatis undique subsidiis in honorem divæ Virginis templum in monte extructum est, virginibus dicatum & multis opibus locupletatum. Memoria dedicationis templi

adhuc visio apud accolas nominatur, ob visam eo in loco columbam. Hæc aut fabulosa omnino sunt; aut si ita acciderunt, illusiones fuerunt diabolicæ. Nusquam enim legitur in sacris vel Mariam θεοτόκον, vel ullum alium multis seculis antè mortuum in aliena specie sese conspiciendum & agnoscendum hominibus exhibuisse: statuendum certè est columbæ specie, Sathanam ipsum pastori & aliis illufisse, ut superstitiones diabolicas confirmaret, & animos hominum à vera in Deum fiducia abstraheret. Vel si revera columba fuit, facile fieri potuit, ut hominum animi jam tum probationibus illis, per aquam & ferrum fascinati & in diabolicas superstitiones demersi pastori fidem habuerint, pro simplici columba Mariam monstranti. Quid enim non credit vulgus, superstitionibus irretitum & dementatum? Certe in ista atate nihil frequentius fuit ejusmodi apparitionibus, in primis si falsis dictis miraculis præstigiosè stabilirentur, quarum exempla & hic locus penè ante urbem Helmstedum si opus esset, mihi suppeditare posset. Verum miror prædictorum locorum incolas, in clara evangelii luce penè cæcutire, & probationibus illis diabolicis adhuc petulanter indulgere, forsan ob hæreditarium loci contagium, aut quorundam sciorum consilium immaturum & pessimum.

Monuit me quoque alterius experimenti æque superstitiosi clarissimus & doctissimus vir Doctor Johannes Melinger, Ducum Lunæburgensium Medicus vigilantissimus & felicissimus, quod in interfectis observatur, sanguine in præsentia occisoris ex vulnere exumpente. Exempla ex sacris desumpta huic suffragium nullum ferre possunt. Nam quod legitur sanguinem Abelis clamasse in cælum, de hoc miraculo nonintelligitur, sed de Caini pœna postmodum

dum ipsi sustinenda quam temporaneam fuisse non constat. Physicam asserere videtur Martius Galæotus ab insultu spirituum pendentem iisdem ab uno in alterum irruentibus. *In lib. de doctrina promiscua* Occidentis irati spiritus in occisi sanguinem irruere & cum eo misceri, & è contra existimat: ideoque fieri, ut præsentem occisore spiritus in occisi sanguine moveantur ac proprium corpus repetendo profluvium ejusdem excitent. Quamobrem hoc experimentum non ultra viginti quatuor horas differendum censet, quo temporis spacio spiritus in corpore adhuc superesse posse judicat. Cæterum mutuum illum in iratis spirituum discursum & subitam transmigrationem omnes mediocriter physicis initiis imbuti intelligunt, quod nulli spiritus quicunque tandem sint è corpore foras exiliant, nedum ut extra missi in aliud contrarium immigrarent & eo usque lateant, donec is à quo exierunt se præsentem sistat. Reliquum igitur est ut superstitiosum & diabolicum quid sapiat, cujus suspicionem mihi auget, quod in locis quibusdam membrum rescent, arefaciant & fumo indurent, qua in præsentia occisoris sanguinem adhuc effundere sanctè affirmant. Profecto ex membro arefacto minus quam ex lapide sanguis effluet, si, ut perhibent, fit, quis adeò stupidus erit qui diabolicis fascinationibus hoc ipsum acceptum non feret? Verùm de hoc doctioribus aliis & suum esto judicium: quid nobis videatur, monitu præclari istius viri, reticere hoc loco noluimus.

Quod attinet ad Joannem Wierum hominem præclaram de philosophia & Medicina meritum, nullæ profecto rationes in promptu sunt, quæ virum illum in experimentum adeò superstitionis æmulum pertrahere potuerint. Fateor miserrimis veneficis illum esse mitiorem, defensionem earum commiseratione & pio zelo suscipere, ar-

temque totam veluti imaginariam deludere, & extenuare, in quo tamen illius vestigia minimè sequenda esse asseveramus rei evidentiae & sacrae scripturae auctoritate freti. Et si enim fatentur se multa perpetrassè, quæ nec fecere nec facere potuere: tamen culpa eos hoc non eximit, quando diabolus clam (Deo ita permittente) venena ex pacto aliis suggerit, quodocunque nocere alicui propositum habent. Atque ita operis conjunctis effectum producant, cujus uterque reus est, quemadmodum anima & corpus in unum juncta, simul peccare, & eisdem pœnis subjici rectè dicuntur. Sæpè quidem Diabolus tempore insultus futurorum morborum exactè observans insusurrat suis mancipiis, se noxam intulissè eis quibus nocere decreverant, cum morbus nihilominus naturalis extiterit, id est à naturalibus caussis productus. Interdum autem non sic ludit, sed revera exhibentur toxica, perduntur fruges, procreantur grandines fulmina & similia, ut eo tanquam carnifice ad justitiæ executionem utatur. Præterea extremam earum Idolatriam & ἀποστασίαν à Deo dummodo non tantum Diaboli imaginem colunt, sed ipsæmet se supplices diabolis permittunt in eorum clientelam se tradunt, mancipia se futuras & se totas ad eorum obsequium composituras promittunt. Verum de hisce pœnis veneficis justè irrogandis, contra Wierum scripserunt alii luculentius, ut Thomas Erastus, medicus nostri temporis facilè princeps, Lambertus Danaeus Theologus, Joannes Bodinus Historicus, ex quibus ista possunt petere, qui ad rerum gubernacula sedent. De pœnis si bono & sano judicio decernantur nihil dubito, de experimentis hisce futili consuetudine inveteratis, non modo dubitandum, sed potius ea ex rebus publicis maturo consilio releganda esse censeo.

Wie-

Wierus certè rationem probationis per aquam propterea non admisit, cum videret eam nullis rationum momentis stabilitam, quæ rei adeò levissimæ & ludicræ in patrocinium venire possent. Nam quæ dicuntur & non probantur in naturalibus, eis fides omnino derogatur. Cum autem nulla præstò sit ratio naturalis, quæ levitatem & narrationis aptitudinem inferre valeat, ut in sequentibus uberius demonstrabitur, mirari non desino stultæ ineptæ nullique innixæ probabilitatis nedum rationis fundamento, consuetudini tantum esse tribuendum, & tanquam oraculo standum. Fatendum est contingere ejusmodi sæpius Deo ita dispensante & connivente, ut superstitio, incredulitas, Dei cultus abusus apud infirmos stabiliatur: Negandum tamen interim non est, in his experimentis esse Dei tentationem & ordinis divini perversionem & sæpè divino permissu innocentes in periculum deduci, nonnunquam etiam nocentes, quos Deus exitio nondum destinavit, per submersionem servari. Et mirando fortè Dei consilio ita fit, ut spiritus ille ab aquarum submersione veneficas immunes conservet, ab igne ad quem rectè condemnantur liberare possit minimè. Humano ingenio hæc imperscrutabilia sunt? cui occulta sua judicia Deus non revelavit. Quid igitur cogit nos à signis prorsus illicitis & diabolicis pendere & ab illis divinas revelationes expectare? cum in medio sint inquisitiones, legibus & judiciorum probatis consuetudinibus confirmatæ: Quarum aliquot recensentur in malleo maleficarum, in quo nullam quoque reperio de hac purgatione literam. Ferri candentis quidem mentio fit, sed tentaminis & superstitiosi & reprobati. Bodinus quoque in totum hoc tentamen improbat & scribit hac via judicia, quæ sancta oportet servari Diabolorum in scholam Magiæ mutare.

li. 4. ca.
4. demonomania.

tare. In Germania hoc consuetum esse, cum ignominia nobis obijcit: quomodo autem sit in hoc negotio procedendum quibus præsumptionibus & probationibus sit standum, satis fusè ab illo tractatur, & à quinque Inquisitoribus antea factum est. Neque laborem hunc suscipiendum puto, cui magistratus, ut benè suo fungitur munere incumbere debent: hoc tempore satis esse puto, ut moneantur, ne in posterum dictis præstigijs aurem præbeant, neque prophanis vel illicitis sese implicari & dementari patiantur. Neque admittunt illud tentamen Constitutiones criminales Cæsareæ recentiores, non sine gravi causâ, cum sanioris mentis hominibus habitum sit semper suspectissimum.

Simili suspitione non carent alia experimenta, eadem vanitate polluta. Sic scribunt, quod terræ pugillus, ex tribus spatulis dum sepulturæ fovea apparatur, collectus, & sacrificio Missæ litatus, si limini sacrarum ædium supponatur, non patiatur veneficas templo egredi. Idem scribunt de ligno quercino, in quo suspensus aliquis fuit, vel seipsum strangulavit, si infra limen templi occultetur. Narrant quoque de caseo, confecto in forma caseoli nova, stannea nova, ex recenti lacte à singulis vaccis collecto pressoque in nomine alicujus veneficæ: factus hoc modo caseus, si perforetur armilla aliquoties totidem & stigmata in fronte illius veneficæ apparere contendunt. Ferunt etiam nostrates quod baculum scopis extractum transgredi non possint, cum aliqui baculorum seu virgarum ope ad distentia ferri credantur loca. Virgarum enim eximius fuit usus in sacris, quibus usi etiam sunt in suis sacrificijs, Perfici Magi, & ij, qui in Cappadocia extiterunt. Iactatur etiam adhuc virga quædâ aurea, quam nonnulli virgam fortunæ nominant, qua in exquirendis venis metallicis, aut occultis terræ the-

thesauris multi perperam utuntur. Reperiuntur tamen aliqui, qui hanc physicis legibus subiectam autument sed longè falluntur. Quod autem veneficæ tactu baculorum evolant, ad loca diffita, diabolum ad ritum veteris testamenti æmulatum fuisse credo, in quo Moïsis baculi, quo mare tactum dehiscerebat & instar muri stabat, mentio fit. Proditum est Jacobum peculium suum impositis varicoloribus virgis canalibus illis, ad quas aqutationis gratia adigebantur oves, auxisse & fœcundum redidisse. Sic legimus de versione baculorum Moïsis in serpentes & similia, quæ rationibus non parent, sed Dei miracula sunt. Diabolo revera inimitabilia etsi præstigiæ specie multa passim repræsentet. Hæc interservi ut imitatio illius ad res divinas notior fiat ejusque in imitando potentia ob oculos ponatur. Alii aliter explorationem instituunt, adhibitis certis Cæremoniis & pronunciatis quibusdam verbis, quibus peractis in unum agmen sunt congregatæ. Fieri hæc non inficias imus & superstitiosas has artes eventu sæpe non frustrari concedimus: Verum in controversiam vocatur utrum ejusmodi mediis, uti etiam possimus absque violatione conscientia, & phrophanatione nominis divini. Sed dolendum & detestandum est quod vulgus semel aliqua superstitione imbutum ad saniolem mentem redire vix possit. D. Hieronim. in vita S. Hilarionis scribit Sathanam, in puella Dæmoniaca quam obsidebat, locutum esse, dicendo, se non exiturum, nisi lamina ærea quam amator puellæ januæ subdiderat auferretur: Verum noluit Hilario in hoc consentire, superstitionis illecebras percipiens sed precibus apud Deum insistens à Dæmone puellam liberavit. Et ut Augustinus testatur, tales observationes tantò magis fugiendæ & suspectæ nobis esse debent quantò sæpius videntur effectum fortiri.

tiri. Nam sicut vera & Christiana fides mirabilia operatur in benè credentibus : sic mala & falsa credulitas Deo permittit eventus malos interdum operatur vel potius demeretur. Quotidie etiam experimur in malè credulis, quos Deus ita punit propter malam fidem, & præsertim quos cognoscit Dominus nimium adhærere aliquibus vanis observationibus contingere Dei permissu aliquos eventus consuetudine vana receptos, & ita eos magis magisque firmari in concepta opinione, ut major fiat cæcitas eorum, & in laqueum cadant, quem sibi fecerunt. Talia enim quandoque permittit Deus contingere, ut patuit in Magis Pharaonis & alibi pluries vel ad probationem fidelium, vel iniquorum hominum dignam flagellationem, vel quia abutentes seu consulentes propter malam fidem dati sunt in reprobum sensum, & demerentur sic illudi.

Quod scripsit à Wiero nullum proponi speciale exemplum, quo sententiæ propositæ contrarium adferatur lubens fateor. Nos enim non possumus in arcana illa penetrare, quæ mentis nostræ aciem effugiunt, & in solius Dei nutu & arbitrio, hæc ita dispensantis posita sunt. Nihil tamen dubitamus experimentum hoc frivolum esse & fallax. Et licet ponamus illud non fallere rejiciendum tamen erit propter manifestam superstitionem veræ religioni oppositam, quæ habet rationem sapientiæ humanæ non in veritate sed falsitate sitam. Animus enim hic intentus esse non debet ad 1^o 2^o, ut eventus causas & naturas altè scrutemur id est, ut intelligamus, quantum & quatenus homini Christiano eo uti liceat, si vel Theologicè vel juridicè vel philosophicè hoc argumentum expendatur & consideretur : Quocunque autem me converto de inconstantia hujus & lubricitate statim cogitare me rei indignitas cogit. Atque hæc

hæc de sententia Wieri verissima hoc loco sufficient.

Nunc ulterius in Scribonii causas, quas putat physicas animadvertemus, quarum prima nihil physicum sapit, sed experientiae & consuetudini humana ratione inductæ potius nititur. Quod scribit primò ejus esse aliquam rationem, quod Logicæ intelligentiæ est subjectum, facile agnoscimus: Illud probandum venit hanc purgationem per aquam in nostrum cadere intellectum, aut probari nostro intellectui per sufficientes quasdam causas ab hominibus inventas: Inventum ab hominibus hoc experimentum contendit, ejus vero rationes nullas esse divulgatas. Ego certè credo nullas eos habuisse: nam sine dubio posteritati eas reliquissent ut tentamini à ratione alienissimo, suffragia vel fidei aliquam speciem conciliarent. Deinde quæ phanatica sunt, impia, & diabolico instinctu reperta, non propriè subjiciuntur nostro intellectui, aut hujus judicium subeunt: sed extrinsecus per suasionem vana invehuntur, & nullis causis rationi probabilibus munita imprudentioribus insinuantur. Notum est Medicis multa fieri in universa natura admirabilia per proprietates quasdam, quæ Græcis sunt ἀρρητοι ἰδιότητες vel ἰδιοσυγκροταί, in natura quidem causam obtinentes, attamen propter τῆς μύτης λόγον nobis ignotum, & naturæ involucris implicatum, non percipiuntur à nobis, immò potius supremo naturæ scrutatori relinquuntur. Præterea multa quoque eveniunt, quæ omnino aliunde, quam de rerum natura eruuntur neque hujus limitibus coercentur. Atque ex eorum numero sunt miracula, vel à Deo edita, divinæ omnipotentiae documenta certissima, vel ea quæ ad horum ementitam imitationem à Diabolo sunt profecta. Verum mandatum divinum hujus experimenti periculosi habemus nullum: caus-

sa physica in natura occurrit nulla : testat igitur ut quicquid hujus fit , id tantum à præstigiis diabolicis proficisci certò putandum est. Ex supra autem annotatis liquido constat, hunc morem purgandi veneficas, originem traxisse ab iis, quæ nunc citra mandatum imitari nullo modo licet. Nec consuetudini locus esse poterit in hoc casu, quod secundum jurisperitos ea ipsa rata non sit, nisi consensus ille in populo tacitus rationabilis etiam sit, id est jure approbatus, firmis & constantibus rationibus munitus, ne in justa & prava morum usu recipiantur ad corruptelam. Si enim pugnet è Diametro cum natura de quo in hoc casu nihil dubitamus, non alleganda aut sequenda est, sed veluti tyrannis ex bonorum consortio exterminanda. Ideoque judices non simpliciter debent consuetudini aurem præbere, sed ad hanc rationem naturæ convenientium trutinam, omnia diligenter perpendere. Nam lex inquit : Quod non ratione introductum est, sed errore primum, deinde consuetudine obtentum in aliis similibus non obtinet. Et decretalium lib. sic scribitur : Consuetudines quæ Ecclesiis gravamen inducere dinoscuntur nostra nos decet consideratione remittere. Sed consuetudo hæc quatenus Deum tentat Ecclesiæ onerosa & impia est, nullas probabilitatis rationes præ se ferens. Refricat quoque hæc consuetudo mihi ejus memoriam, quod adhuc in hodiernum diem usurpatur in exploratione alicujus furti. Sumunt cribrum & forcipem quæ ad tonsuram ovium adhiberi solet, utrumque quidem hæreditario jure possessum. Forceps cribro inferitur, & à duobus (eo, qui rem amisit & qua conjunctionem facit) forcipis extrema rotunditas, summitate digitorum utrinque apprehensa, sustentatur in medio aëre. Demum pronuntiatis quibusdam verbis de sancto Pe-

38. ff. de
Legib.

I. tit. 4.
cap. 1.

Petro & Paulo suspecti nomen exprimitur : qui si rem abstulit movetur & salit cribrum si non manet immotum. Hæc divinatio vocatur *κοσμινομαντεία* q : *κοσμίω μαντεύεσθαι*. Alii idem efficiunt caseo, characteribus quibusdam notato, cum admurmuratione verborum : qui si reo exhibeatur, eum nullo pacto potest comedere. Alii alias ejusmodi vanas in usu habent explorationes, quibus non nego veritatem nonnunquam inquiri, non modo rationali, sed clam diabolo ejusmodi effectus moliente quibus semper comes-veritas non assistit, eum mentiri & non hominum perniciem quærere illius sit studium unicum. Et Pauli regula est non esse facienda mala ut eveniant bona. Cui consentit quoque determinatio facultatis Theologicæ Parisiis facta anno 1398. his verbis : Quod licitum est uti magicis artibus, vel aliis quibuscunque superstitionibus à Deo & ecclesia prohibitis, pro quocunque bono fine error. Boni quidem speciem habere videtur, inquirere veneficas & meritis pœnis inquisitas afficere. Verum non res mali sed pessimi exempli explorationes instituire impias & cum natura pugnantes, ubi aliæ præsto sunt, juri & æquitati ne tantillum reluctantes.

Levissimum ergo hoc argumentum è subjecto intellectus & ipsa consuetudine ductum hisce telis petatum labefactabitur, & facile concidet, præsertim si logicæ intelligentiæ judicio experimentum dictum eximatur, ejusque erroneam & iniquam consuetudinem esse convincatur. Id quod satis clare ex anterioribus, nos demonstrasse, & nunc etiam ipsis legibus arguisse putamus, modo veritas apud bonos patrocinium obtinere poterit. Quæ enim inani præstigiæ specie nobis offunduntur quomodo in logicum quid cadunt, & rationi obtemperant ? Quomodo consuetudines errore in-

vectæ & populo solum propter rei novitatem probatæ in legis naturam abire possunt? Desinamus igitur silentibus rationibus & legibus præstigiosum hoc spectaculum plebi amplius exhibere, cum tutiora in medio sint, quæ divinarum & humanarum constitutionum terminos non transiliunt, ita ut in læsæ majestatis divinæ crimen ncidamus, nec humano generi perniciem ullam cogitemus.

Ad argumentum merè Physicum nunc nos accingamus, sumptum à corporum levitate, hujusque robur pro virili excutiemus. Cæterum cum per se invaldum hoc esse ipse subolfecerit de ejus lubricitate confestim occupando protestatur, quod nimirum aliarum fœminarum materia & forma eadem sit, quæ veneficarum. Quapropter cogitur aliam hujus eventus demonstrandi viam inire, cum videat causam in raritate & levitate non esse positam. Dicuntur quidem mulieres rariore & teneriore carne esse præditæ ipsis viris: attamen illa raritas (quæ corporis molliciem & laxitatem tantum respicit) ponderi & gravitati nihil adimit, quò minus aquis non submergantur, experientia teste. Assumens itaque aliud principium dicit: Veneficas priotis suæ formæ statum eo momento, quo primum cum Diabolo pauciscuntur, & novæ formæ vestitum induere. Præterea realiter diabolum eorum essentiam & partes omnes occupare, unde cum sit spiritus levissimus fieri autumat, ut propter levitatem communicatam non submergantur. Hæc quidem à Scribonio dicuntur sed quam verè ulterius examinandum restat.

Et primò falsissimum est eorum formas essentielles per pactum immutari, & alias induci. Nam pacta hominum essentias non mutant, vel divina ea sint vel diabolica vel etiam humana. Sic DEUS nobiscum (nec obstat personarum diffi-

diffimilitudo ut nonnullis placuit) pactum iniit nulla facta sensibili essentiae mutatione, quod & de aliis simili modo dicendum erit. Est enim pactum animorum inter se in unum & idem consensio derealiqua contrahentium, nulla interveniente vel in qualitatibus, vel in substantia facta alteratione. Deinde qui dicit diabolus rerum formas mutare, prorsus amens & delirus est, nec principiis philosophicis recte instructus.

Formarum enim origo est iussus divinus quo res singulae, sibi simile quippiam propagandi, vim sunt sortitae. Et cum creationis opus nequaquam diabolo competat, quid est quod formae immiſſionem aliquam novam ipsi adscribamus? quam solus DEUS (praesertim in homine) sibi reservavit. Hinc Theologi veteres recte censuerunt Dæmones insitae substantiae viribus, si permissio accedat posse ea perficere, quae motu locali & conveniente scitaque agentium & patientium conjunctione conſari possunt, rerum autem naturas contra materiae habilitatem à creatore inditam nullo pacto posse immutare. Cum autem corporeae materiae certam quandam habilitatem & praeparationem formae inducendae physico modo esse oporteat, qualis ab illis non potest produci novae etiam formae immiſſio facile per se corruet. Et si ex pacto nova forma emergit sequetur, ut novam quoque quae corpus informet immitat animam priore abolita, quorum neutrum ab ipso fieri potest. Dum modo enim homo est & permanet venefica, id solum ab anima informante obtinet. Atqui novam eam ipsum non producere hominis seductio & corruptio prima meridiana luce clarius ostendit. Nam prima illa primorum parentum instinctu diaboli facta depravatio, non essentiali formae destru-

structionem intulit, sed in qualitatibus essentiae tamen simplici convenientibus eam anima est experta. Posita enim vel levissima ipsius essentiae corruptione ipsam statim interiisse oportuit. Quo concessio videremur sanè pernicioso illi dogmati patrocinari, quod de peccato substantiae hoc tempore à nonnullis renovatum est. Proinde quando scriptura loquitur de veteri & novo homine, de carne vel spiritu, non hæc essentiarum sunt nomina, quandoquidem regeneratio illa, ut Nicodemus putabat, non essentiae sed qualitatum fit ratione, per vitæ prioris emendationem & actionum Deo congruentium novitatem. Nihil igitur est cum forma ejusmodi, nova esse ex pacto non possit, neque ab illo produci, quod inani persuasionem nobis obtrudatur, ad levitatem corporum, & natationis aptitudinem demonstrandam ut deinceps ostendemus.

Sine dubio scit Physicus ille ad levitatem corporum non adsumendam esse formam, sed materiam: Forma enim rei perfectio & absolutio est, neque corporis affectibus aut aliis accidentibus est obnoxia; materiae autem habilitas, instructio & apparatus pro causarum diversarum ratione, variis affectionibus est exposita. Levitatis itaque causas quærimus in materia rara, porosa, aërea & laxa, quæ facit, ut corpora quædam aquæ supernatent, ut lignum, fungorum genera, pennæ & alia similia, alia crassiora, compactiora & solidiora sua gravitate fundum petant, ut metalla in terræ visceribus genita. Cæterum cum antea ex Theologorum decreto dictum sit, Demones rerum naturas contra materiae habilitatem à creatore inditam nullo modo posse immutare: neminem spero in hac controversia illi assensurum, modò extremis labiis principia physica degustaverit. Quæ enim materiae peculiaribus qualitatibus præditæ accepta sunt feren-

ferenda, illa perperam formæ ad signantur, quæ ad affectus illos producendos, prorsus est inefficax, quandoquidem per se nihil agit forma vel patitur, sed totum dicitur variis affectionibus obnoxium ratione materiæ dissimiliter temperatæ ut Aristoteles & cum eo Physici rectè docent. Ut autem firmioribus niti videatur argumentis, scribit partes omnes corporis realiter à Diabolo esse obsessas, unde levitati majus accedere contendit incrementum. Nos contrarium asserimus veneficas non esse obsessas corporaliter, sed mente tenus, quæ obsessio illis damnosa & capitalis, cum scientes volentes & vigilantes, commercium cum illo contrahant, quod de obsessis nemo unquam ausus fuit dicere. Qui enim revera obsidentur, affliguntur miserabiliter discerpuntur, præcipitantur, torquentur mirum in modum, neque constant sana mente tempore paroxismi, nec corpore rectè valent, quod in strigibus non item fit. Striges non utuntur peregrino idiomate, quod de obsesso quodam nobili testatur Fernelius: non de damnis vicino illatis dolent, ne- *Lib. de*
dum ut ulla unquam scelerum pœnitentia ducantur. Proin- *abditis.*
de striges sumunt sibi potentiam edendi miracula, artem no- *reg. Caus.*
cendi per venena, aut incantationem, gaudent conviviiis, indulgent choreis, conversantur & confabulantur cum diabolo quotiescunque placet, quorum nihil fit ab obsessis: imò potius immunes ab eo esse ore & corde exoptant. Quam ob rem miror, maximè adeò absurda ab eo fuisse prolata: quæ etsi ita revera se haberent, nihilominus ejus sententiæ patrocinaurentur: Nihil enim dubitandum est, etiam obsessos simili modo vinctos & in aquam projectos pessum ituros. Satis clarè hoc docet historia Evangelica à Matthæo descripta: Ibi cum Christus duos obsessos li- *Cap. 8.*
berat, petunt obsidentes Dæmones, ut in agmen por-

corum ingredi liceat, quod ita fit: agmen autem procorum in mare præcipitatum submergitur & perit. Hæc historia è diametro illius sententiæ repugnat, quæ porcos revera à diabolo obsessos, in maris profundum delatos esse scribit. Et quamvis à Paulo Dæmon dicitur esse spiritus vel princeps aëris: attamen non rectè inde elicitur, ex materia aërea & levi illum constare, sed quod spiritus sint pernicitate velocissimi, ita ut per aërem etiam momento, ad distantissima commeent loca, unde velocitas divinitatis loco à nonnullis est habita. Huc credo etiam respexisse veteres, quando spiritus omnes alites vocaverunt, instar alitum aëris tractus trajicientes, unde angeli à pictoribus etiam alati pinguntur. Dominatum etiam in aëre habere rectè creduntur, quod ventos, tonitrua, pluviarum impetus obortos nonnunquam horribiliter, si DEUS permittat, in hanc vel illam plagam detorqueant, ad vastandas fruges glandes, perdenda pecora, inundationes & similia: Neque aërem solum occupant, Dæmones sed & aquam & loca subterranea, ut veteribus Platonici visum fuit, dum aëreos aqueos & subterraneos statuerunt Dæmones: Damnatur similiter eorum sententia, qui Dæmones alios in oriente ex suo merito collocatos esse, alios in occidente, alios in septentrione vel meridie sitos autumant, quibus in locis tanquam peculiariter ipsis destinatis commorentur & habitent. Inquieti enim sunt, & more prædatorum hic inde ad nocendum circum vagantur ut rabiem expleant. Nihil itaque & hoc argumentum de obsessione ponderis habet, cum nullo modo veneficæ obsessæ sint, neque si essent aliquid momenti ad levitatem obsessio obtineret, ut exemplis, & ipsa rei natura declaravimus. Quod præterea ad stabilendam suam sententiam, adducit provectionem de uno loco in ali-

alium, idque per aëream sublimiorem, nihil porbat, aut corporum subtiliorem vel leviozem conditionem demonstrat. Transvectio enim illa nihil juvatur à substantia levissima volatili & spiritali, cui se manciparunt, illique ex pacto obtemperaturas se obstrinxerunt, vi & potestate præter corporum naturam sublevatæ, hinc inde nocturno tempore vagantur & discurrunt. Neque Christi corpus à Diabolo in templi verticem & montis cacumen traductum vel tantillum in suis qualitatibus fuit mutatum, aut aptius ad illam vectiõem redditum. Ita diaboli potentia non modo homines sed & montes, ædificia projiciuntur & locomoventur, ut historia Jobi docet. Invalidum itaque est quod de aliter formata natura in veneficis prætendit, & de aptitudine ad tranandum aërem confixit, quando diaboli vis & potentia hoc efficere valet absque sensibili corporum alteratione. Non negamus fieri ejusmodi corporum transsationem violentam neque ab eorum partibus standum esse putamus, qui hanc vanam & imaginariam esse judicant: In modo ramen hujus video diversas esse authorum sententias. Affertur quoque in medium objectio de falsitate hujus experimenti ex natationis natura & conditione dum spiritum cohibemus, de sumpta cui sententiæ Wierum inniti adfirmat: Verum spiritus cohibitionem non esse solam sed adjuvantem natationis causam ab ipso rectè adfirmatur: nam scribit insontes sive cohibeant sive non tamen aquis obrui & submergi. Posse etiam insontes in superficie aquarum suspensas hære, extra omnem est controversiam, cum spiritus ille inquietis & rugiens quovis momento perniciet hominum inhiet. Neque dubium est quasdam etiam nocentes ab aquæ submersione immunes esse, cum nondum Deo visum sit pœnas ab illis exigere quos ad cer-

tum tempus DEUS judicio suo reservat, uti & in aliis sceleribus hoc usu venire quotidie experimur. Hoc certe est quod Diabolus in hoc experimento quæsit, nimirum ut ex periculoso, dubio, præstigioso & Christianæ religioni contrario tentamine, pericula non solum corporis in nocentibus sed & animæ in aliis extra culpam positis imminerent. Quis enim maximum id esse peccatum negaverit, qua animam fauciat, conscientiam turbat, Deum tentat & naturæ ordinem pervertit, Wierus verò ut supra ostendimus, verissimam hujus causam adserit, esse Dei permissionem, Diaboli potentiam quo magistratus illicita ejusmodi media usurpans in superstitione & errore magis confirmetur, uti & hoc ipsum fit in aliis explorationibus in medium allatis quæ & fallunt sæpè, interdum veritati nituntur cui obsequendum tamen non est cum sub mali specie inquiretur, quam vitandum esse Paulus monet.

1. Thessal.

cap. 5.

Objectio altera de salvatione earundem commodè omitti potuisset, cum maximè doleat diabolus, se omnes non posse in suos compedes Christi regnum labefactando conjicere. At nos agamus Deo gratias quod in tanta Diaboli tyrannide & sævitia aliquos adhuc sub suis alis protegat & ab illis imposturis præstigiosis liberet. Cæterum in media causarum naturalium productione, forsitan imprudens & inscius author prolabitur ad causas præternaturales nimirum ad Diaboli potentiam, Dei permisso illas in aquis sustinentis. Agnoscimus sanè hanc causam & pro rato habemus, sed cum spiritus sit fallacissimus & imperscrutabiles Dei dispensationes & occulta ejus judicia, experimento illi fides non erit adhibenda. In cogitantia illius adscribendum puto, qua dum naturales inquit causas, ad præternaturales tamen imprudenter delapsus sit, quarum
illæ

illæ à certis pendent cauffis, & cum ratione possunt adhiberi : hæ incertæ sunt & ut irrationabiles fugiendæ.

Sed immemor sui ipsius tandem concludit & devolvitur rursus ad caussam naturalem, quam ut ipsius fert opinio ponit in spiritali quadam attractione, orta ex simili in earum corpore contenta levitate, atque hanc pro efficiente ponit. An per attractionem, suspensionem quandam in aqua intelligat ignoro : alioqui non perspicio satis, quid per attractionem intelligi velit, quandoquidem levitas in corpore, non est attractionis alicujus caussa, sed substantiæ raritas suspensionem in aëre vel aqua efficit. Neque quæ levia sunt attractioni sunt accommodatiora, ut de Agarico levissimo constat. Is bilem ad se non trahit & è corpore educit, sed substantiæ suæ hostilitate nostræ naturæ contrariæ, vim expultricem stimulando id efficit. Sic pulmones levissimi aërem non attrahunt, qui ad vitandum vacuum sponte ad eos defertur. Ideoque attractio illa vel suspensio ob spirituales levitatem in eorum corporibus, dari non potest, cum neque revera obsideantur, neque formam ab aliis mulieribus tenent diversam. A sententiæ itaque nostræ fundamentis superius allatis, ne latum culmum discedendum putamus. Caussam finalem non improbarem, si media per quæ ad finem tenditur, sic essent disposita, ut aliquo modo possent tolerari. Quod cum non sit finem retinebimus, ut puniantur illa facinora coram DEO abominabilia: sed media explorationis finem præcedentia ut illicita summopere detestamur & damnamus.

Quod attinet ad refutationes argumentorum contrariorum Scribonii, mirari satis non possum, quod ea ex alto despiciat & irrideat, quæ sacre scripturæ sunt consentanea, neque citra prophanationem ejusdem admitti possunt. Nihil

obstat nobis quod tale tentamen nonnunquam verum sit. Constat enim non solum veram fidem stabiliri miraculis, dum opus est ad ædificationem, sed & falsam fidem in sui damnationem, vel aliorum probationem, idque fieri non ut exemplo vel imitationi nobis sint, sed potius terribilimento ad Idololatriam & hæresin vitandam & exterminandam, ut Augustinus monuit. Præterea quæ jure civili & Canonico non probantur, quomodo Theologicis legibus se subjicient, aut probabilitatis ullam speciem nobis offerent. Peraguntur fateor multa in judiciis & causis criminalibus, quæ ex sacris petita non sunt, neque peti commode poterunt: attamen iniquè illa in foro administrari, nullus credo affirmabit. Verum hæc purgatio per aquam frigidam à Jurisperitis ut diabolica damnatur. Hoc in authorem retorquendum putamus, utrum Christianis uti liceat iis, quæ Christianæ religionis fundamenta pervertunt, & blasphema sunt in Deum: Illa enim quantumvis consuetudine inveteraverint, retinenda non sunt, cum consuetudo mala fide inducta temporis diuturnitate præscriptionem non acquirat. Ideoque concedimus multa in forensibus & domesticis rectè fieri, in sacris non præcepta, verum hoc constanter negamus non licere iis uti, quæ sacræ scripturæ è diametro repugnant, nec citra conscientiæ labefactionem usu recipi possunt.

Tertiæ refutationis futilitas ex iisdem poterit argui; quia una & eadem est cum priore. Affert etiam multa admittere à Theologis, qualia sunt Adiaphora dicta, quorum in divinis mandatum extat nullum. Atqui parum hic obtinent Adiaphora in externis quibusdam cultibus posita quæ conscientiam non sauciant, neque divinorum præceptorum excedunt limites.

Secun-

Secundi argumenti refutatio exquisitius examinanda venit, qua physicarum contemplationum ignorantia suos adversarios insimulare videtur. Scribit enim multa præter naturam fieri quæ tamen non sint contra naturam. Et cum præter naturam sit illa purgatio, creditur ipsi singulare quid obtinere, & corpora sagarum cum non submergantur, aliter quam aliorum hominum esse disposita. Quod primò adferit multa fieri præter naturam quæ non sint contra naturam paulò altius investigandum videtur, ut appareat, quæ sint contra, quæ præter, quæ supra naturam & quatenus huic proposito demonstrando conveniant. Animadvertendum itaque est, rebus naturalibus opponi res non naturales, id est quæ à naturæ ordine non pendent: Hæ triplices sunt, aut ἀντιφυσικά aut παρὰφυσικά aut μεταφυσικά. Ἀντιφυσικά ea sunt, quæ contra naturam rerum proprietates & vim à Deo insitam destruunt, ut mors ipsa, & hujus causæ violentæ. παρὰφυσικά ea dicuntur quæ naturales vires aliquo modo impediunt & retardant, ut morbi omnis generis harumque causæ. μεταφυσικά sunt quæ supra naturam in re aliqua accidunt, non à vi aliqua rei insita, non ordine naturæ, sed extra ordinaria quadam & majore Dei potestate, ut si ferrum vel venefica aquæ innatet. Hoc posterius cum prioribus omninò nihil participat, neque hujus conditio naturæ legibus paret. Inquirendum igitur erit in quam classem horum trium dictum tentamen commodè possit referri.

Contra naturā eā non esse indicat, quod, ut norunt omnes, per hoc nulla fiat naturæ destructio, ut in morte. Fieri quidē præter naturam hoc agnoscit: naturæ tamen non omnino contrariū esse autumat. Si non est contra naturā, necesse est ut causæ naturales in mediū proferantur, quod frustraneo molimine
tamen

tamen author tentavit. Deinde quæ præter naturam sunt in censu non naturalium habentur, quo idem dicit & inscienter se ipsum implicat & naturæ ordinem turbat. Et si fit præter naturam, proferri cupimus causas præternaturales, quales in morborum insultibus videri licet, nec aberit multum, quin lubentes in ejus sententiam descendamus. Artificialem video in ligatura decussatim facta, naturalem vel præternaturalem nullam, quæ naturali etiam, qualem prius commentus fuerat, prorsus refragatur. Quando dicimus multa fieri præter naturam, quæ non sint contra naturam, intelligimus multa sæpè in multis fieri præter naturam, id est præter speratum naturæ ordinem, vel artifex hoc ipsum, vel natura ipsa effecerit in morbis desperationi proximis. Ibi præter naturam hoc fieri dicitur, & quidem miraculo improprie dicto, cujus causa extra naturæ limites non est sita. Sed si non est hoc experimentum contra naturam, facile illi erit, hujus eventus causas inquirere quod haud dubie tamen ipsum in primo limine franget. Cum igitur hæc præternaturali sint: necesse est, secundum omnes physicos, & hæc in non naturalium seu contra naturam rerum numero recenferi, convincente hoc ipsum rei evidentia & veritate. Atqui cum per hoc nulla sequatur naturæ destructio, ad non naturalia quoque referri non poterit. Restat igitur ut ad ea transferatur, quæ omnino sunt transnaturam & sub nomine miraculorum comprehenduntur. Ea autem proprie sunt miracula vel improprie. Proprie miracula soli Deo competunt, quæ à nulla creata potentia potuerunt effici, si vel rem ipsam vel rei generationis modum respicias. Sub miraculis verò improprie dictis, & hoc experimentum contineri extra omnem est controversiam, quocunque tandem

dem modo id fiat. Si permittitur, Diabolus eas in aquis sustentare potest, præterquam quod æstantium oculos fascinare, & experimento fallacissimo, superstitionis plebem dementare, & illudere potest, ut ante de Magis Ægyptiis & eorum miraculis præstigiis attulimus. Quamobrem quoscunque tandem nervos intendat Scribonius, nihil de causis naturalibus vel præternaturalibus cuiquam poterit restatum facere, aut ulla veritatis specie ad applausum conciliandum apud mediocriter doctos se insinuare. Solum hoc negotium quocunque te vertas, superstitionis plenum est, & à diabolo, Deo conivente totum proficiscitur, quo nomine à prædictis causis eximitur, & in Sathanæ ludum convertitur. Atque hæc satis sint de Scribonii rationibus, quibus putat se rem satis belle demonstrasse.

Porro si quis à nobis scire desideret, quod Jurispectus forsan in dubium vocet, utrum hæc consuetudines usque receptæ possint etiam abrogari, quando eæ ipsæ in jura ut vocant municipalia abire soleant. Huic objectioni respondemus, quod consuetudines etiam irrationales in bonis corporalibus aliquo modo possint tolerari: Verum in iis negotiis, quæ Majestatem divinam attingunt, & conscientiam spectant, recte illas aboleri posse Christiana religio serio jubet, ne malaficiamus ut eveniant bona. Jura enim indagandi alias vias licitas proponunt quarum vestigiis inhærere tutissimum semper est habitum. Et magistratus diligenter sibi prospiciat, ne talibus errorum illecebris se involvat dictive præstigiis applaudat ad populi favorem aucupandum aut ludicra spectacula eidem exhibendo.

Hæc fuerunt quæ hoc tempore de suspecta purgatione Sagarum per aquam frigidam in medium afferre visum fuit, non tam propter authorem quem magni semper feci, ob eruditionem multi fariam, quam ipsius rei indignitatem & inauditam superstitionem Christianis Magistratibus nullo pacto sequendam vel approbandam.

Et primo quidem de quorundam populorum consuetudinibus, auctoritate jurisperitorum confirmatis, egimus. Examinatis hæc nullum invenimus apicem, qui illis patrocinari videretur, præsertim quæ de purgationum generibus in medium allata sunt. Nulla enim ab authoribus probatur, præter eam, quæ fit per juramentum quæ & Pauli doctrinæ convenit, cum inquit: Omnis controversiæ finis juramentum est. In criminalibus tamen & alijs enormibus facinoribus alia inquisitionis ratio ineunda, rectè à Jurisperitis proponitur. Purgationes aliæ dictæ vulgares per duellum, ferrum candens, aquam ferventem vel frigidam, prorsus à sanioris mentis hominibus sunt reprobratæ & rejectæ. Etsi autem priores nostro proposito minus inserviant: voluimus tamen cum sub eodem genere comprehendantur earum mentionem facere, ut omnium communis natura, simul lectoribus patefieret. Demonstravimus satis luculenter, nihil communionis intercedere purgationi, quæ fit per aquam frigidam cum ea, quæ instinctu DEI per Moysen populo fuit demandata, si quando suspicio esset de adulterio. Differentiam quoque in ritibus supra ostendimus maximam, ita ut nec quadrare huic proposito possit, aut ad illius exemplar accommodari & effingi, quod non amplius nunc

Hebr. 6.

obli-

obligat. Sine dubio hæc purgatio à Celtarum consuetudine, qua Spurios à legitimis discernebant, ad nos usq; manavit, & à Diabolo clanculum incredulis surrogata est. Proinde consuetudine sic inveteravit, ut adhuc hodie in usu sit, cum boni speciem comparatione ad poenam sub se continere videatur, & tamen res ipsa per se factio sint pessima: Plurimæ enim in plebe quicquid semel admissum est, difficulter ex eorum animis excutitur. Neque etiam si parvas radices egerit, funditus extripatur. Præterea satis mirari non possum, qui tam palpabiles nugas & superstitiones foetidas Christiani magistratus, neque palpent, neque olfaciant, imò potius cum sui ipsius dedecore exerceant. Explosa igitur hæc purgatio à Jurisperitis ob consuetudinem irrationalem, à Canonistis quod Ecclesiæ gravamen inde immineat conscientiaque multum inde turbentur.

De Philarchi historia quid sentiendum sit breviter quoque attigimus, Si quid tale contingit in veneficarum oculis præstigiosum, certè quiddam est non reale, ut aliis exemplis declaravimus. In formarum sane mutatione Deus diabolo nullas concessit vires ut supra docuimus, quicquid alij, de mutatione hominum in lupos, boves vel alia animantia prætendant. Neque fidendum Bodmo putamus, qui Nabuchodonosorem in bovem per septennium transmutatum ob communem escam autumat, uti & Magos Ægyptios veros fecisse serpentes statuit, & alia his similia vero minus consentanea. Wierus dum commiseratione erga veneficas ducitur, nec durius quicquam in eas decernit, ab alijs rectè est re-

futatur. Interim tamen in hac purgatione cum aqua frigida ne latum culmum, ab eo discedendum esse existimo, quandoquidem & ipsi ob superstitiones & præstigias semper fuit habita suspectissima. Et quanto sæpius effectum speratum nanciscuntur hæc experimenta, tantò magis vitanda & fugienda sunt. At stabiliendum enim ab usum & superstitiones in incredulis, hæc à DEO ita occulto iudicio permittuntur.

Deinde progressi sumus ad argumenta illius ex subiecto intellectus & ipsa consuetudine ducta horumque corporum quam fieri potuit diligenter summovimus. Non enim cadunt in intellectum, aut ad leges Logicas revocantur, quæ Dæmonum opera producuntur, & inani præstigiarum spectaculo nos suspensos tenent insidiosèque illudunt. Simile quoque iudicium erit de consuetudinibus errore invecitis, ut ante monuimus. Quæ porrò habet de merè physicis, nimirum corporum eorundem levitate, formæ substantialis mutatione, faciliore traiectione per aërem, demum ipsa corporali obsessione, simili perspicuitate & diligentia tractavimus, rei que veritatem enucleavimus. Non enim formæ mutatio, quam tamen ibi esse vel fieri per pactum negamus, levitatem corporibus inducit, sed materiæ certa dispositio. Neque trajectio per aërem juvatur à levitate corporum, quæ violenta est nullis naturæ causis obtemperans. Denique & falsa sunt quæ de corporali obsessione proferuntur in multis offensum est argumentis, quæ quamvis adsit, à submersione tamen vix præservaret. Verum mox sui ipsius immemor ad causas præter naturales, vel potius supernaturales, nimirum ad Diaboli potentiam, DEI permissu, in superficie aquarum eas detinentem rursus dela-

delabitur, quod lubentes recipimus, si constans in sententia prolata perseveraret.

Ultimò author in manus sumit, refutationes eorum, quæ sententiam propositam infrigere posse ipsi visa sunt. Quam feliciter autem hoc perfecerit, ex inspectione superiorum satis innotescet, & præsertim ex iis, quæ de naturalium & non naturalium conditione & discrimine, aliquantò prolixius in medium attulimus: lis enim diligenter examinatis, tandem eruumus, hoc experimentum ob ligaturam partim artiificiale, partim supernaturale esse, quod miracula propriè dicta & à Deo edita & impropriè dicta & à Diabolo profecta neque veris causis naturalibus subjecta comprehendit. In consideratione igitur omnium argumentorum, ad Lydium lapidem revocatorum, manifestè perspiciemus, admodum levia & lubrica authorem corrasisse, ad propositum demonstrandum prorsus elumbia, vel authoritates Jurisperitorum vel rationum physicarum pondera examines. Nos si quis meliora & veriora in lucem proferre poterit, non adeò erimus obstinati, quin facilimè in adversariorum castra descendamus.

Admonitionis loco addendum putavimus, ad gubernacula rerum sedentes commode posse receptam hanc alicubi consuetudinem totam irritam facere & abolere. Nihil enim vetat omnia posse rescindi & cassari, quæ nefas est Christianum hominem cogitare, nedum cum magna piorum offensione in publicam scenam producere. Rei igitur veritate & evidentia convicti, omnes magistratus, qui huic purgationi, in exploratione. Sagarum locum dederunt, culpam gravem agnoscent, & ne Dei meritam iram acerbius in se concitent

Cap. 18.

in posterum ab hujusmodi ludicris spectaculis abstinebunt. Sic etenim judicia licita, quæ sancta & in violata servari decet, in diaboli ludum & Magiæ scholam degenerant & convertuntur. Nihil dubitamus hanc purificationem, abominationem coram Deo esse, nec aliter ipsum hac offendi, quam olim transmissione puerorum per ignem in Deuto: prohibita. Nec est quod ignorantia juris se excusent, cum à multis ante hac hujus purificationis experimentum sit reprobatum, & ut superstiosum rejectum. Sed fit, quod plerumque fieri solet, ut vulgus opinione etiam teterrima concepta, tam tenaciter eam retineat, quam testa ejus odorem, quo primum imbuta fuerit, diutissime postea servat.

Et nemini arctius opiniones conceptæ etiam futilissimæ insident, quam imperito vulgo, quod ludicris istiusmodi rebus delectatur, neque si de causis rerum abstrusarum edoceatur, cui astipulandum sit, propter ingenii ruditatem capere & assequi valet, Tumultuatur quoque vulgus in abrogatione ejusmodi spectaculorum, & dolet ea oculis præripi, ad quæ ipsæ veneficæ properant & ultro se sistere ambiunt. Credo autem eas à diabolo sic persuasas hoc facere spe submersionis, & liberationis à sparsis rumoribus & suspicionibus. Verum fallit sæpius, & in corporis discrimen nonnunquam & animæ perniciem impœnitentiæ tenaces ducit atque præcipitat. Admirandum non est inter Ethnicos & prorsus Dei ignaros homines, hujusmodi diabolicas præstigias floruisse, & adhuc impunè exerceri: sed plus dolendum quam admirandum est, in hac media Christianorum luce, multorum mentes tanta caligine & cæcitate involutas esse, ut abnegato & repudiato Christi nomine, in qui

qui Baptizati eum ipsum induerunt, Diaboli efficiantur mancipia, ipsiusque ductu ad quævis pessima & Christiano indignissima rapiantur facinora.

Æternum & veracem patrem domini nostri JESU Christi, toto pectore invocemus & rogemus, ut per hunc, (ad quod missus in mundum est) opera Diaboli destruat, furiosas machinationes antevertat, fraudes mirificas aboleat, non ut ipsi sacra & placentia fiant, sed Dei regnum apud nos augeatur, & virtute spiritus sancti stabiliatur, quod non in hisce terrenis sed cælestibus consistit, ubi locum ipse suis paravit, quo nos omnes DEUS clementer provehat, ut cum ipso & omnibus angelis æternæ beatitudinis fruamur bono. Qui se diaboli laqueis irretiri & tentari patiuntur, dignas suæ Apostasiæ luant pœnas, legitimo ordine dictas, fraudulento hoc experimento à bonorum societate longissimè relegato, Amen.

Jacobus Strasburgius.

*N*il tam blasphemum est, quod non reperire patronos
Possit, & auctorem reddere honorificum.

F I N I S.